

Е. А. КУЗИВАНОВА, В. А. ШУЧАЛИНА

**КОМИ КЫВ КУЗЯ  
ИЗЛОЖЕНИЕЯСЛӦН  
СБОРНИК**



Учительяслысь тӧдӧмлуныяс кыпӧдан  
Коми республиканской институт

Е. А. КУЗИВАНОВА, В. А. ШУЧАЛИНА

# КОМИ КЫВ КУЗЯ ИЗЛОЖЕНИЕЯСЛӦН СБОРНИК

*4—6-ӧд КЛАССА ВЕЛӦДЧЫСЬЯСЛЫ  
СОДТАЛОМ ДА ВЕЖЛАЛОМ МОД ИЗДАНИЕ*

*Вынсьӧдӧс  
Коми АССР-са просвещение кузя  
министерство*

Коми книжной издательство  
Сыктывкар 1980



## ВОДЗКЫВ.

Челядлысь устнӧй да письменнӧй сѣрни развивайтӧмын, сійӧс мичмӧдӧмын ыджыд роль ворсӧны устнӧй да письменнӧй изложениеяс.

Изложениеяс гижӧм вылӧ текстъяслӧн тайӧ сборникыс арталӧма среднӧй да восьмилетнӧй школаясын 4—6 класса велӧдчысьяслы.

Сборникӧ пырисны содержание боксянь разнӧй пӧлӧс текстъяс: природаӧс видзӧм да дӧзьӧритӧм йылысь, гражданскӧй да Отечественнӧй война дырйи сӧветскӧй йӧзлӧн героическӧй поступокъяс йылысь, войнабӧрся мирнӧй кад дырйи челядлӧн да верстьӧ йӧзлӧн трудӧвӧй подвигъяс йылысь, а сідз жӧ сэтшӧм текстъяс, кӧні сѣрнитсьӧ дружба да товарищество, честность да правдивость йылысь да с. в.

Та вӧсна уна текстъяс вермасны шогмыны не сӧмын изложениеяс гижӧм вылӧ, но и беседаяс нуӧдӧм вылӧ.

Сборникын текстъяссӧ группируйтӧма абу тематика боксянныс, а орфограммаяслӧн сьӧкыдлун содӧм сертиыс. Сы вӧсна уна текст бердын эмӧсь грамматическӧй уджъяс: бӧрйыны разнӧй кывсикасьяс да объяснитны налысь гижанногсӧ, артмӧдны сетӧм кывъясысь мӧд пӧлӧс грамматическӧй формаяс, используйтны текстсӧ выборочнӧй диктант нуӧдӧм вылӧ да с. в. Эмӧсь заданиеяс и фонетика да кывлӧн состав темаяс вылӧ.

Откымын текстъясын эмӧсь мича описанияяс. Изложениеяс гижӧм вылӧ татшӧм текстъясыс, гашкӧ, лӧбны сьӧкыдджыкӧсь, сы вӧсна найӧс позьӧ используйтны сочинениеяс гижӧм водзвылын кывъяс да художественнӧй средствояс вылын уджалігӧн.

Эмӧсь заданиеяс и челядлысь кыв запассӧ паськӧдӧм вылӧ, шуам, бӧрйыны ӧткымын кывъяс дорӧ синонимъяс, антонимъяс, омонимъяс, пыртны найӧс выльысь лӧсьӧдӧм предложениесӧ, корсьны текстсы мича эпитетъяс, метафораяс, сравнениеяс, пыртны найӧс велӧдчысьясӧн лӧсьӧдӧм висьтӧ.

— Сідз жö сборникын эмöсь текстъяс, кöни колö вежны висьталысьыслысь морта формасö либö текст помас вöчы геройлön поступок йылысь вывод.

Учительлысь уджсö кокньöдöм ради текстъяс дорö сетöма примернöй план. Но тайö планыс абу обязательно ни велöдысьлы, ни велöдчысьяслы. Велöдысь вермас сетны ассьыс план, вермасны сийöс лöсьöдны и велöдчысьяс.

Унджык текстыс индысьсö обучающöй изложение гижöм вылö. Позьö найöс используйте и контролнöй изложение либö мукöд пöлöс письменнöй да устнöй уджъяс нуöдöм вылö.

Текст помын сетöм грамматика кузя заданиеясыс висьталöны, кутшöмджык орфограммаясöн озыр текстыс. Татшöм текстъяссö велöдысь вермас используйте дженьдöдöмön либö юкөнъясöн.

Тайö сборник кузя отзывъяс корам ыстыны Коми АССР-са просвещение кузя министерствö.

## Нельод класс.

### ПЕРВОЙ НОМЕРА ПОСТ.

(А. Абрамов серти.)

Владимир Ильич Ленинлөн Мавзолейё пыранинын вөрзёдчывтөг сулалё почётной караул. Тайё миян стра-  
налён главной пост — первой номера пост. Му планета  
вылын тайё медпочётной вахта.

Чола сулалёны карабинъяса кык салдат. Тайё Ок-  
тябрлөн внукъяс, гитлеровской Германияёс вермысьяс-  
лөн пиян.

Караулыслөн вежсьомыс мунё торжественной. Часё-  
войяс зумыд шагён восьлалёны Кремлёвской часі звон  
шы улын.

Мавзолей дорын медводдза часёвойясён вёліны  
Кремлёвской военной школаыс курсантъяс Григорий  
Коблов да Арсентий Кашкин. Найё сувтісны пост выло  
сэк, кор Ленинлөн соратникъясыс видзчысьомён пыртис-  
ны Ильичлысь гортё Мавзолейё.

Первой номера постса часёвойяс гордитчоны народ-  
лөн довериеён. Службасё найё нуоны отлично выло.

Пионеръяс да школьникъяс асьыныс праздникяссё  
векджык пасйёны Красной площадь вылын. Сэк первой  
номера постыввса салдатъяскөд орччөн вахта вылын су-  
лалёны медбур пионеръяс да школьникъяс.

**Заданиеяс. I.** Объяснитой кывъяслысь да кыв сочетаниеяслысь  
вежёртассё: **Октябрлөн внукъяс** — салдатъяс, кодъяслөн дедъясныс  
тышкасылісны Совет власть вёсна; **гитлеровской Германияёс** **вермысь-**  
**яслөн пиян** — найё, кодъяслөн бать-мамныс дорйисны фашистъясысь  
Рёдина; **вахта** — сменаçожся дежурство; **зумыд** — крепыд, ён; **чо-**  
**ла** — лоня, сёрниттөг; **медводдза** — первойя.

II. Текстё разберитой вопросъяс серти:

1. Кёні сулалё первой номера пост?
2. Кутшөм кадсянь Мавзолей дорын сулалё почётной караул?
3. Дыр-ё сулалё часёвойяслөн быд смена?
4. Кыдзи мунё часёвойяслөн вежсьомыс?
5. Кодъяс вёліны первойя часёвойясён?

III. Лёсьөдой план да гижой висьтё дженьдөдомён.

## П л а н.

1. Первой номера пост.
2. Карауллөн вежсьом.
3. Медводдза часөвöйяс.
4. Пост вылын пионеръяс да школьникъяс.

## НЫВКАЛÖН ВИСЬТ.

(Г. Юшков серти.)

Менам мам быдтор кужö вöчны. Тöрыт на сэтшöм мича партук вурис меным, а талун зэв чöскыд шаньга пöжалис!

Водз асывсянь мам мунö удж вылö. Сийö идрасьö скöt картаын, посни куканьясöс чередитö.

Школа бöрын ме тшöтш ветлывла картаас, отсая мамлы. Мам бура уджалö, сийöс быдлаын век ошкöны. Ме эг чайтлы, мый кукань видзöмысь вермасны сетны орден. Абу öд, мися, тайö кутшöмкö подвиг. А вот мамлы сетисны Ленин орден! И газетын мам йылысь гижлисны. Вот кутшöм менам мамöй! Удж вылас зиль дай йöзыскöд шань. Ме помтöг радейта ассым мамöс.

Заданиеяс. I. Объяснитöй кывъяслысь да кыв сочетаниеяслысь вежöртассö: **чередитö** — дöзöритö, ухаживайтö; **идрасьö** — тани: куканьясöс вердö-юкталö, чиститö; **йöзкöд шань** — бур, йöзкöд лöсялысь, бур сёлöма.

II. Вайöдöй э да i гижаннога кывъяс (сэтшöм, зэв, тэрыб, дэбыд; сийö, вердис, юкталис, ветли).

III. Текстлөн особенностьяс. Тайö висьтыс мам йылысь. Сийö быдтор кужö вöчны: и мичаа вурсьыны, чöскыда пöжасьны, бура уджавны. Кукъясöс бура дöзöритöмысь мамлы сетöны Ленин орден.

Вöчöй вывод: Миян странаын быд удж почётной, вылö донъявсьö, сöмын колö сёлöмсянь уджавны, радейтны удж. И кызди ташöм мамтö он радейт.

IV. Текстсö разберитöй вопросъяс серти:

1. Мый кужö вöчны нывкалөн мамыс?
2. Кызди сийö уджалö скöt картаын?
3. Кутшöм йöзöс миян странаын награждайтöны орденъясөн да медальясөн?
4. Мыйла нывка радейтö ассыс мамсö?

V. Лöсьöдöй план. Изложениесö гижöй коймöд морт нимсянь, нывкаислы сетöй ним, вежöй текстыслысь заглавиесö. Содтöд гижöй асланыд мам йылысь.

## П л а н.

1. Мам быдтор кужо вочны.
2. Сийо уджало скот картаын.
3. Мамлы сетоны Ленин орден.
4. Помтог радейта мамбс.

### ЛИДА МАТВЕЕВА.

(«Пионеры-герои» сборникысь.)

1941-од вося тулысын ленинградса пионерка Лида Матвеева гожся каникулъяс кежло мунис шойччыны бабыс ордо. Бабыс оліс Московской областса Иваново сиктын. Тайо сиктас и суис Лидаос война.

Фашистьяс воли матыстчоны сиктлань, а тайо жо кадо сикт модарладорсянь локтисны мян кык танк-разведчик. Восьса люкысь тыдовтчисны старшина Иван Мороз да сержант Алексей Сенцов. Найо эз адзыны фашистьяслысь матыстчысь колоннасё.

Тайос ставсё казалис Лида. Сийо уськодчис танкъяслы паныд да овтчис чышъянон, медым танкистьяс бор бергодчисны. Сийо городис: «Бергодчой! Сэни оврагас фашистьяс!»

Танкъяслон люкъяс тупкысисны. Разведчикъяс лыйсигтыр энотисны сикт. А пионеркаос фашистьяс кутисны да лыйлисны.

Война помасьом борын сийо местаас, кони погибнитис Лида, Иваново сиктса пионеръяс садитисны ыджыд сад. Сад пытшко сувтодисныobelisk. Obelisk гогор они быд гожом быдмоны мича дзоридзяс.

**Заданиеяс.** I. Объяснитой кывъяслысь да кыв сочетаниеяслысь вежортассо: **танк-разведчик** — танк, код вылын боецъяс локтоны разведкао; **obelisk** — бетонысь, мраморысь либо изйысь сувтодом памятник; **оврагас** — таи: увтасины; **матыстчысь** — локтысь.

II. Вайодой примеръяс, кор кывын гижсьо ь (каникулъяс, сиктъяс, фашистьяс, разведчикъяс, танкъяс).

III. Висьтсё разберитой вопросъяс серти:

1. Коні суис война Лида Матвееваос?
2. Мый эз адзыны советской танкистьяс?
3. Кыдзи Лида отсаліс мян танкистьяслы?
4. Мыйысь казнитисны Лидаос фашистьяс?
5. Кытысь тыдало, мый пионеръяс эз вунодны Лида йылысь?

IV. Вочой вывод висят кузяс: Отечественной война дырйн фа-

шистьяскөд тышкасны отсасисны и челядь. И йёз некор оз вунёдны налысь нимъяссё.

V. Лёсьөдöй план да гижöй изложение.

П л а н.

1. Кöни суис Лидаёс война?
2. Кодъяс матыстчисны Иваново сиктлань?
3. Кодъяслы паныд уськөдчис Лида?
4. Мый вöчисны Лидакөд фашистьяс?
5. Кытчö сувтöдöма Лидалы обелиск?

### КОСТЯ КРАВЧУК.

(«Пионеры-герои» сборникысь.)

1941-öд вося сентябрь. Киев кар вöсна мунисны зэв чорыд тышъяс. Дас арöса пионер Кравчук аддзис карса öти улича вылысь кык ранитчöм боецöс. Тайö вöліны 968 да 970 стрелкөвöй полкысь знаменосецъяс. Вирөн ойдöм боецъяс сетисны знамяснысö детинкалы да корисны дзевны. Тшöктисны видзны асланым йёз вотöдз.

Зэв öпаснö вöлі видзны сэкся кадö знамяяс. Аддзасны кö фашистьяс, бур оз ло ни Костялы, ни сылөн рöд-вужлы.

Но том пионер эз повззы. Босьтис знамяссö, суйис мешöкö, мешöксö сираліс да вöйтис юкмöсö. Тайöс ставсö вöчис гусьөн, некод весиг эз тöдлы.

Кор мян войска мездіс Киев кар, Костя виччысис боецясöс, кодъяс сетлісны знамяяс. Но найö эз локны, тыдалö, пöгибнитöмаöсь.

Сэк Костя знамяссö сетіс киевскöй гарнизонса комендантлы.

Знамяяс видзöмысь мян правительство наградитіс Костяöс Краснöй Знамя орденөн. Öні Константин Кононович Кравчук олö да уджалö Киев карын.

Заданиеяс. I. Висьтö разберитöй вопросьяс серти:

1. Кутшöм кар вöсна мунисны чорыд тышъяс?
2. Кодъясöс аддзис Костя Кравчук?
3. Кытчö дзевис знамяссö Костя?
4. Кодъясöс виччысис Костя?
5. Кодлы передайтис знамяссö Костя?
6. Мыйысь да мыйөн наградитисны Костяöс?

II. Вайöдöй пример вылö кывъяс, кöни гижсьö чч (виччысис, мыччысис, орчöн, шойччö).

III. Висьт серти лёсьөдöй план да гижöй изложение.

## П л а н.

1. Киев кар вöсна чорыд тышгъяс.
2. Ранитчöм знаменосецгъяс.
3. Костя дзебö знамяяс.
4. Освободитöм карын.
5. Правительство наградитö пионерöс орденөн.

## НАЛÖН ПОДВИГЪЯСЫС КУВТÖМÖСЬ.

(«Войвыв кодзув» журналысь.)

Уна нэмгъяс чöж йöз паметьын кутасны овны Великой Отечественнöй война вылын сöветскöй салдатгъяслөн подвигъясыс. Ассыныс олöмнысö жалиттöг тышкасисны найö лёк вöрöгкöд. Дорйисны чужан мунымöс да олöмнымöс фашистгъясысь. Унаөн пунктисны ассыныс юрнысö миян Рöдина вöсна, миян талуныя шудлун вöсна.

Чорыд тыш мунис и фашистгъяслөн тылын. Сэни збоя тышкасисны партизанскöй отрядгъяс. Налөн радгъясын вöлины тшöтш и уна коми йöз.

1942 вося арын миян республикаысь мунисны Карелияса партизангъяслы отсöг вылö сё сайö партизан. На лыдын тшöтш вöлины збой коми нывгъяс: Мария Морозова, Людмила Забоева, Лидия Данилова, Клавдия Фролова да мукöдгъяс. Тайö нывгъясыс зэв бура котралисны лыжи вылын. А Людмила Забоева весиг вöли лыжи вылын котралöм кузя республикаса чемпионкаөн. Лыжи вылын бура котралöмыд, дерт, ёна отсалис нывгъяслы война вылын разведкаö ветлигъясö, врагкöд чорыд тышгъяс нуöдигөн.

**Заданиеяс.** I. Объяснитöй кывгъяслысь да кыв сочетаниеяслысь вежöртас: лёк вöрöгкöд — врагкöд; пунктисны юрнысö — пöгбнитисны, кулисны тышын; враглөн тылын — врагөн босьтöм каргъясын, сиктгъясын.

II. Индöй висгъясыс однороднöй членгъяса предложениеяс, объяснитöй пунктуация знакгъяс.

III. Объяснитöй гижанногсö татшöм кывгъяслысь: салдатгъяслөн, подвигъяс, фашистгъяслөн, отрядгъяс, радгъясын, нывгъяслы, тышгъяс.

IV. Висгъялöй миян республикаысь лыжи вылын котралöм кузя чемпионгъясöс.

V. Лöсьöдöй план да гижöй изложение.

## П л а н.

1. Налён подвигыясыс кувтёмось.
2. Враглён тылын чорыд тышъяс.
3. Карелияса партизанъяслы отсөг вылө.
4. Отрядын коми нывъяс.

## АСЛЫСНОГА ГАЖА КАД.

(«Югид туй» газетсы.)

Октябрь. Парма шыбитіс нин гожа паськөмсө. Тыр-төммисны муяс. Октябрь төлысь — зверьяслөн, пөткаяс-лөн да гут-гаглөн төв кежлө лөсьөдчан кад. Отияс дзеб-сялісны нин кырсь улө, потасьясө. Мөдьяс пырисны гу-ясө, нуйтө. Чөскыда узьө визяорда. Ньөжйөник ветлөд-лө-довьялө ош. Важөн нин эськө пырис гуас, но чукөр-мөма зэр ва да оз лэдз.

Чукөртчисны стаяясө съөд таръяс. Асывьяснас найө пуксьывлөны кызд пуяс вылө. Колө өд велавны төвса сёянө. Төлын, гарйысь кындзи, нинөм оз ло.

Сук козъя вöрын кылөны съөлаяслөн эзысь гөлөсь-ясыс. Найө аслыныс пөвсө корсьөны арсяныс.

Коз пу кольяслөн озыр урожай кыскө уркайясөс. На-лөн медбур сёяныс — пу кйдысьяс. Кыйсьысьяс важөн нин казялісны: ёна көдзыдьяс дырйи пу кольяс потла-сьөны да кйдысьясыс гылалөны отарө-мөдарө. А урка-йөн уськөдөм коль тырө лымйөн да куйлө тулысөдзыс. Лым сылөм бöрын сійөс корсялө ур. Артмө: уркай ачыс сёйө дай урлы кольө.

Октябрь төлысын энөвтөны чужанінсө лунвывса пөткаяс. На пыдди ещө на войвылысьджык локтөны пы-таяс, жоньяс.

Зэръяс, лым да көдзыд вылө видзөдтөг, ар аслыснога мича да гажа.

**Заданиеяс.** I. Висьтысь индалөй сложнөй кывъяс, объяснитөй гижанногсө (паськөмсө, визяорда, уркайяс, медбур, лунвывса, вой-вывса, гут-гаглөн, ветлөдлө-довьялө, отарө-мөдарө), лөсьөдөй пред-ложенияс.

II. Ветлөй экскурсияөн арся вөрө да гижөй неыджыд висьт.

III. Отвөтитөй вопросьяс вылө:

1. Мый серти ті казяланныд арлысь пуксьөмсө?
2. Кутшөм лунвывса пөткаяс арын энөвтөны чужанінсө?
3. Кутшөм лэбачьяс кольччөны төвийны?

4. Волөн кутшом тӧлысьяс лӧоны арсясӧн?

IV. Лӧсьӧдӧй план да гижӧй изложение.

### П л а н.

1. Парма шыбитіс гоҗся паськӧм.
2. Зверь-пӧтка лӧсьӧдчӧны тӧв кежлӧ.
3. Пу кольяслӧн озыр урожай кыскӧ уркайяссӧ.
4. Лунвывса пӧткаяс эновтӧны чужанін.
5. Аслыснога гаҗа кад.

## ЕЖ МЕЗДӦ МАШАӦС.

(В. Бианки серти.)

Маша садьмис водз, пасьталіс платтьӧ да кӧмтӧгыс и котӧртіс вӧрӧ.

Вӧр дорын, керӧсаинын, вӧлі быдмӧ оз. Маша ӧдйӧ вотіс озсӧ ичӧтик кӧрзинаӧ да бӧр мӧдӧдчис гортӧ. Мунӧ, чеччалӧ кӧмтӧм кокъяснас лысваӧн кӧтӧдӧм вутшъяс вывті. Друг сійӧ вильдіс да доймӧмысла гораа ойӧстіс. Кокыс доймӧма вирӧдз. Вӧлӧмкӧ, вутш бокас ёҗ куйлӧ.

Маша бӧрддзис да пуксис орчча вутш вылӧ, платтьӧнас кутіс чышкавны коксыс вирсӧ. Сэсся видзӧдліс да аддзӧ: сы дінӧ кыссьӧ ыджыд змей. Зэв кузь, мыш вылас сьӧд визьяс. Машалӧн повзӧмысла ки-кокыс лётмуні. А змей кыссьӧ и кыссьӧ сы дінӧ, чушйӧдлӧ, воҗа кывсӧ нуййӧдлӧ.

Тайӧ здукӧ ёҗ казяліс змейтӧ да мӧдіс гӧгыльтчыны змейлы паныд. Змей казяліс жӧ да бӧжнас швачнитіс ёҗлы. Но ёҗ ёсь емьяссӧ сувтӧдіс змейлы воча. Змей кӧсйис нин пышйыны ёҗысь. Ёҗ уськӧдчис сы бӧрся, кайис змейлы мыш вылас да пиньяснас сатшкысис сылыас.

Маша неуна сайкалыштіс. Сійӧ чеччис вутш вылысь да котӧртіс гортас.

Заданиеяс. I. Объяснитӧй гижанногсӧ кывъяслысь: чеччалӧ, орчча; платтьӧ, сэсся, кыссьӧ; бӧрддзис, аддзӧ.

II. Висьтысь индӧй сложной кывъяс (лысва, ки-кок), объяснитӧй гижанногсӧ.

III. Висьтсӧ разберитӧй вопросьяс серти:

1. Кытчӧ водз асылын муніс Маша?
2. Кыдзи дойдіс коксӧ?
3. Кодӧс друг сійӧ аддзис?
4. Коді мездіс Машаӧс змейысь?

- IV. Первойя куим предложениесыс индöй главнöй членъяссö.  
V. Лöсьöдöй план да гижöй изложение.

### П л а н.

1. Маша котöртö озла.
2. Гортö локтiгөн.
3. Маша аддзö змейöс.
4. Ёж мездö Машаöс.

### НИГЕР.

(«Дошкольное воспитание» журналысь.)

Гожöм. Важөн нин эз зэрлы. Гөгөр ставыс косьмис. Миян сиктын ставыс пу керкаяс. Öтчыд войнас кызккö öзйис öти керка. Сиктын кыптiс ыджыд шум. Быдладорсянь котöртiсны ведраяса йöз кусöдны пöжар. Öд татшöм кос поводдя дырйиыд вермас сотчыны ставнас сиктыс.

Ми чойкöд котöртим жö пöжар вылö.

Друг йöз пытшкын кодкö горöдiс: «Кага, кага сотчö керка пытшкас!» Сэки Коля дядь чукöстiс Нигер нима понйöс. Тайö миян понйыс. Сийö зэв тöлка да ён. Коля дядь киськалiс понйöс ваён да тшöктiс котöртны керка пытшкö. Нигерлы унаысь тшöктöм эз ковмы. Уськöдчис керкаö. Дерт, сийö регыд и аддзис бөрдысь кагаöс, кутiс кыскыны рузумöдыс ывлаö. Со нин найö тыдовтчисны. Некумын морт уськöдчисны понлы отсöг вылö.

Кагаöс лои спаситöма. Понлөн гöныс чишкасьöма, лапаясыс сотчöмаöсь. Гортö ковмис нуны мездорын. Пöжарсö лои кусöдöма жö.

Регыд Нигер бурдiс. Бара кутiс ворсны да отсасьны миянлы. Ветлöдлiс миянкöд и школаö, и магазинö.

Заданиеяс. I. Висьтö разберитöй вопросъяс серти:

1. Кутшöм поводдя сулалiс?
2. Мыйысь сиктын кыптiс ыджыд шум?
3. Кутшöм горöдöм кылiс йöз пытшкын?
4. Кодöс чукöстiс Коля дядь?
5. Кодöс петкöдiс би пытшкысь Нигер?

II. Висьталöй, кызди гижсьöны собственнöй нимъяс.

III. Вöчöй вывод: Пон — мортлөн вернöй друг. Мыйяс ещö вермöны вöчны понъяс? (Понъяс отсасьöны вöралысьяслы, милициялы, пограничникъяслы).

IV. Лöсьöдöй план да гижöй изложение коймöд морт нимсянь. Нывкаыслы да сиктыслы сетöй ним.

1. Сиктын пöжар.
2. Сотчысь керка дорö чукörtчöны йöз.
3. Керка пытшкын кага.
4. Кагаöс спаситöма.
5. Пöжарсö кусöдöма.

## СЕРЕЖА КОРНИЛОВ.

(«Пионеры-герои» сборникысь.)

1941 вося арын фашистьяс босьтисны Калининской областьса Вышегоры сикт. Сиктса комсомолецъяс мунисны вөрö Щорс нима партизанской отрядö. На пиын вöли тшöтш дас кык арöса пионер Серёжа Корнилов.

Серёжа лои разведчикöн. Сийö ветлöдлiс сиктъясöд, волiс железнодорожной станцияö, чукörtлiс фашистьяс йылысь сведениеяс. Унаысь участвуйтлiс и боевой операциясын.

Öти тыш дырйи партизанской отряд веськалiс фашистьяс кытшö. Колö вöли кызкö йитчыны наступайтысь советской войскакöд да корны отсöг. Но писькöдчыны вражеской застава пыр вöли сьöкыд.

Сэки Серёжа шыасис командир дорö да корис, медым сийöс тыртасны лымйöн, а асьныс, партизанъясыс, бöрыньтчасны.

Тадзи и вöли вöчöма.

Враг прöйдитiс, детинкаöс эз казавны. Войнас Серёжа петiс лым пиысь, но мунны эз вермы: кокъясыс кымöмаось. Сэки сийö кыссис мян войскалöн фронт линиялань.

Садьмис шоныд землянкаын. Пыр жö юалис, кöни пакетыс. Детинкалы висьталiсны, мый пакетсö сетöма адрес серти.

Тайö подвигсыс Серёжаöс наградитисны Красной Знамя орденöн.

Заданиеяс. I. Висьтсö разберитöй вопросъяс серти:

1. Кöни мунö действиеыс?
2. Кытчö мунисны комсомолецъяс? Кодi вöли накöд тшöтш?
3. Кыдзи партизанъяс веськалiсны враг кытшö?
4. Мыйла Серёжа тшöктiс асьсö тыртны лымйöн?
5. Кыдзи Серёжа воис фронт линия дорö?
6. Мыйöн наградитисны Серёжа Корниловöс?

II. Лöсьöдöй план да гижöй изложение.

## П л а н.

1. Сиктса комсомолецъяс.
2. Серёжа-разведчик.
3. Партизанъяс враг кытшынёсь.
4. Серёжалён подвиг.
5. Серёжалы награда.

## ШОНДИ.

(И. Коданёв серти.)

Шонді петö быд асыв, көть и мортлөн синьясыс тайёс быд пöрйö оз казьявны. Мыччысьлö сійö и тöлын, и гожöмын, тулысын и арын. Во гөгöр сійö шонтö да югдöдö.

Шонді петöмсянь пуксьö му вылын выль лун. Öтияслы сійö вайö радлун, мöдъяслы — уна тöждысьöмьяс. Но шонді быдöнöс шонтö и гажöдö. Сэтшöм нин тайö ылыса ыджыд да югыд шарыс.

Шонділысь петöмсö виччысьöны нянь быдтысьяс, чери кыйысьяс, вöралысьяс, көр видзысьяс да вөр-ва, зверь-пöтка. И быдöн виччысьöны аслысногöн.

Шонді кажитчö ичöтикöн, но сійö Му шарысь ёна ыджыд да вына. Сылысь петöмсö медводдзаясөн казялöны лэбачьяс, пöткаяс. Та йылысь найö пыр жö юöртöны гажаа сьылöмөн, аслысног варовитöмөн.

Шонділысь петöмсö сідз жö тöдöны черияс, гутьяс, быд пöлöс гагьяс. Садьмасны сэсся юяс, шорьяс. Ловзяс-шызяс парма, кутас юргыны уна пöлöс шыясөн.

Садьмасны и йöз. Чеччы, друг! Шонді петö! Водз чеччан — унатор аддзылан.

Заданиеяс. I. Объяснитöй вежöртассö предложенияеяслысь: Садьмасны юяс, шорьяс. Ловзяс-шызяс парма. Водз чеччан — унатор аддзылан.

II. Объяснитöй гижанногсö виччысьöны, мыччысьлö, чеччы, орчöн кывъяслысь.

III. Вайöдöй черточка пыр гижсьысь сложнöй кывьяс (вөр-ва, зверь-пöтка, ловзяс-шызяс, гут-гаг, юргö-сьылö).

IV. Висьтсö разберитöй вопросьяс серти:

1. Көр мыччысьлö шонді?
2. Мый вайö йöзлы выль лунлөн пуксьöм?
3. Кодьяс виччысьöны шонділысь петöмсö?

V. Висьт сертиыс лöсьöдöй план да гижöй изложение.

## П л а н.

1. Шонді ветлө во гөгөр.
2. Быдөн виччысьоны шонділысь петөм.
3. Шонді ыджыд, вына.
4. Садьмасны лэбачьяс, вөр-ва.
5. Чеччы, друг!

## МИЯН ВӨРНЫМ.

(«Югыд туй» газетясь.)

Вөр. Мыйыс сөмын сәні абу. Мыйсө сөмын миянлы оз сет. Сійө вердө и юкталө, көмөдө и пасьтөдө. Быд ловъя лолыслы сетө медся коланасө — кислород. Вөрын олөны быд сикас лэбачыс, зверь-пөткаыс.

Со сук понөльяс сайысь петіс мича сюръяса йөра. Видзөдліс өтарө-мөдарө да бөр руньгис вөрө. Отилаысь чепөсйис көч. Мөдлаысь мыччысьліс визяорда. Пашкыр бөжсө шевгөдөмөн звиркнитіс кыз пожөм сайө ур.

Төв шөрнад вөрыд ещө на мичаджык. Быттьө мойдө веськалан. Шондіа лунө пожөмъяс дзирдалөны асланыс зарни кырсясөн. Медся мичаөсь козьяс. Кузьөсь, веськыдөсь, ёсь йылаөсь. Төв и гожөм веж шушунаөсь. А кызди найө дзоридзалөны тулыснас! Көді видзөдлас көть здук-мөд кежлө налөн дзоридзьяс вылө, сылөн син водзө тайө серпасыс кольө нэм кежлас. Гашкө, та вөсна и радейтөны йөзыс медся ёна тайө пусө. И быд Выхь во кежлө вайөны гортас медся пашкыр томиник козьяссө.

Но овлө на сідз, кор ковтөг керыштасны некымын коз, шыбитасны. Чертө лэптытөдз колө эськө думыштлыны, колө-ө керышты тайө пусө.

Вөр — миян озырлун. Колө сійөс видзны да дөзьөритны.

Заданиеяс. I. Объяснитөй гижанногсө лэбачьяс, ручьяс, дзоридзьяс, көчьяс кывъяслысь.

II. Кызди ті гөгөрвоанныд Сійө (вөр) вердө и юкталө, көмөдө и пасьтөдө предложениельсь вежөртассө?

III. Висьтсө разберитөй вопросьяс серти да вөчөй вывод.

1. Мый миянлы сетө вөр?
2. Көдьяс олөны вөрын?
3. Кутшөм пуяс кажитчөны медся мичаөн?
4. Мыйла колө видзны да дөзьөритны вөр?

Вывод: Вөр — миян озырлун. Мича сійӧ волӧн быд пӧраӧ: ту-лысын, гожӧмын, арын и тӧлын. Уна зверь-пӧтка олӧ миян вӧрын. Вӧр сӧстӧммӧдӧ ывла выв. Вӧрсӧ колӧ видзны-дӧзбӧритны.

IV. Висьт сертиыс лӧсьӧдӧй план да гижӧй изложение.

#### П л а н.

1. Мыйсӧ сӧмын оз сет миянлы вӧр.
2. Вӧрын зверь-пӧтка.
3. Вӧр тӧв шӧрын.
4. Медся мича коз пу.
5. Вӧр — миян озырлун.

V. Гижӧй неыджыд висьт, кызди тӧ отсаянныд вӧр-ва видзысь-яслы. Эм-ӧ школаад вӧр-ва видзысь патруль?

### БАЛЕРИНА.

(«Югыд туй» газетысь.)

Оліс Сыктывкарын нывка. Велӧдчис школаын, ра-дейтліс ворсны аканьясӧн, вурліс налы мича паськӧмъяс.

— Лоас миян Инна бур вурсьысьӧн, — частӧ шулы-ліс мамыс. Но мам ӧшыбитчис. Инна лоис эз вурсьысьӧн, а балеринаӧн. Ӧні сылысь нимсӧ тӧдӧны республика пасьта. Тайӧ — Инна Александровна Чуистова, респуб-ликанскӧй музыкальнӧй театрса балерина, Коми АССР-са заслуженнӧй артистка.

Быд мортлӧн овлӧ сэтшӧм здук, кор кызкӧ друг видз-чысьтӧг вежсьӧ олӧмыд. Буретш татшӧм здукыс и бер-гӧдіс Инна Чуистовалысь олӧмсӧ, кор сылы тырис дас арӧс.

Локтіс нывка Пионеръяслӧн дворецӧ. Восьтіс ӧти ӧдзӧс, сэсся мӧдӧс, коймӧдӧс, видзӧдаліс, мый вӧчӧны кружокъяс вылӧ чукӧртчӧм челядь. И ӧти комната ӧдзӧс дорын кынмис места вылас. Тані нывкаяс велӧдчисны йӧктыны. Найӧ лӧсьӧдчисны лоны балеринаясӧн.

Тайӧ лунсяныс Инна кутіс ветлӧдлыны балеринаясӧс гӧтӧвитан кружокӧ. Весыкаліс кужысь педагогъяс дорӧ.

Медводдза спектакльӧн, кӧні йӧктіс Инна, вӧлі «Ка-менный цветок» балет. Тайӧ сетіс сылы бордыас, ӧнмӧ-діс сылысь гуся мӧвп — лоны бур балеринаӧн.

Заданиеяс. I. Объяснитӧй кывъяслысь да кыв сочетаниеяслысь вежӧртассӧ: **балерина** — балетса артистка; **комсомоллӧн лауреат** — морт, кодлы сетӧны премия аслас уджын ыджыд вермӧмъясысь; **сэтшӧм здук** — сэтшӧм кад, кадколаст; **кынмис места вылас** — чуймӧ-мысла сувтіс места вылас; **сетіс бордыас** — тані: эскӧм, уверенность.

II. Висьтсö разберитöй вопросъяс серти:

1. Мыйöн лоис Инна Чуистова?
2. Кымын арöсөн Инна локтис Пионеръяслөн дворецö?
3. Кутшöм кружокö кутис ветлöдлыны?
4. Кутшöм спектаклын ворсис медводдзаысь?

III. Вöчöй вывод: Ичöтысянь уджтö бöрйы сьөлöм сертиыд. Сэки уджыд сетас тэныд шудлун, радлун и почёт. Миян Рöдинаын быд удж почётнöй.

IV. Лöсьöдöй план да гижöй изложение.

#### П л а н.

1. Нывка лоис балеринаöн.
2. Пионеръяслөн дворецын.
3. Йöктыны велöдан кружокын.
4. Инналөн медводдза балет.

V. Правильнöя гижöй балерина, музыкальнöй театр, комсомол-лөн лауреат, спектакль «Каменный цветок» кывъяс да кыв сочетаниеяс.

VI. Гижöй гортаныд неыджыд висьт, кутшöм кружокö тi ветланныд, мый тiянлы сэни кажитчö.

#### ТШАК ВОТИГÖН.

(В. Катаев серти.)

Женя да Павлик дорö карсянь локтис гөститны воча чойыс Инна. Аскинас Женялөн да Павликлөн мамыс шуö: «Нинöм тiянлы бездельничайтны. Ветлöй вөрö тшак вотны. Видзöдлам, кодi медуна вотас».

— Ме медся уна вота!— горöдiс Павлик.

— Ме бурджыка вотча,— шуис Женя. А Инночка нинöм эз шу.

Котöртисны челядь вөрö, разöдчисны. Час мысти кымын бөр локтисны гортö.

— Ме медся уна вотi! Видзöдлöй, быдса ведра тыр!— ылiсянь горзö Павлик.

Видзöдлiс мамыс да нюммунис: «Абу дивö, ведра тыр кö тэнад тшакыд. Тайö жö сёйны позьтöм тшакъяс».

— Ага!— горöдiс Женя.— Ме жö шулi, мися, ме медся бура вотча. Видзöдлöй, кутшöм мичаöсь менам тшакъясыс!

Видзöдлiс мамыс да серöктiс: «Йöюк, тэнад жö ста-

выс гут кулан тшак. Дерт, найö мичаöсь, но сёйны оз позь».

Инночка сулалö бокин, нинöм оз шу.

— А тэ, Инночка, мый ланьтöмön олан? Петкöдлы, мый вотин.

— Менам зэв этша,— шуис Инна да петкöдліс кöрзинасö.

Видзöдлісны кöрзинаö, а сэні дас кымын кыз кока, пемыдгöрд шапкаа тшак куйлöны.

**Заданиеяс.** I. Висьтыслысь содержаниесö разберитöй вопросьяс серти да гижöй изложение.

1. Код ордö локтіс гөститны Инна?
2. Кытчö мунісны челядь?
3. Кутшöм тшак вотісны Павлик да Женя?
4. Кутшöм тшак вотіс Инна?

II. Висьталöй, кажитчис-ö тияны Павликлөн да Женялөн ош-йысбöмыс.

## ВÖРАЛЫСЬЛÖН ВИСЬТ.

(М. Игнатов серти.)

Пармаса ордымъяс вывті нелямын вотö ветлігад меным быдторйыс паныдасьліс. Ковмыліс вермасьны ошкöд, вöтлысьны мудер зверьяс бöрся. Но татшöмторйыс, мый йылысь кöсья висьтавны, эз на вöвлы.

Тавося январь тöлысь помын мöдöдчи видлавны капканьяс, кодьясöс пуктавлі кöчьяслы, ручьяслы да туланьяслы. Но öти капкан эз вöв местаас. Кольöма сöмын ордöм кöвйыс.

Лыско пон мöдіс туявны капканөн пышйöм зверös. Туйыс вайöдіс пöрöм пу вужля бокö.

Пон яра, но полöмпырысь, кутіс увтчыны. «Колö вöтлыны зверös»,— думышти.— Тыдалö, татчö пырöма». Заводиті зутшйöдлыны беддйөн зверь пыран розьö...

Друг сэтысь петіс ош да уськöдчис ме вылö. Бур, мый вевъялі лыйны. А кöні нö капкана зверыс? Öд сылөн кок туйыс вайöдіс татчö? Видзöдлі гуö. Ошкыд, вöлöмкö, виöма сы ордö пырысь капкана вөрканьös. Но абу косявлöма.

Наян вөркань кöсийс дзесбсьыны ош гуö, но тайөн вузаліс асьсö и ошкös. А меным лои зэв бур: ошкös дай вөрканьös кыйи.

**Заданиея.** I. Вөралысьлы сетой ним да разберитой содержания вопросяс серти:

1. Кодъяскөд паныдасьліс вөралысь пармаясөд ветлігөн?
2. Кодъяслы пуктывліс капканъяс?
3. Кодбс мөдіс туявны Лыско пон?
4. Коді уськөдчис вөралысь вылө?
5. Кодъяс шедісны вөралысьлы?

II. Ручьяс, көчьяс, ошъяс, туланьяс кывъяс пыртөмөн лөсьөдөй предложенияяс. Объяснитой ь да ь гижанногос.

III. Висьт серти лөсьөдөй план да коймөд морт нимсянь гижөй изложение.

#### П л а н.

1. Пармаын ветлігөн быдторйыс паныдасьлө.
2. Капканъяс видлалігөн.
3. Лыско туялө зверөс.
4. Друг петкөдчө ош.
5. Шедісны вөркань и ош.

### ОГ КОЛЬЧЧЫ ВОКЫСЬ.

(Литературный текст)

(Г. Юшков серти.)

Менам вок воис Сөветскөй Армияысь. Эз на дзикөдз. Сійөс лэдзөмаось гортө дас лун кезлө, отпускө.

Вокөй менам ракетчик. Ракетанас медся өдіө да медся бура лыйсьөмысь и лэдзөмаось гортө шойччыны сійөс да тшөтш сылысь кымынкө ёртөс.

Вок петкөдліс меным карточка. Сэні сійө сулалө паськөдөм знамя дорын. Тайө ракетнөй полкыслөн знамяыс. Бара жө бура служитөмсыс тадзсө сійөс снимайтөмаось.

— Ми видзам миян Рөдиналысь енэж,— висьталіс вок. Сійө нөшта висьталіс, мый веськавны ракетчикө абу кокни. Школаад кө лёка велөдчан, оз и босьтны. Ракетчикыдлы пө колө кужны өдіө да стөча артасьны. А то лыйсигөн верман и целяд не веськавны.

А кутшөм ён менам вокөй! Ме ошөдча сылы сой вылас, а сійө менө кокниа и лыбөдө. Сійө занимайтчө спортөн. Тайөн и крепыдөсь сылөн мускульясыс.

Со кутшөм менам салдат-вокөй! Ме нинөмөн ог көсйы кольччыны сысысь.

**Заданиея.** I. Сөветскөй Армия, ракетчик, знамя дорын, мускульяс крепыдөсь кывъясөн да кыв сочетаниеясөн лөсьөдөй предложенияяс.

II. Объяснитой кывьяслысь да кыв сочетаниеяслысь вежортас-сё: эз на дзикодз — эз на пыр кежлө; снимайтöмабсь — фотографируйтöмабсь; нöшта — ещö; лыбöдö — лэптö, кыпöдö.

III. Детинкалы сетой ним да коймод морт нимсянь разберитой висьтö.

1. Кытысь воис детинкалөн вокыс?
2. Мыйысь лэдзисны воксö отпускö?
3. Мый висьтавліс салдат-вокыс?
4. Мый висьтавліс детинка вок йывсысь?

IV. Лöсьöдöй план да гижöй изложение.

#### П л а н.

1. Вок локтіс отпускö.
2. Вокыс ракетчик.
3. Знамя дорын.
4. Ракетчикö веськавны абу кокни.
5. Детинка көсийö лоны вокыс кодьон.

### РАЗВЕДКА НУÖДИГÖН.

(В. Баталов серти.)

Катыд сиктын ыджыдалісны белöйяс. Войнас Егорлы да Архиплы удайтчис пышйыны сиктысь. Найö сувтісны лыжияс вылö да веськыда төвзыштісны Юпом сиктö, көні вöлі краснöйяслөн отряд.

Командирлы челядь висьталісны ставсö, мый вöчсö сиктын. Колö вöлі дзик пыр жö мездыны сиктса йöзöс белöйясысь.

Боецьяслөн кык взвод лямпаясөн да подөн мөдöдчисны Катыд сиктлань. Егор да Архип вöйысисны мунны разведчикьяскöд. Найö öд төдöны, көні сулалöны враглөн пулеметьясыс.

Разведчикьяс юкисисны кык группа вылö. Öти группа-сö нуöдіс белöйяслөн штаблань Егор, а мөдсö Архип — сиктса часовнялань, көні вöлі белöйяслөн пулемёт.

Со и сикт. Белöйяслөн штаб. Пельöссиянь Егор индіс öшинь вылö, кытысь луннас аддзылісны пулемёт. Стен бердас топöдчөмөн öти боец матыстчис öшинь улас, тасма костысь кыкис граната да шыбитіс öшинь пыр.

Зельмуні-жугалі öшинь. Керка пытшкын йиркмуні. Сэк жö сяркнитіс пулемёт. Но боец шыбитіс мөд граната, и пулемёт ланьтіс.

Сиктын кутісны кывны лыйсьöм шыяс. Тайö мян боецьяс пырисны сиктö.

**Заданиеяс.** I. Висьтё разберитёй вопросяс серти:

1. Кодъяс ыджыдалісны сиктын?
2. Кодъяс дорё төвзыштисны Егор да Архип?
3. Кытчө мөдөдчисны боецъяс?
4. Кыдзи краснойяс босьтисны сиктсө?

II. Лөсьөдөй предложениеяс разведчикъяс, воёдчыны, топөдчө-мөн, матыстчис кывъясөн.

III. Лөсьөдөй план да гижёй изложение.

П л а н.

1. Сиктын белёйяс.
2. Лыжияс вылын Юпом сиктө.
3. Егор да Архип разведчикъяскөд.
4. Белёйяслөн штабө.
5. Сиктөс лои мездөма.

IV. Правильноя гижёй кывъяс: **Юпом сикт, взвод, часовня, йиркмуни, зельмуни-жугали.**

## КОСМОСЫН НЫВБАБА.

(В. Бороздин серти.)

Став мирсө шызьөдіс радлана юөр: «Восток-6 корабль вылын мирын первойысь лэбалө нывбаба-космонавт Валентина Терешкова!»

Валя чужис Ярославлын. Мича тайё важся роч карыс. Сулалө Волга берег вылын, ставнас веж сад пиын.

Водз асылын, кор сөмын на мыччыяс шонді, Валя петас вөлі ывла вылө да видзөдө, кыдзи лөз небесаын лэбалө самолёт. А сэсся лэччөны-лэбөны мулань парашютистъяс. Сэзь асылө тайөс видзөдны вөлі зэв мича. И тадзи быд асыв.

«Мыйла найө чеччалөны,— думайтө Валя.— Тайё, көнкө, вывті страшнө». А сэсся воис кад, кор ачыс кутіс чеччавны парашютөн. Первойсө вөлі страшнө, чеччаліс синъяссө куньөмөн. Сөмын витөдысь чеччыштигөн восьтис синъяссө. Ок, и лөсьыд вөлі төвзыны еджыд купол улын. Карыс ставнас быттё тэнад ки пыдөс вылын куйлө! Космосө лэбзытөдз Валентина сө кызь квайтысь чеччышти парашютөн.

Да, космосын нывбаба! Молодец, Валя! Тэ став мирлы докажитін, мый мян странаса нывъяс дасьөсь и ташөм подвигыяс вылө.

Валентина Терешкова нелямын кӧкъямысыс кытшов-  
тис Му шар гӧгӧр. И звёздной вокъяслӧн лон звёздной  
чай!

Заданиеяс. I. Висьтӧ разберитӧй вопросъяс серти:

1. Кутшӧм юӧр шызьӧдис став мирсӧ?
2. Кӧни чужис Валентина Терешкова?
3. Мыйӧн любуйтчылис асывъясын?
4. Кызди чувстуйтитис асьсӧ первойыс парашютӧн чеччыштигӧн?
5. Мый докажитис сийӧ став мирыслы космосӧ лӧбзылӧмӧн?
6. Кымыныс кытшовтис Восток-6 корабль вылын Валентина Терешкова Му шар гӧгӧр?

II. Висьталӧй, кызди ти гӧгӧрвоанныд **Звёздной вокъяслӧн лон звёздной чай** предложениелыс вежӧртассӧ.

III. Правильнӧя гижӧй **парашют** кыв да лӧсьӧдӧй сийӧн предложение.

IV. Висьт серти лӧсьӧдӧй план да гижӧй изложение.

#### П л а н.

1. Радлана юӧр.
2. Валялы окота лӧбавны.
3. Валя-парашютистка.
4. Космосын нывбаба.

#### ВОТЧИГӦН.

(Г. Юшков серти.)

Челядь котыр мунисны вӧрӧ вотчины. Медводзын мунис Паша. Сийӧ аддзис ыджыд чӧдлач куст.

— Чур, тайӧ менам чукӧрыс!— горӧдис Паша да паськӧдис кияссӧ, мед некод эз матыстчы.

— А ми?— юалисны Пашалӧн ӧртъясыс.

— Асьныд корсьӧй!— вочавидзис Паша, сӧсся пуктис муас наберушкасӧ да кутис вотны чӧдлачсӧ.

Челядь чӧв ланьтисны, видзӧдлिसны ӧта-мӧд выланыс. Найӧ виччысисны, оз-ӧ Паша чукӧст найӧс. Но сийӧ эз и думайт корны.

Челядь мунисны водзӧ да ичӧтик шор дорыс аддзисны ӧмидз куст. Кисьмӧм ӧмидзыс сӧмын сярвидзис. Челядь кытшалисны кустсӧ, сӧйыштитисны мыйтакӧ чӧскыд вотӧссӧ, а сӧсся заводитисны ӧктыны дозъясӧ.

Недыр мысти локтис сэтчӧ и Паша. Уна ӧмидз аддзӧм бӧрын паськалисны синъясыс, но яндзимысла матыстчины эз лысьт. Сулалис юрсӧ ӧшӧдӧмӧн.

Жаль лон челядьлы Паша.

— Лок вотчы тшөтш мянкөд. Миянлы и тэныд тырмас,— корисны Пашаёс челядь.

Та бөрын сэсса Паша некор нин эз горшасьлы. Сылөн кө эм, и ёртъясыслы тшөтш колө.

Заданиеяс. I. Разберитөй висьтыслысь содержаниесө. Висьталөй, кажитчис эз Пашалөн поступокыс.

II. Лөсьөдөй предложениеяс сярвидзис, аддзис, наберушка, виччысисны кывъясөн.

III. Висьт сертиыс лөсьөдөй план да гижөй изложение.

#### П л а н.

1. Челядь котыр мөдөдчисны вөрө.
2. Паша аддзө чөдлач куст.
3. Челядь шор дорынёс.
4. Пашалы яндзим.

#### КУИМСЕ ВО МЫСТИ.

(«Югыд туй» газетысь.)

1671 вося жар август төлысь. Царскөй войска кытшалісны Астраханьса Кремль. Тайё Кремляс дзевбисны Степан Разинлөн войска.

Кытшө веськалөм йөзлөн сёяныс вөлі тырмымөн, но ва вөлі вывті этша. Крепостьысь став петан туйяссө вөлі тупкөма. Та вөсна Кремль дорйысьяслы васө судзөдны вөлі некытысь. Волга дорөдз писькөдчыны эз вермыны.

Дыр-ө вермисны овны ватөг Разинлөн боецъясыс? Куим лун, вежон? Царскөй воевода, коді веськөдліс войскаөн, лөсьөдчис торжественнөя пырны Кремльө. Думайтис, мый Разинлөн боецъяс тшыгла да ютөмла дыр кутчысьны Кремльын оз вермыны. Но сылы ковмис тышкасьны крепость вөсна куим төлысь чөж.

Сэки некод эз төд, кытысь Разинлөн йөзыс босьтисны васө. Тайёс вөлі төдмалөма сөмын 1971 воын, куимсө во мысти, кор кутисны дзоньтавны Кремльысь войвыв юкөнсө. Уджалысьяс татысь аддзисны мупытшса туй. Тайё туйыс петкөдө Волга дорө. Сідзкө, крепость дорйысьяс, Степан Разинлөн боецъяс, ваялісны васө тайё гуся туйөдыс.

**Заданиеяс.** I. План сертияс разберитöй висьтыслысь содержаннесö. Гижöй изложение.

### П л а н.

1. 1671 вося август төлысь.
2. Кытшö веськалöм йöз.
3. Тыш мунис куим төлысь чöж.
4. Мупытшса туй.

II. Правильнöя гижöй кывъяс да кыв сочетаниеяс: **Астрахань-са кремль, крепость.**

### КОМИ КЫЙСЫСЬ.

(Я. Рочев серти).

Арся вöрын коми кыйсысьяслөн сёлöмыс шойччö, нимкодясьö. Та вöсна сийö вермö сиктö петавтöг овны сэнi төлысьясөн. Вöралан керкаыс сылөн пырджык кутшöмкö ю, ёль либö шор дорын, сывтыръя пожöмъяс либö еджыд гача кыз сора коз пуяс костын. Не кö уна вояс чöжөн артмöм векныдик трöпаяс, тöдтöм мортлы нинöм вылö не гөгөрвоны, мый кöнкö матын эм морт оланiн.

А кыйсысь тöдö татысь быд шор, быд нюр, козъя вөр, пожöма яг. Унджыкысьсö кыйсысь олö öтнас, не кö лыддыны сылысь вернöй другсö, ур да пöтка увтысь Серкоос, Катшысöс либö Бускоос, кодi оз вузав асьыс кöзяинсö нинöм вылö.

Майбыр, вöралысьтö оз бара босьт гажтöмыд! Асылычеччас кыа садмытöдз, посныдик кос пескөн ломтас пачсö, пöсьодас рытнас на пуём яа шыдсö, чöсма-сигтыр юас пöсь чай. Сэсся бокас öшöдас порошничасö, тувйысь босьтас пистонкасö и лöзьюгидөн петас сьöд пывсян кодь вөр керкаысь.

А понйыс, кöлач кодь гöгыля бöжнас люг-легкералiгтыр, видзöдö кöзяинлы синмас, юасьö, кодарö мөдöдчыны.

Быдторйыс, дерт, овлö войвывса помтöм-дортöм вөръясöд собалiгад, удачаыс и неудачаыс. Но унджыкысьсö керкаад локтöны бур прöмысөн.

**Заданиеяс.** I. Объяснитöй кывъяслысь да кыв сочетаниеяслысь вежöртассö: **порошница** — порок видзан доз; **пистонка** — важ ружье, пицаль; **вөръясöд собалiгад** — няйтöд, лым пиöд келавны-ветлыны.

II. Лöсьöдöй предложение **сывтыръя пожöмъяс, еджыд гача кызъяс, помтöм-дортöм вөръясöд собалiгад** кыв сочетаниеясөн.

III. Висьталой содержаниесö висьтыслысь вöпрöсьяс серти:

1. Кытчö кыйсьысь пырджык стрöйтö вөр керкасö?
2. Коді верной другыс кыйсьысьлөн?
3. Кыдзи олö кыйсьысь вöрын?
4. Век-ö удайтчö кыйны бур прöмыс?

IV. Лöсьöдöй подробной план да гижöй изложение.

#### П л а н.

1. Вöралан керка.
2. Вöралысьлы тöдса вөр-ваыд.
3. Вöралысьлөн верной друг.
4. Кыйсьысьсöс гажтöмыд оз босьт.
5. Вөръясöд собалигад быдторыйс овлö.

#### ГУЛЮ.

(А. Распутин серти.)

Митрей Степан муртса удитіс пуксьыны пажнайтны, кыдзи пырис Миша пиыс. Сы кыын вöлі гулю. Батьыс босьтіс мичаа лöсталысь гулюöс. Борд улыс вöлі вирöсь. Тыдалö, понлы ли каньлы пинь улас веськавлöма.

Миша көсийö вöлі доймöм местасö йодөн мавтны, но батьыс эз тшöкты. Мавтны пö оз ков, сöмын колö вердны да юктавны.

Батьлы вöлі любö, мый пиыс тöждысьö пикö воём лэбач вöсна.

Бать муніс удж вылö, а Миша пыртіс посводзысь фанера пöv, пунктіс кывт пельöсö. Консерв банкаö кисьтіс ва, сетіс гулюлы шыдöс да нянь крöшки. Тадзи вердіс да юкталіс быд лун.

Медводдза нель лунсö гулю эз лэччыв пöv вылысь. Но шыдöссö кокаліс, васö юис. Сöмын витöд луннас лэччис фанера вылысь, ветлöдлыштіс. А вежон-мöд мысти лэбач кыкнан бордъяснас нин öтмоза шевкйöдліс. Буракö, видлаліс бордъяслысь вынъяссö.

Мишалы рад. Öти рытö, гортса удж вöчигөн, гулю жбыркнитіс Мишалы тетрадь вылас. Аскинас петіс Миша кильчö вылö, пунктіс гулюöс сой вылас. Гулю быттö гö-гөрвоис асьыс «докторсö», видзöдліс некымынысь Миша вылö, аттö пö лечитöмсьыд, а сэсся лэбзис туй вылын кокасьысь гулюяс дінö.

Заданиеяс. I. а) вайöдöй паныда значениеа глаголъяс: пуксьыны — ... ; муніс — ... ; пыртіс — ... ; лэччис — ... ; б) öткодь зна-

ченнеа глаголъяс (синонимъяс): **веськавлѡма** — . . . ; **тѡждысьѡ** — . . . ; **жбыркнитіс** — . . . ; **шевкйѡдліс** — . . . .

II. Висьтсѡ разберитѡй вопросъяс серти:

1. Кодѡс пыртіс гортас Миша?
2. Кыті вѡлі доймѡма гулюлѡн?
3. Мый вѡлі кѡсйѡ вѡчны Миша?
4. Мыйысь нимкодъ батылы?
5. Кызди лечитіс гулюѡс Миша?
6. Мыйысь Мишалы рад?
7. Кытчѡ лѡбзис гулю?

III. Висьталѡй, кызди ті тѡждысянныд лѡбачьяс вѡсна. Эм-ѡ школа бердад кормушка?

IV. Висьт сертияс лѡсьѡдѡй план да гижѡй изложение.

### П л а н,

1. Доймѡм гулю.
2. Батылы любѡ.
3. Миша чередитѡ гулюѡс.
4. Вежон-мѡд мысти.
5. Гулю вѡля вылын.

## БЫД МАМЛЫ ПИЯНЫС ДОНА.

(И. Коданѡв серти.)

Ылысса пармаѡ воисны йѡз. Заводитісны стрѡитны олан керкаяс. Тайѡ керкаясас овмѡдчасны вѡр лѡдзысьяс. Коляс неуна кад, кутасны юравны тані машиналѡн шыясыс.

Батыскѡд тшѡтш вѡрын оліс ар дас кыка детинка, Толя. Ѳтчюд Толя мѡдѡдчис ю пѡлѡн вѡрлань. И дзик кок увсьяс лѡбзис сѡла.

— Поз, буракѡ, эм,— думыштіс Толя. Сідз и эм. Поз. Сѡні куйліс вижоват рѡма пемыдгѡрд чутъяса квайт кольк.

Детинкалы окота лон тѡдмавны, локтас-ѡ бѡр позъяс сѡла. Дзѡбсис куст сайѡ да кутіс виччысьны. Сѡла бѡр локтіс позъяс. Эз лѡбзы, а котѡртіс муѡдыс. Позйѡ пыртѡдзыс видзѡдліс гѡгѡрбок, кывзысьыштіс.

Толя надзѡникѡн петіс куст сайысь, воськовтіс сѡлалань. Сѡла эз лѡбзы, полігтыр видзѡдліс детинка вылѡ. Толя эз вѡрзѡд сѡлаѡс.

Коли кум лун. Толя суйис зѡптас зѡр шыдѡс тыра тубрас да мѡдѡдчис сѡлаѡс видлыны. Локтіс тѡдса мыр

дорö. Мый тайö? Сьöлалөн сöмын местаыс кольöма. Пышйöдöма сийö пиянсö Толяысь, сöмын кольк кышъяс туплясисны позъяс.

Заданиеяс. I. Лэбзис, дзебсис, котöртис кывъяслы вайöдöй синонимъяс.

II. Висьтсö разберитöй вопросъяс серти:

1. Мыйла пармаö воисны йöз?
2. Коді гырысьяскöд тшöтш локтіс вөрö?
3. Мый Толя аддзис мыр бокась?
4. Локтіс-ö бөр позъяс сьöла?
5. Мый аддзис Толя куим лун мысти?
6. Мыйла оз ков вөрöдны лэбачьяслысь колькъяссö?
7. Воис эз тiянлы сьöлöм вылад Толя?

III. Лöсьöдöй план да гижöй изложение.

#### П л а н.

1. Ылысса пармаын.
2. Сьöлалөн поз.
3. Куим лун мысти.

### МАМЛÖН ЧУЖАН ЛУН.

(А. Распутин серти.)

Гриша да Костя пукалісны да думайтісны, мый жö пöдаритны мамыслы. Регыд öд сылөн чужан лун. Ичöтджык вокыс, Костя, веськодпырысь шуис: «Корам мамысь деньга да ньöбам мыйкö».

А ыджыдджык вокыслы, Гришалы, эз кажитчы ташöм сёрниыд. Абу лöсьыд мам деньга вылö жö ньöбны сылы пöдарок. Колö деньгасö нажöвитны. Гожöмын эськö позис видз вылын юр кыскалёмөн нажöвитны. А öні мый? Кольöм во юр кыскалісны да нажöтка вылас ньöбисны кыкнан вокыслы костюм да книгаяс.

Шуисны чукöртны да сдایتны металлолом да макулатура. Дыр эз нюзмасьны. Сийö жö луннас нуисны гортсыс ковтöм бумагаяс, лёк көлуй, потöм плита. Пырالیсны суседъяс ордö, кодъяс радпырысь сеталісны ковтöмторъяс. Уна ведра пöим нуисны совхоз складö.

И со воис дыр виччысяна лун. Öти бöрся мöд локталісны гöстьяс. Быдөн поздравляйтісны Гришалысь да Костялысь мамсö. Қор гöстьяс кутісны пуксявны пызан сайö, быйкнитісны Гриша да Костя. Öтиыслөн киас вöлі шöвк чышъян, мöдыслөн — капрон чулки.

«Тайо тэныд, дона мамукый!»— отпырьо артмис вокьяслон.

«Аттьо, дона пиян!»— кутыштлис найос мамыс шуда синва дзебиг.

**Заданиеяс.** I. Висьтысь индйи веськыд сёрниа предложениеяс, обьяснитой пунктуация знакьяссё. Пыртой изложениеад.

II. Обьяснитой вежортассё кывъяслысь да кыв сочетаниеяс-лысь: **макулатура** — шыблас бумага; **металлолом** — ковтом корта колуй; **бийкнитисны** — виччысьтог мыччысисны, петисны.

III. Висьтё разберитой вопросьяс серти:

1. Мый йылысь думайтисны Гриша да Костя?
2. Мый думыштисны вочны кык вок?
3. Мый подаритисны мамыслы Гриша да Костя?
4. Мыйысь мамлы нимкодъ?

IV. Лосьодой план да гижой изложение.

#### П л а н.

1. Регод мамлон чужан лун.
2. Макулатура чукортём.
3. Мамлы подарок.

#### СЛЕДОПЫТЬЯС.

(И. Коданёв серти.)

Школаса следопытьяс чукортисны асланыс школьной музейо медводдза пионерьяс йылысь казтыломьяс.

Кор Веня локтис Яким дядь ордё да висьталис ассыяс могсё, Яким дядьлон чукурёсь чужомыс нюмдис.

— Первойя пионерьясёс, сидзко, корсянныд. Буртор думыштёмныд. Найо унатор вермасны висьтавыны тияны. Сэссия Яким дядь восьтис важиник камод, перйис сэтись горд галстук. Сийо вёли быгалыштёма нин.

— Кор примитисны пионерё, меным вёли дас арёс. Буретш сийо онас Ленин вождь кувсис. Примитисны пионерё, а горд галстукыс сомын куимлы тырмис. Ме локти гортё да сыркъяломён борддзи.

Мам сэки перйис сундуксыяс еджыд чышъян, сэссия краситис сийёс горд краскаоён. Вот и артмис галстук. Меным лои зэв нимкодъ. Тэнад дедыд, Веня, миянкөд жо пионеравлис. Тайо галстуксё сета тэныд. Видзёй асланыд музейын. Ме со матё ветымын во дөзьорити.

Веня аттьоалис Яким дядьёс да корис волены пионерской сбор выло.

Детинка мунѳм бѳрын Яким дядь дыр на пукаліс да казѳтыліс ассыс олѳм-вылѳмсѳ. Со сиктын котыртчис первойя колхоз. Кутшѳм радпырысь виччысисны найѳ первой трактор, кыдзи первойысь кывзисны радио пыр Москваѳс. Сэсся ѳзйис электричество. Ставсѳ тайѳс аддзылісны сиктса медводдза пионерѳяс.

**Заданиеяс.** I. Висьтсѳыс индѳй обращение. Объяснитѳй пунктуация знакѳяс. Лѳсьѳдѳй предложение, медым обращениеѳн вѳлі Яким дядь кыв.

II. Висьтсѳ разберитѳй вопросѳяс серти:

1. Код ордѳ да мыйла муніс Веня?
2. Мый йылысь висьталіс сылы Яким дядь?
3. Мый сетіс Венялы?
4. Мый йылысь казѳтыліс Яким дядь Веня мунѳм бѳрын?

III. Висьталѳй, эм-ѳ тіян школаын музей. Кыдзи ті отсаянныд следопытѳяслы?

IV. Висьт сертиыс лѳсьѳдѳй план да гижѳй изложение.

#### П л а н.

1. Школаын музей.
2. Веня Яким дядь ордын.
3. Гѳрд галстук.
4. Яким дядь казѳтылѳ важсѳ.

### ТАЙѳ КЕРКАЫН МУЗЕЙ.

(Л. Кон серти.)

Ульяновск карын ѳти улича вылын сулалѳ ыджыд пу керка. Татчѳ воывлѳны уна йѳз. Тайѳ керкаас овліс Владимир Ильич Ленин, кор сійѳ вѳлі ичѳт на и шулісны сійѳс Володя Ульяновѳн. Карыс шусыліс Симбирскѳн.

Со мѳдѳд судтаын ичѳтик комната. Тані Володя узьліс да гѳтѳвитліс урокѳяс. Ѳні на сулалѳ сійѳ крѳватъыс. А пызан вылын куйлѳны книгаяс, кутшѳмѳясѳс лыддывліс Володя. Эмѳсь и чачаяс, кодѳясѳн ворсліс Володя ичѳтджык вокыскѳд, Митякѳд.

Володя водз велаліс лыддысьны да гижны. И школаын велѳдчис бура. Пыр вѳлі первой ученикѳн.

Ульяновѳяс семьяын вѳлі квайт челядь: куйм нывка да куйм зонка. Олісны зѳв дружнѳя, ѳтлаын ворслісны. Радейтлісны ворсны векджык ывлаын, кѳні позѳѳ вѳлі котравны да шумитны мыйта колѳ.

Рытъяснас ставныс чукӧртчылісны ӧти ыджыд пызан сайӧ. Батьыс лыддысьліс, мамыс вурсис. Гырысьджык челядь гӧтӧвитлісны урокъяс, поснияс кодӧ рисуйтчыліс, кодӧ лыддысис либӧ видлаліс картинкаяс.

Мамыс частӧ пуксьывліс рояль сайӧ ворсны, а челядь сьылісны. Володялы тайӧ вӧлі ӧна кажитчӧ. Ӧні на сула-лӧны сійӧ ыджыд пызаныс да рояльыс. Тайӧ керкаас-музеяс ставыс на сідзи, кызди вӧлі уна-уна во сайын.

**Заданиеяс.** I. Вайӧдӧй висътысь примеръяс, кӧні кывъясын гижсьӧ *і* (овліс, сійӧ, вӧлі, шулісны, тані, узыліс, ӧні).

II. Лӧсьӧдӧй предложениеяс **Ульяновск карын, тайӧ керкаас, ичӧтик комната,** рытъяснас чукӧртчылісны кыв сочетанияесӧн.

III. Коллективнӧя лӧсьӧдӧй план да гижӧй изложение.

#### П л а н.

1. Ульяновск карын.
2. Мӧд судтаын ичӧтик комната.
3. Ульяновъяслӧн семья.
4. Ставыс на сідз, кызди уна во сайын.

### СЕРЖАНТ САЖИН.

(Г. Юшков серти.)

Милицыяса сержант Иван Сажинлы звӧнитісны да тшӧктісны лоны дасьӧн петны туйӧ. Ковмас пӧ лӧбзыны Кыръя сиктӧ. Вошӧма вит арӧса нывка.

Сэтшӧм нин Сажинлӧн уджыс. Сылы, вӧвлӧм пограничниклы, сьӧлӧм сертиыс тайӧ уджыс: лӧк вӧчысьясӧс ӧлӧдны, бур йӧзлы отсавны. Сійӧн и вӧзйысис милицияӧ, армияысь воис да. И мыйта нин вӧчисны бурсӧ Аслам нима понйыскӧд.

Самолӧт лӧбис карсянь Эжва паныд, тӧрмасис Кыръя сиктӧ. Часӧн-джыніӧн лӧбӧм мысти воисны Кыръя сиктӧ. Мунісны Самаринъяс ордӧ.

Тӧрыт рытладорыс вошӧма Надя. Бать-мамыс бӧрдӧны. Став сиктнас нин быдлаысь корсьӧмаӧсь. Ӧти надея нин кольӧма, оз-ӧ пӧ понйыс аддзы.

Сажин сетіс исавны понлы Надялысь ковтасӧ. Сэсся ковтасӧ босьтіс сьӧрсыйс. Мунісны му вылӧ. Аслам котралыштіс ӧтарӧ-мӧдарӧ да вӧрлань нырӧн зӧлӧдіс кӧвсӧ.

Со нин найӧ пырисны вӧрӧ. А Аслам век кыскӧ водзӧ.

Сажинлөн тюрөбөн нин киссьö пöсьыс. Аслам никсышталö, матын нин пö. Сэссия тай кыз нетшыштчас. Сажин лэдзис понсö. Аслам сідзи и вурьштіс веськыда. Здук-мөд мысти увтөм нин кыліс. Сажин уськөдчис увтөм шыö.

Пожом улын куйліс Надя. Сійö вöлі ловъя, но мудзöмысла, кынмöмысла, тшыгысла нинөм эз кыв. Сажин босьтіс Надяөс моздорас, тубыртіс ковтанас да öдйөджык бөр сиктö.

**Заданиеяс. I.** Лöсьöдöй предложениеяс татшөм кыв сочетаниеясöн: милицияса сержант, Кыръя сикт, здук-мөд мысти, йöзлы отсавны.

**II.** Самолёт лэбис, Аслам котралыштіс, Надя куйлö предложениеясыс лöсьöдöй распространённой предложениеяс.

**III.** Висьтсö разберитöй вопросьяс серти:

1. Кöні уджалö Иван Сажин?
2. Кытчö да мыйла сійö лэбис самолётөн?
3. Кызди корсисны Надяөс?

**IV.** Висьт сертиыс лöсьöдöй план да гижöй изложение.

#### П л а н.

1. Вошöма вит арöса нывка.
2. Милицияса сержант Сажин.
3. Аслам нима пон.
4. Надя ловъя.

### ДОРЙИС ПИЯНСÖ.

(«Войвыв кодзув» журналысь.)

Тайö лои апрель помын. Луныс вöлі зэв руа. Вөрса туй кузя «Беларусь» вылын муніс Егор Фёдоров. Ру вöснаыс öдва и адззис туйсö.

Со трактор кыпөдчис мыльк вылö. Егор синсö чөвтіс водзö и муртса эз горөд. Медкөсінас туй шöрын вильшасисны-ворсісны куим ошпи. Таргигтыр матыстчысь трактор вылö найö весиг эз и видзөдлыны. Чуймөм тракторист чечыштіс кабинаысь муö. Но сійö жö здукö кыліс лёкысь равöстөм.

Метр вит сайын вөлöма ошпиянлөн мамыс. Кыдзи тай уськөдчас кустьяс сайысь! Егор ур моз звиркнитіс кабинаö. А ош сувтіс бөр кокьяс вылас трактор водзö да вөр тырнас кутіс равзыны.

Бур сьөлöма морт быд ногыс корсис мунан туйсö. Сійö эз көйы тальяны пьяна ошкөс. Лои бöрыньтчыны. Энь

ош быттö тайöс и виччысьöмá. Вешйнс пиян дорас да лапанас вöтлiс найöс вөрö. Регыд мам да ошпиян саялiсны пуяс сайö.

**Заданиеяс.** I. Висьталöй, кызди тi гөгөрвоанныд кыв сочетанияслысь вежöртассö, кызди поэö мод ног шуны: **чöвтiс синсö, ур моз звиркнитiс.**

II. Висьтсьыс индöй восклицательнöй предложениеяс, правильнöя лыддöй.

III. Лöсьöдöй план да гижöй изложение.

#### П л а н.

1. Вöрса туй кузя.
2. Туй шöрын куим ошпи.
3. Тракторист чеччыштö кабинаясь.
4. Ош сувтiс бөр кокъяс вылö.
5. Тракторист корсьö петан туй.
6. Пиянсö ош вöтлö вөрö.

### ВОЙВЫВСА ЕНЭЖЫН.

(«Югыд туй» газетысь.)

Пассажирскöй лайнер кыпöдчис сынöдö да веськöдчис республикаса столицалань. Улын бура на тыдалiсны аэродром помын сулалысь вертолётъяс. Найö быттö гырысь юрсигусяс лöсьöдчöны жбыркнитны енэжö.

Миян войвылын тайö зэв колана машинаяс. Найö ёна отсасьöны мупытшса озырлунъяс корсьысьяслы да строительяслы. Мыйсö сöмын найö оз кыскавны сынöдтi: сёян-юан, паськөм, быд сикас оборудование, трубаяс, тракторъяс и автомашинаяс, весиг бурöвöй вышкаяслысь да олан керкаяслысь частьяс.

Вертолётъяс вылö видзöдiгөн меным дум вылö уси, кызди карö воис первой самолёт.

Самолётлөн шыыс шызьöдiс Сыктывкарса став олысьсö. Эновтiсны кабинетъяссö учреждениеса уджалысьяс. Со котöртö мездорас кагаа нывбаба. Челядькөд öтлаын котöртö старик, тэрмасигад вунöдöма весиг шапкаасынысö, да чизыр тöлыс дзугö сылысь юрсисö.

Быдөн көсйö ас синмөн адзывны медводдза аэроплан, кодi воис Коми республикаса столицаö. Тайö вöли 1933 вося февраль 16 лунö. Сйö кадсяныыс и кутiс сөвыны миян республикаын авиация. Уна бур да повтöм йöз уджалöны öнi авиациян.

Заданиеяс. I. Индöй сложнöй кывъяс, объяснитöй гижанногсö (юрсигусъяс, енежö, мупытшса, паськöм, медводдза, сёян-юан).

II. Лöсьöдöй предложениеяс аэроплан, енеж, озырлунъяс кывъясöн.

III. Коллективнöя лöсьöдöй план сийö юкöнлы, кöни висътавсö Сыктывкарö первой самолёт воом йылысь, да гижöй изложение.

#### П л а н.

1. Кöнкö таргö мотор шы.
2. Сыктывкарса йöз петöны йвла вылö.
3. Сыктывкарын первой самолёт.

IV. Правильнöя гижöй аэроплан, учреждениеса, авиация кывъяс.

### КОДИ ЕНДЖЫК?

(В. Торопов серти.)

Ми пукалим воккöд берег дорын да вуграсим. Вок лэптис мичакодъ мык, сэсса сынпи. Меным сюрис жö ляпа да ёкыш. Чери шедис бура.

Эг и казавлöй, кызди шондi чеччыштис пуяс вылö. Посни лэбачъяс дзользисны-ссылисны бадъ кустъясын. Видз дзирдалис лысваысь. Чери мöдис сёйны омöльдзыка. Вок шочиника лэпталис на черияс, а ме дырккодъ нин видзöдi неыджыд варышлөн ноксöм вылö.

То сийö лыбöдчылас вылö, то пуксъылас нёровтчöм бадъ улö, то шлывкнитас дзик ва веркöстi. Мый ськöд лоöма? Кодöс кыйöдö?

Бадъяс дорсянь друг кылис пель поткöдана чирзöм. Кыкнанным бергöдчим сылань. Варыш пукалис ва вылын да швачöдис бордъяснас, зилис кыпöдчыны, но мыйкö кутис сийöс. Сэсса и сунис ваас.

«Сидз сийöс, сидз!»— горöдис вок. Варыш здук кежлö бара петкöдчылис ваысь, öвтчис бордъяснас да чирзис. Кутшöмкö тöдтöм вын кыкис сийöс йирö. Сöмын посныдик гыяс паськалисны ва вылын.

Тыдалö, варышыс не öтчыдысь нин чöсмасьлöма танi сирпиянөн. Öнi со эз артышт асьыс вынъяссö. Ыджыд сир веськалöма, вот и асьсö кыкис. Крукыля гыжъяссö пыдö сатшкöма, весиг бöрсö кыскыны эз вермы.

Заданиеяс. I. Индöй вопросительнöй да восклицательнöй предложениеяс. Правильнöя тэчöй пунктуация знакъяс.

II. Объяснитой пунктуация знакъяссö веськыд сёрниа предложениельсь.

III. Шонді чеччыштис — ...; видз дзирдалис — ...; шлывкнигас — ...; швачөдіс бордьяснас — ... кыв сочетаниеяс дорö вайөдöй синонимьяс.

IV. Лөсьөдöй план да гижöй изложение коймөд морт нимсянь. Кык воклы сетöй нимьяс.

#### П л а н.

1. Кык вок пукалісны берег дорын.
2. Чери мөдіс сёйны омөльджка.
3. Варышлөн аслыссяма ноксьом.
4. Эз артышт ассьыс вынъяссö.

V. Правильноя гижöй дыркодь, мичакодь, аслыснога, кыкнан-ныс кывьяс.

#### КОДЗУВКОТЪЯС.

Вөрса пу бокын эм мыльктор. Тайö абу прөстöй мыльк, а аслыспөлөс кар. Тані олөны да уджалөны водз асывсянь сёр рытөдз мугов рөма кодзувкотьяс. Налөн оланіныс, кодөс ми шуам кодзувкоткарөн, дивө кодь лөсьыд. Сійö некымын судтаа, быд пөлөс жырьяса да аслыссяма пыран-петан посьяса.

Керка пытшкөсыс сөстөм. Быд кодзувкот төдө ассьыс удж. Öтияс чередитөны тшак быдтан градьяс, кодьясөс вөчөма медся улі судтаас. Мөдьяс видзөны-лелькуйтөны кодзувкот колькьяс, кодьясысь петасны да быдмасны выль кодзувкотьяс. Коймөдьяс ноксьөны-уджалөны: тупкалөны, дзоньталөны, медым зэригьясөн ва войт эз веськав. Нельөдьяс ваялөны сёян запас.

Эмось и часөвöйяс, кодьяс видзөны керканысö врагьясысь да быдсяма неминучаысь.

Но тайөн налөн уджыс оз на помась. Найö видзөны миянлысь вөрнымөс висьомьясысь. Пуяс да корьяс выльсь куталөны да ваялөны быд пөлөс гагсö да лельөсö. Та могысь кодзувкоткарсянь уна вожөн мунөны векны-дик туйяс. А медым эз вошны, эз ылавны ылі туйö ветлігөн, туйсö киськалөны аслыспөлөс дука веществоөн. Тайö туйяс кузяыс и ваялөны кос лыс, кос пу корьяс, сёян. Туй пөлөнтыс ветлөны-котралөны патрульяс. Видзөдөны, медым быдлаын вөлі пöрадок.

Вот тадзи олоны кодзувкотъяс, миян зіль да бур отсасысьяс, вөр-ва дөзёритысьяс.

**Заданиеяс.** I. Висьталёй, кызди ті гөгөрвоанныд дивё кодь лёсьыд; видзёны быдсяма неминучаысь; видзёны-лелькуйтёны кыв сочетаниеяслысь вежёртассё. Кызди поэё висътавыны мёд ног?

II. Лёсьодёй предложениеяс кодзувкоткар, оланіны, патрульяс кывъясён.

III. Лёсьодёй план да гижёй изложение.

#### П л а н.

1. Кодзувкоткар.
2. Быд кодзувкотлён аслас удж.
3. Уна вожён мунысь туйяс.
4. Зіль отсасысьяс.

IV. Вөрө ветлігъясё наблюдайтёй кодзувкотъяслён олём-уджалём бёрся. Кутшём пөлза сетёны кодзувкотъяс?

### МЕДСЯ ИЧӨТ ЗВЕРЬ.

(И. Коданёв серти.)

Уна пөлөс зверь-пөтка эм войвывса пармаын, гажа ягъясын, тыяс да юяс бокрын. И быдёнлөн аслас олём, аслас сям да визувлун. Найё, пармаса олысьяс, вермёны терпитны ыджыд кодзыдъяс, лёк зэра лун-войяс, тшыгъялём да кынмалём. Но некод на пиысь оз энөвт чужан мусё. Эз кө вөвны татшём другъясыс, гажтём эськё вөлі миянлы.

Отчыд учитель Дмитрий Александрович юалис велөдчысьяслысь, коді пө пармаын медся ичөт зверыс.

— Шыр,— лэптис кисё Вася.

— Ур,— шыясис Светлана.

— Лягуша,— төдлытөг артмис Гералён. Ачыс гөрдөдіс, кор ёртъясыс заводитисны серавны.

Аскинас учитель нуөдіс челядьёс вөрө. Пуксялісны найё пуясён кытшалём эрд вылө, сёрнитёны, видзөдалёны гөгөр.

Друг изъяс пиысь мыччысис ичөтик зверь. Съөдбөжысь ичөтджык. Сійё эз и думайт пышйыны, шонтысис шонді водзын.

— Аддзанныд, челядь? Тайё ласича, медся ичөт зверь миян пармаын. Оні гёныс сылөн руд, а төвнас едждодас.

Ласича лэптыштіс ичөтик пельяссё, кыпөдчис дже-

ныдик кокъяс вылас да чеччыштис водзлань. А здук мысти вомас кутис нин шырös. Сэсса уськөдис вомсьяс кыйдөссө да пуляөн пырис изъяс костö.

Ласича — зэв колана ловъя лов. Во чөжөн бырөдö кык-куим тысяча гөгөр шыръясös да крысаясös. Вот сийö кутшөм пармаса медся ичöt зверыс.

**Заданиеяс. I.** Лөсьөдöй предложениеяс ласича, съдббж, визувлун кывъясөн.

II. Висьталöй, кызди тi гөгөрвоанныд **Пуляөн пырис изъяс костö** предложениельсь вежортассö. Кызди позьö шуны мөд ног?

III. Лөсьөдöй план да гижöй изложение (пыртöй диалога сёрни).

#### П л а н.

1. Быдөнлөн аслас олөм.
2. Вөрö экскурсияөн.
3. Медся ичöt зверь.

#### МУПЫТШСА КАР.

(М. Ильин серти.)

Кöни некор оз овлы зэр ни лым?

Кöни тöлын жар, а гожöмын ыркыд?

Кöни войнас лунын кодь югыд?

Кöни юяс визувтöны йöзлөн юръяс вывти?

Кöни посъясыс асьныс кайöны-лэччöны, öдзöсьясыс асьныс вөсьöны-пöдлассьöны?

Тэ, көнкө, ичöt ёрт, дöгадайтчин нин, мый тайö став вопросъяс вылас позьö öтветитны öти кывйөн: метроын.

Кодi вöвлi Москваын, Ленинградын, Киевын да мукöд ыджыд каръясын, сийö, дерт, вöвлis и метроын. А эз кö вöвлы, кывлis йöзсянь, мый метро — сийö мупытшса кар. Сэни эмöсь аслас уличаяс да мраморной дворец-станцияяс. Мупытшса уличаяс кузя, туннельясöд öти дворецсянь мөдö журъялöны зэв мича электрической поездъяс. Налы танi оз мешайтны ветлысь-мунысь йöз, машинаяс, трамвайяс.

Быд кык минут мысти мунö поезд. Быд поездын эм машинист. Сылөн кныс личкыштас кнопка, и поезд мөдöдчас либö сувтас. Мөд ногөн кö, мортлы отсасьö электричество да автоматика.

**Заданиеяс.** I. 1. Мыйла метроусь станцияссö шуöма мраморной дворецьяссон? 2. Мыйла му пытшкын поездьяс ветлöны зэв öдйö?

II. Лöсьöдöй план да гижöй изложение.

П л а н.

1. Мупытшса карын.
2. Метроын поездьяс.
3. Отсасьö электричество да автоматика.

## КОСМОСЫН ЮРИЙ ГАГАРИН.

(В. Бороздин серти.)

Ракета качис мусянь пыр вылöджык. Юрий Гагарин пукалис креслöын, эз вермы весиг вöрзöдчыштны. А кымын öдйö лэбö ракета, сымын ёнджыка топöдö креслö бердö.

Тушаыс лои сэтшöм сьöкыдөн. Киясыс, кокъясыс быттьö абу аслас. Прöйдитис сöмын öти минут, а Гагаринлы кажитчис быдса часөн. Лолавны лои пыр сьöкыдджык. Мусянь радио пыр юасьöны, кызди сийö чувствуйтö асьсö. Колö вочавидзны, а вомсö восьтыны зэв сьöкыд. Но век жö аддзис вын да вочавидзис: «Менам ставыс бур. Лэбзя нормальнö, чувствуйта бура».

Ракета первойсö дрöжжитис, а сэсся друг лои зэв лөнъ. Тайö дугдис уджавны двигатель. Öни креслö бердö эз нин топöд. Нем виччысьтöг Юрий казялис, мый сийöс креслöысь кыпöдö. Лэптис кисö — кыис сідзи и колис лэптöмаөн. Лэптис коксö — бöрсö эз лэччы.

Гагарин көсийс гижны та йылысь журналö, видзöдлис, а карандашыс места вылас абу. Кывтö кабина пытшкын. Лэдзис журналсö, и сийö öшйис сынöдас.

Кынöмыс Гагаринлөн эз на сюмав. Но колö прöверитны, вермас-ö нылыштны сёянсö. Тренировка дырйи увлань юрөн сулалöмөн вöли сёйлывлö, а тани?

Сёяныс вöли аслыспöлс, космической тубикъясын. Заводитис сёйны — артмö. А кор юис сэтөр сок, кымынкö капля войтыштіс. И найö быттьö сэтөр тусьяс кывтисны сынöдöд.

**Заданиеяс.** I. Лöсьöдöй план да гижöй изложение.

П л а н.

1. Ракета лэбö ыджыд öдөн.

2. Космосын первой минутяс.

3. Космосын сёйём.

II. Висьталёй, мыйла космонавт должен лоны вынаён, сюсьён, наблюдательнён.

## ШУШЬ Ю ДОРЫН.

(А. Кононов серти.)

Сибырын Шушь ю дорын сулалё Шушенское сикт. Важён этшаён тёдлісны тайё сикт йывсьыс. Сійё вёлі вошёма вөръяс да нюръяс пөвстё.

1897 воын царскёй правительство ыстис тайё сиктас Владимир Ильич Ленинёс ссылкаё. Куим во чөж Ленин оліс тани. Сійё кадсяньыс прөйдитис уна во. Шушенское сикт лои төдса став мирлы.

Владимир Ильичёс радейтісны Шушенское сиктса олысьяс: верстьё йёз и челядь. Көть Ильич уджаліс быдса лунъясён, лыддысис да гижис сёр рытөдз, век жё аддзыліс кад колявны челядькөд и сёрнитны крестьянакөд водзё олөм йылысь.

...Воис төв, Шушь ю тупкысис йён. Оні Ильичкөд паныдасыны вёлі кокниджык: пөшти быд рыт сійё во-львліс иславны конькиён. Шушенскоеын конькиыд вёлі выльторйён. Челядь асьныс кутісны вөчавны пу конькияс, пыдөсас тувъявлісны көрт.

Отчыд челядь котөртісны конькиясён ю вылө, а юыс тырөма лым толаён. Сулалёны, оз төдны, мый вөчны? Иславны вёлі некөн. Сэтчө жө локтіс Ильич, видзөдліс лым тола вылө да гораа шуис: «А мый, вөчны кө мянлы настоящөй каток?»

И челядь босьтчисны уджө. Заводитісны весавны лым. Йи шөрсьыс лымсө чышкисны росъясён. Сэсса ветлісны вөрө лысьясла, мичмөдісны наён лым стенаяссө.

Кор катокыс вёлі дась, Владимир Ильич заводитіс велөдны медся посни челядьёс иславны конькиён.

Оні Шушенское сикт төдны позьтөмөдз вежсис. Коммунистическёй партия веськөдлөм улын стрөитөма сэтчө мича кар да вынйөра Саяно-Шушенскёй гидростанция.

Шушенское сиктса челядь, кодъяс коркө иславлісны пу конькиясён, важён нин быдмисны. Онія челядь исла-лөны ыджыд стадионъяс вылын.

Задание. Лӧсьӧдӧй план да гижӧй изложение.

### П л а н.

1. В. И. Ленин ссылкаын.
2. Конькиясӧн ю вылӧ.
3. Каток вӧчӧм.
4. Оӧня Шушенское сикт.

Кы в ъ я с: *Шушенское сикт, ссылкаын, коньки, кокниджык, Саяно-Шушенской гидростанция.*

### ОЛИМПИЙСКОЙ ВОРСӧМЪЯС.

Тӧвся XIII Олимпийской ворсӧмъяс 1980 воын Лейк-Плэсидын дыр кежлӧ кольӧны паметьӧ. Стадион вывтӧ колоннаясӧн мунисны комын сизим странаысь спортсменъяс, кодъяс воисны нӧль континентысь.

Кыдзи и мукӧд Олимпиадаяс вылын, торжественноӧйӧн вӧлі Олимпийской флаг петкӧдӧм.

Знаменосец, мирса унаысь чемпион А. Тихонов юрнуӧдӧм улын стадион вывтӧ зумыда восьлалисны мян советской спортсменъяс, а на пиын тшӧтш Коми республикаысь Василий Рочев, Раиса Сметанина, Николай Бажуков да Нина Рочева.

Заводитчисны лыжи вылын котралӧм кузя ордйысьӧмъяс. Комын да ветымын километр дистанция вылын медся бура мунис Подмосковьеысь студент Николай Зимятов. Ыджыд кужӧмлун петкӧдліс Сыктывкарысь В. Рочев. Вит километр дистанция вылын первой места шедӧдіс Сыктывкарысь Раиса Сметанина.

1980 воын тӧвся Олимпиада вылын мян советской спортсменъяс босьтісны медуна зӧлӧтӧй медаль.

Гожся Олимпийской ворсӧмъяс кутасны мунны мян Рӧдиналӧн столицаын — Москваын.

Задание. Лӧсьӧдӧй план да гижӧй изложение.

### П л а н.

1. Тӧвся Олимпийской ворсӧмъяс.
2. Олимпийской флаг петкӧдӧм.
3. Зумыда восьлалӧны стадион вывтӧ советской спортсменъяс.
4. Лыжи вылын ордйысьӧмъяс.
5. Гожся Олимпийской ворсӧмъяс.

Кы в ъ я с: *Олимпиада, Лейк-Плэсид, континент, дистанция.*

## Витӧд класс.

### Звӧнок водзвылын.

(Г. Фёдоров серти.)

Талун сентябрь ӧтиӧд лун. Тайӧ асылӧ ставыс гӧгӧр быттьӧ лолаліс кыпыда да кокниа. И челядь садьмисны мукӧд лунъяс серти водзджык, долыда тельӧдчисны гортаныс, зіля мыссисны, пасьтасисны-кӧмасисны, сёйисны-юисны.

Коді сумкаа, коді нейджыд портфеля, коді ранца — челядь котӧртӧны туй кузя школалань. Налы нимкодъ. Ӧд талун заводитчӧ выль велӧдчан во. Кыдзи нӧ не радлыны да не нимкодясьны, кор бара ставӧн чукӧртчисны ӧтлаӧ.

Талун быдӧн пасьтасьӧмаӧсь праздник вылӧ моз. Гӧрд рӧмӧн ломзьӧны пионерскӧй галстукъяс.

Челядь ӧта-мӧд вежмӧныс кутісны висьтавлыны, коді кыдзи коллялӧма гождӧм, мый аддзылӧма. Коля бать-мамыскӧд ветлывлӧма видз вылӧ куртны да юр новлыны. Нина нывпосникӧд уджалӧма школьнӧй огородын, быдтӧмаӧсь гырысь ӧгурцыяс да помидорьяс. Унаӧн ветлӧмаӧсь пионерскӧй лагерьясӧ, экскурсияӧн Сыктывкарӧ да мукӧдлаӧ. Володя велӧдчӧма ворсны баянӧн. А Вася ветлӧма вуграсьны да шедӧма сылы ыджыд чери. Унаӧн висьталісны лыддьӧм книгаяс йылысь.

Кыліс медводдза звӧнок, и челядь гажаа ызгигтырйи пырисны классьясӧ.

Заводитчис выль велӧдчан во, шуда во!

**Задание.** Текстсӧ используйтӧмӧн гижӧй нейджыд висьт татшӧм темаяс вылӧ:

1. Кыдзи ме коллялі гожся каникулъяс.
2. Первой звӧнок.

### ВИДЗ ВЫЛЫН.

Гриша уджалӧ видз вылын. Детинкаӧс первойсянныс пуксьӧдісны куртан машина вылӧ. Ичӧтик тушаа Гриша тупыль кодъ пукалӧ машина вылын, лёдзьясӧ чу-

көртө ойдлан видз вылысь посни веж турун. Кажитчө Гришалы тайё уджыс. Водзвылас, өвадысь бөжнас өвт-чигтыр, тэрыба восьлалө Серко. Пажын бөрын сийё юкталас ыркалом Серкоос да лэдзалас шойччыны. Додялас сэтшөм жө тэрыб кока Чалкоос да бара кутас куртны лысва усьтөдз.

Детинка олө видз вылын, гортас оз ветлывлы кучимнэль лунъясөдз. Гажа овлө Эжава кыр йылын рытьяснас. Ужнайтом бөрын гажаа тратшкөдчысь бипур гөгөр пуксяласны челядь, а некор мудзытом Петыр дядь висьтавлө налы помасьлытом мойдыяс. Зэв нин уна мойдтөдө Петыр дядьыс. И ставсө бура помнитө.

Мамыс Гришалон быд рыт ветлө горт гөгөрсө идортны, посныдджык челядьыслы, Гришалон чой-воклы, сёян лөсьодны. Отчюд өбедайтигөн мам ошйысис, мый Гриша таво мунас витөд классө да ар кежас сылы ковмас ньобны выль костюм.

Но Гришалы жальөсь ичөт чой-вокыс. Найё посниөсь на, оз на вермыны уджавны. И сийё тшөктис мамыслы ньобны чойыслы, Любалы, шоньд чышъян.

Мамлы зэв рад кывзыны тайё сёрнисө пиыслысь. Мам көсйысис ньобны кыкнанныслы, вичмас Гришалон најө-витөм сьөмыс аслыс и чойыслы.

Задание. I. Лөсьөдөй план.

П л а н.

1. Гриша — куртан машина вылын.
2. Гажа овлө рытьясын.
3. Гришалон мамыс ошкө писө.

II. Гижөй неыджыд висьт «Совхозлы отсөг» тема вылө.

III. Висьтысь индөй сложной кывъяс, объяснитөй гижанногсө. Лөсьөдөй наон предложениеяс.

## ВЛАДИМИР ИЛЬИЧ ЛЕНИНЛОН ЧЕЛЯДЬ ДЫР.

(Бонч-Бруевичлөн казътылөмъяс.)

Володя чеччывліс стөч индөм кадө. Гимназияө сылы колө вөлі мунны көкъямыс час да джын кежлө. Стөч сизим часын Володя садьмыліс, некод сийөс эз чуксавлы. Садьмөм бөрас пыр жө чеччыліс, эз туплясь вольпась вылын. Весавліс пинь, бура мыссьывліс да көскөдзыс зырасьліс көтөдөм ки чышкөдөн. Володя ачыс идравліс

вольпасьсö. Найö семьяын сэтшöм вöли пöрадок: челядь асьныс асьнысö облуживайтисны.

Сэссия Володя пуксьывліс повтöряйтны урокъяс, кодъясöс сійö век вöчлывліс рытнас. Сэки мамыс лöсьöдліс завтрак. Та бöрын ставныс чукöртчывлісны столöвöйö завтракайтны.

Стöч кöкъямыс час да дас минутын Володя прöщайтчыліс бать-мамыскöд, öдйö пасьтасьліс да мöдöдчыліс гимназияö.

Школаысь воöм бöрын час-мöд гуляйтліс двoryн. Сійö ёна радейтліс ворсны мачöн да торйöн нин «казак-разбойникöн». Ёртъясыс век сійöс бöрйылісны атаманöн. Ворсігöн вöлі зэв справедливöй. Ачыс некор эз тышкасьлы да пыр жö дугдывліс ворсны, мыйöн сöмын пансьылісны вензьöмъяс.

Обед кежлö семьяыс ставнас чукöртчывліс öтлаö пызан сайö, да челядь висьтавлісны, мый вöлі лунтырнас.

Мам да бать бура кывзісны челядьлысь висьталöмъяссö да ыджыд интересöн тöдмасьлісны налöн вьльторъясöн.

Обед бöрын Володя пуксьыліс велöдны урокъяс. Став предметъяс кузя сійö вöчліс сетöм дорсьыс унджык. Уна лыддьысис. Володяöс переведитлісны классысь классö наградаясöн, и гимназиясö сійö помаліс первой ученикöн, зарни медальöн.

Заданиеяс. I. Лöсьöдöй план.

### П л а н.

1. Сизим час асылын.
2. Гимназияö мунöм.
3. Урокъяс бöрын.

II. Гижöй висьт, кызди ті колляланныд прöст кадсö школа бöрын.

### ЛИ КУЛЬÖМ.

(Н. Попов серти.)

Тувсов букыд лунö, урокъяс помасьöм бöрын, школа йöрö челядь садитöны пуяс. Старайтчöны садитны быдсяма пуяс: кызд, льöм, пельысь. Öти пельöсö садитисны съöд сэтöр кустъяс. Школа кильчö весьтö нывкаяс вöчисны неыджыд град, куйöдалісны. Сэтчö бура шондöдöм

бöрын пуктасны разнöй дзоридзьяс. А Витя да Геня, кык друг, паськыд гуранö садитисны пашкыр пожöм.

«Тайö пожöмыс, Геня, добра. Татысь тэа-меа кутам тулысьясын ли кульны», — шуö Витя. — Ме вöр дiын, кодi тай быдмö сикт помын, таво дзонь туис литö лиавли. Пурт кындзи вöли бритва кодь лэчыд чер. Уна и пу пöрöдi. Сой кызта пожöмыд либö кыддыд öтчыдысь сötöмөн тiмбыльтчö».

Витя ошйысис, а Геня букыша видзöдлис другыс вылö, босьтис пельпом вылас кöрт зырсö да мунис сы дiнысь.

Витя эз тöд, мыйысь дöзмис другыс. Забеднö лоис, суöдис Геняöс да юалис, мый лои сыкöд. Витялы жаль вöли кöдзöдчыны другсыс, кöсйис бурасыны. Сы вöсна сiйö зiлис тöдмавны, мыйла скöралö Геня.

Бöрынджык Геня висьталис другыслы ставсö, мый вöсна сiйö скöрмис.

Витя чуймис: «Та вöсна и скöралан? Омöлик пожöмьяс понда дружатö орöдан? Пуясыд мян оз чинны».

Сiйö кöсйис водзö висьтавны, кутшöм уна вöрыс быдлаын, но Геня орöдис: «Тэ, Витя, йöзыслы зэв ыджыд лёк вöчан». Витя тшöкмунi, буракö, гөгöрвоис ассьыс мыжсö.

**Заданиеяс.** I. Индöй веськыд сёрни предложениеяс, объяснитöй пунктуация знакьяс.

II. Висьтсö продолжитöй водзö, висьталöй, мыйла оз позь пуяслысь кульны лисö.

III. Лöсьдöй план.

П л а н.

1. Школьникьяс садитöны пуяс.
2. Витя ошйысьсö другыслы.
3. Витя оз тöд, мыйысь лөгасис другыс.
4. Витя гөгöрвоö ассьыс мыжсö.

IV. Кыдзи позьö мöд ног шуны букыша видзöдлис кыв сочетание? (Скöрысь, лёкысь видзöдлис.)

**ГÖРД ГАЛСТУК.**

(С. Фурин серти.)

Сёр рытын фашистьяс пырисны Белоруссияса неыджыд сиктö. Найö кутисны ветлöдлыны керкаысь керкаö да корсьны мянлысь салдатьясöс да партизаньясöс. Öти фашистскöй салдат пырис Галя Куценко кер-

као. Фашист корсысис керкаын да мыйкө ас ногыс гор-  
зіс. Галя сулаліс стен бердын да повзьомысла нинөм эз  
вермы шуны. Кияс сълөн вөлі портфель. Немец друг ква-  
титіс Галялысь портфельсө да кутіс шыблавны джджө  
книгаяссө. Книгаяскөд тшөтш уси пионерскөй галстук.  
Фашист адзис сійөс да заводитіс тальяны. Пионерка  
уськөдчис немецлань, йөткыштіс сійөс, кватитіс галстук-  
сө да чепөсйис ывлаө. Салдат эз виччысь ичөтик нывка-  
сянь татшөмторсө да недыр кежлө шөйөвошліс. А сэсся  
уськөдчис пионерка бөрся, кутіс лыйлыны. Но Галя пе-  
мыдас некөн нин эз тыдав.

А нывка муніс вөрө партизаньяс дорө да висьталіс,  
мыйла сылы ковмис пышйыны. Партизаньяс босьтісны  
сійөс отрядас.

Кык во чөж збой нывка оліс партизаньяскөд, гижаліс  
листовкаяс, отсасис санитарьяслы.

Сэсся мян салдатьяс мездісны Галялысь сиктсө.  
Пионерка бара кутіс велөдчыны. А сьылі вылас новліс  
сійө галстуксө, кодөс эз сет фашистьяслы.

**Заданиеяс.** I. Висьтысь индөй кывьяс, көні гижсьө i. Лөсьөдөй  
предложениеяс **восьтіс, кватитіс, висьталіс, новліс, шөйөвошліс**  
кывьясөн.

II. Лөсьөдөй план да гижөй изложение.

#### П л а н.

1. Сиктын фашистьяс.
2. Пионерскөй галстук.
3. Галя — партизанскөй отрядын.
4. Сиктысь вөтлөны фашистьясөс.

#### ТУРӨБ ДЫРИИ.

(Я. Рочев серти.)

Вася видзөдліс төв улын шатласьысь пожөмьяс вылө,  
мыш сайсьыс лөсьөдыштіс пищальсө да мөдөдчис мун-  
ны. А турөбыс то ырыштчывліс, то лөньыштіс.

Ывлаыс заводитіс рөмдыны. Вася восьлаліс кузь пуяс  
костті. Друг шарсмуніс лымйыс, и понөль улысь чеччыш-  
тіс лым еджыд кынь. Съөд синьяснас сійө видзөдліс морт  
вылө, сэсся уськөдчис котөртны пуяс костөд. Детинка  
вунөдіс аслас көрьяс йылысь, мөдіс вөтчыны кынь бөр-  
ся. Дыр Вася вөтлысис, но кыньөс кыйны эз вермы.

Ывлаыс дзикөдз пемдіс. Вася шойчыштіс, сәсся мө-  
дөдчис аслас стадалань, но веськаліс сук чашаө.

Төдтөм вөр-ваын Вася шөйтис вой джынсө. Медбөрын  
дзикөдз жуяліс, бауөн кыссис коз улө. Шковнитис-луйис,  
сәсся гоз-мөдысь горөдіс. Коли кымынкө здук, и зөркни-  
тіс воча лыйөм. Вася выльысь зарадитис пищальсө да  
ещө луйис. Недыр мысти көнкө матынджык нин бара  
кыліс лыйөм шы.

Детинка чукөртис медбөрря вынъяссө да надзөникөн  
мөдөдчис сылань, кодарын кыліс лыйөмыс. Уна вылө  
Вася муніс сө сыв, эбөсыс быри, кокъясыс лигышмуніс-  
ны, и сійө уси лым пиө.

Ас саяс воис пон увтчөм шыысь. Дінас, бөжсө легө-  
дігтыр, лөкысь увтіс ыджыд сьөд пон. Сәсся пуяс сайысь  
кыліс мужичөй гөлөс.

Заданиеяс. I. Коллективнөя лөсьөдөй план.

#### П л а н.

1. Вася вөрын.
2. Ывлаын заводитис рөмдыны.
3. Вася вөтчө кынь бөрся.
4. Детинка воштө садьсө.

II. Торйөдөй і гласнөя кывъяс да висьталөй гижанногсө.

III. Сетөм кывъяслы бөрийөй синонимъяс: шатласьысь, лөньыш-  
тіс, рөмдыны, шөйтис, лигышмуніс.

К ы в ъ я с: *понөль, чаша, стада, сыв.*

#### КУК ВИДЗЫСЬ.

(Г. Фёдоров серти.)

Елюк видзө кукъясөс. Еджыд халата, сөстөминик  
чышъяна, сійө уджалігмозыс сьыліс ассьыс лөсьөдөм  
сьыланкывъяс. Елюк уджаліс долыд сьөлөмөн, ставсө  
вөчис бура да тэрыба. Гөгөр төдчис пельк да зіль кипод-  
туйыс сылөн: телятникын вөлі югыд, кос да сөстөм. Пел-  
ьөсын ломтысис белитөм пач, стенъясыс еджыдөсь жө.

Елюклөн ни өти кукань на эз кувлы. Ставыс быдмө-  
ны зэв бура. Но медся ёна радейтө еджыд ныра кука-  
ньөс. Тайө куканьсө вайисны нөсилка вылын. Сьөкыд  
вөлі надейтчыны, мый тайө висьысь куканьыс бурдас. Но  
председатель надейтчис зіль нывлөн небыд кияс вылө.

Елена босьтчис висысь кукс бурдодны. Куим лун эз петавлы телятныкысь, оти пась улын узыліс ськөд, нёнёдіс чунь помсыс. И кук заводитіс надзёникон бурдны, содісны сылөн вынъяс.

А талун, уджъяс эштём бёрын, Елюк матыстчис еджыд ныра кук дорё, лажынтчыштіс, кыкнан кинас кутіс сылысь ныр-вомсё, меліа видзёдліс васөд гырысь синъясас да сылыштіс:

«Ой тэ, сёлёмшөр,  
Менам Звёздочка».

**Заданиеяс.** I. Текстсысь бөрйой ь знака кывъяс да объяснитой гижанногсө.

II. Ветлой экскурсияон скотной дворё, тодмасьой кук видзысь-яслөн уджён, лёсьодой план да гижой нейджыд висьт.

#### П л а н.

1. Елюк видзё кукъясөс.
2. Телятныкын сөстём.
3. Куканьяс быдмёны бура.
4. Еджыд ныра кук.

#### ОЛЬОКСАН ДЕД.

(И. Коданёв серти.)

Сулаліс арся кос поводдя. Сынёдыс ыркыд, сөстём. Рытъя шондіыс скупа нин койис ассьыс югөръяссө пуяс вылө, а сэсся дзикөдз вөйтчис пармаө.

Тракторной паськыд туй вөрсянь лэччис Эжвалань. Ольоксан дед Коля внуыскөд орччён восьлалісны тайё туй кузяыс. Дедыс ыджыд тушаа, неуна гөрбыльтчыштёма. Көть сылы сизимдас арёс нин, но ус-тошсө бритё. Та вёсна чужём вылас төдчис уна чукур. Сөмын синъясыс кажитчисны век на томось. Мышкас сылөн ошаліс ыджыд пестер.

Дедыс таво вель уна пестер пув лэччөдіс вёрысь да сдایتіс сельпоё. Шойччан лунъясө Коля отсасьө сылы. Накөд тшөтш вөлі и нель кока другыс, лапъя пельяса, пемыдгөрд рёма Дик пон.

Коля радейтё ветлөдлыны дедыскөд вөрөд. Унатор адзылан сэтысь. Мыйсө сөмын оз висьтав дедыс пөтка-яс да зверьяс йылысь. Нелямын во нин прөмышляйтё. И старик оз вермы овны вөртөгыс, радейтё сійөс. Таө жө велөдө ассьыс ичөтик внуыскө, Колясө.

Заданиеяс. I. Объяснитой гижанногсö торйодом кывъяслысь.

II. Лосьодой план да гижой изложение.

### П л а н.

1. Кутшом вöли арся поводдя?
2. Кодьяс восьлалисны туй кузя?
3. Кутшом вöли дедыс?
4. Мыйла кайисны вөрö?
5. Мый йылысь висътавліс дедыс Колялы?

### СЬОД ТЫ ВЫЛЫН.

(И. Коданёв серти.)

Унаысь кевмысис ичотик Миша, медым Олег вокыс босьтіс сійос аскодыс вөрö. Дырөн Олеглөн небзис сьолöмыс, и найö мөдөдчисны вөрö.

Кык вок лунтыр ветлөдлісны вөрөд, чегъялісны пач чышкыны ныв лыс, вундалісны рос ньөр. Мамыс, дерт, таысь найос ошкас.

Миша важөн нин мудзис, но норасыны вокыслы эз лысьт. Олег дөзмас, мөдысь оз босьт аскодыс.

А вöрын ёна гажа. Мыйсö сöмын найö эз аддзывны: кывзісны сьолалысь чипсөмсö, дыр любуйтчисны сьод сизь вылө. Лун шөр бöрын пуксисны шойччыны.

Бöрсö гортлань мөдөдчисны Сьод ты дорті. Паськыд ты пöшти ставнас кынмөма, дзедьсьөма йи улө. Сöмын ты шöрыс ичотика восьса. Сэтысь пуркөдö-кайö тшын кодь ру. А йиыс шылыд да югыд.

Ты пөлөн чурвидзисны-тыдалісны вутшъяс. Öти та-тшөм вутш дорысь чеччыштіс еджыд көч да заводитіс пышйыны ты вомөн. Кузь пель сэтшөма повзис челяддысь, веськыда төвзис йёрданлань.

«Вöян, бергөдчы, йöюк!»— шапканас шенасис Олег. Но гөгөрвоас өмөй көчильөй мортлысь кывъяссö?

И друг лои виччысьтөмтор: повзьөм көч казяліс восьсаинсö, но эз вермы сувтны да шливкнитіс веськыда йёрданö.

Вокъяс котралісны берег пөлөн, көсйисны отсавны көчлы.

Дыр пессьөм бöрын көч век жö кыпөдчө йи вылө. Көчильөй важөн нин саяліс пуяс сайö, а детинкаяс пыр на сьулалісны öти местаын.

**Задание.** Лосьодой план. Изложеннесо гижой ас нимсяньныд.

### П л а н.

1. Кык вок лунтыр ветлөдлісны вöрын.
2. Гортлань мөдөдчисны Съод ты дорти.
3. Вутш дорысь чеччыштіс кöч.
4. Друг лон виччысьтөмтор.

Кы в т я с: *йöрдан, вутш, пач чышкыны ныв лыс.*

## ЛЕНИНГРАД ДОРЙИГÖН.

1944 воын Ленинград зэвтис став вынъяссö да бырöдіс фашистскöй блокада. Воинъяс и Ленинградса став олысьыс тышкасисны геройскöя, олөмнысö жалиттөг. На пиысь öтиөн вöлі Советскöй Союза Герой Фёдор Дьяченко.

Чужліс сійö 1917 воын. Военнöй званиеыс салдат, должностьыс — стрелок. Ачыс Украинаысь. А война дырйи вöлөма снайперөн, виöма нельсё кызь вит фашистöс. Со мый висьталö ачыс сійö кад йывсьыс: «Наступление водзвылын вöлі комсомольскöй собрание. Ставөн сёрнитисны сы йылысь, кызди регыдджык пасьвартны врагöс, вөтлыны Ленинград дорысь. Собрание вылын вöлі шуöма, медым комсомолецъяс атакаö мунігөн босьтасны гөрд флажокъяс. Флажокъясөн кутасны пасьявны быд мездөм рубеж.

И вот тшынысь рудөдөм лым вылын кутисны дөлавны комсомольскöй гөрд флажокъяс. Найö петкөдлісны: кутшөм ротаса боецъяс наступайтöны медся водзын».

**Заданиеяс.** I. Индöй собственнöй нима существительнöйяс. Объяенитöй гижанногö.

II. Висьтö разберитöй вопросьяс серти:

1. Дыр-ö вöлі блокадаын Ленинград?
2. Кызди тышкасисны советскöй воинъяс?
3. Коді вöлі Фёдор Дьяченко?

III. Лосьодой план да гижой изложение.

### П л а н.

1. Блокада бырөдөм.
2. Комсомольскöй собрание.
3. Лым вылын флажокъяс.

(И. Коданёв серти.)

Уна вояс чож нин оліс вёрын быдёнён радейтана сизь. Тані сылён горт, семья. Вёрын быд пу и куст сылы тдса.

Асывнас водз садьмё удж радейтысь козяин. Од сылы асывсяньыс колё прёверитны паськыд участок. Прөвёритны, оз-ө пуяссө заводитны тшыкөдны горш гагьяс, пучöйяс.

Мича сзёз луньясö ылөдз кылö вёрса телеграфист-лөн тотшкөдчөмыс: «Тук-тук-тук». Природа радейтысьяс дыр кывзысьöны тайö тдса шыясас. Вөралысь некор оз повзёд сизьöс. Эз вөрзёдлыны и вёрса олысьöс миян батьяс да дедьяс. Та вöсна, гашкө, и сійö сэтшөм матөдз ас дінас сибөдö йöзöс. Вөрö, көні оліс сизь, воывлісны уна сикас йöз. Öтияс волісны татчö пищальён, мөдьяс воывлісны черьясөн да пилаясөн. А коймөдьяс вотлісны вёрысь быдсяма чөскыд вотös да тшак. Волісны найö пестерьясөн да наберушкаясөн. Сизь некодлы некутшөм лёктор эз вөчлы. Воласны и бөр мунасны. Абу жаль вөрыс. Од йöзыс зэв шаньöсь, төлкаöсь. Мед кералöны пес, пөрөдöны вөр, вотöны тшак да вотös. Мед и бура шойчöны, любуйтчöны вёрса мичлуннас, лолалöны вёрса сөстөм сынөднас.

Тадзи эськө и колляліс асьыс нэмсö сизь. Уджалис, быдтіс асьыс сизьпиянсö, видзис пуясöс разнöй висьöмысь. Но друг виччысьтөг шковөбтіс лыйөм шы. И сійö жö здукас зіль сизь уси пемыд гуö. Вөлөмкө, абу на став йöзыс шаньöсь. Лыбис кутшөмкө лёк мортлөн кийс лыйны тайö вёрса докторсö.

Заданиеяс. I. Лөсьөдöй план.

### П л а н.

1. Сизь.
2. Унаөн воывлісны вөрö.
3. Виччысьтөм лыйөм шы.

II. Гижöй сочинение «Лэбачьяс — миян другьяс» тема вылö.

III. Висьталöй, мыйла сизьсö шуöма вёрса докторөн, удж радейтысь козяинөн.

IV. Мичлуннас, лёктор, сизьпиян сущестительнöйясөн лөсьөдöй предложениеяс.

Тайё вөлі 1943-өд вося сентябрын. Фашистъяс отступайтисны. Миян войскаысь пышйысь вражескөй колонна воис Барановка сиктө. Гитлеровецъяс пискөдчисны Каменскөй хуторө, медым өтлаасыны асланыс частьяскөд. А туйсө эз төдны. Корсисны проводникөс. Но сиктын некод эз вөв. Став олысысь пышйөмаось вөрө, партизанъяс дорө.

Вөр дорө вотөдз найө аддзисны пöрысь нывбабаөс да ар дас куима детинкаөс. Офицер тшөктис нывбабалы нуөдны колоннасө Каменскөйөдз. Сэки шыасис детинка да көсйысис нуөдны фашистъясөс тайө сиктөдзыс.

Детинка видзөдліс бабыс вылө, думсысь, тыдалө, прöщайтчис ськөд, сэсся веськөдчис вөрлань. Сы бөрся мөдөдчисны фашистъяс. Колонна бөрся кыссис пулеметьяса, орудиеяса да грабитөм көлуя обоз.

Детинка бура төдіс хуторө туйсө, но фашистъясөс нуөдіс дзык мөд туйөд, вөр пыр.

Вөрө пырөм бөрын детинка көсйис пышйыны, но кыз нө пышъян? Мунісны час, мөдөс, но сикт эз тыдав. Гитлеровецъяс кутісны скöравны, видны детинкаөс. Но зонка эз шөйөвош, эскөдіс, мый регыд петасны бур туй вылө, а сәні и сикт.

Асьядорыс нин зонка вайөдіс фашистъясөс зыбуч нюрө. Водзын мунысь фургонъяс вöйисны зыбучө. А сэсся зыбуч нюр кутіс нылавны пыр унджык и унджык фашистөс. Найө дзыкөдз шөйөвошисны. Сэк кості детинка, вутшкысь вутшкө пелька чеччалігтыр, саяліс кустьяс пиө, чеччыштис фашистъясөн эновтөм вөв вылө да скачитис Барановка сиктө. Тані вөліны нин миян салдатъяс. Детинка висьталіс командирлы лоөмтор йылысь. Командир пыр жө сетіс приказ бырөдны вражескөй группировка.

**Задание.** Лөсьөдөй план да гижөй изложение.

П л а н.

1. Барановка сиктын враг.
2. Детинка вöйысьө проводник пыдди.
3. Фашистъяс зыбуч нюрын.
4. Проводниклы удайтчө пышйыны.
5. Врагысь группировка бырөдөма.

(В. Баталов серти.)

Миша нельёд во нин велёдчө школаын. Школаёдзыс найё сиктсынь кык километр. Медым не сёрмыны урокъяс вылө, төвнас Миша ветлө лямпаөн. Лямпанад өдийдзык позьё мунны, да и кокъясыд оз вöйласыны лымъяс.

Тöрыт шондöдлис, рытнас весиг буситис-зэрыштит. Лымйыс лои сөнiк кодь. А войнас бөр кодздöдiс. Лым веттыысис стеклө кодь вöсныдык йиөн.

Асывнас лямпаяс исковтiсны бура. Позяс веськыда мунны школаө, не кытшовтны гöгрöс рас боктi. Лымйыс лыбöдас. Со и рас. Тшак вотигөн тани частö повзёдчöны таръяс. Тöдлытöг шпоркнитасны-кыпöдчасны боксыд. Гожöмнас дугдывтöг дзользёны лэбачьяс. А öни, төвнад, быттьö ставыс кулöма. Öти лэбач оз мыччысылы ни оз шыась. Сöмын со кутшöмкö гöпторъяс артмöмаöсь пуяс костас. Быттьö войнас кодкö сьöкыд изъяс шыблалöма. Мыйла эськö артмöмаöсь тайö гөпьясыс?

Детинка матыстчис öти гөп дорö, жугöдiс вöсныдык йи коркасö, гудйыштит бедьнас чорзём лымсö. И сэтысь, бордьяснас гораа шпорöдчигтыр, кыпöдчис ыджыд сьöd лэбач. Тайö вöли сьöd тар. Найö, тыдалö, вой кежлас пырöмаöсь татчö шонтысьны, дзёбсьöмаöсь лёк зверьясысь. А войнас гөптыс кынмöма. Чарöмыс дорöма налысь керканысö. И найö йөрмöмаöсь. Колö мездыны. И Миша заводитис ветлөдлыны öти гөп дорсянь мөд гөп дорö, лэдзавны пöткаясöс.

Тарьяскöд ноксигөн Миша вунöдлис школа йылысь. А кор петис раскысь, гөгөрвоис, мый сёрмис медводдза урок вылас. Заводитис тэрмасыны, но сьölөм вылас вöли долыд: öд сийö мездiс тарьясöс кулöмысь.

**Заданиеяс.** I. Гижöй ь, ь разделительной знакъяса кывъяс, объяснитöй гижанногöс.

II. Висьталöй, мыйла тарьяс дзёбсьöмаöсь лым пиö. Правильнö-ö вöчис Миша?

III. Лöсьöдöй план.

П л а н.

1. Лямпа вылын школаө.
2. Войнас кодздöдiс.
3. Веськыда рас пыр.
4. Миша мездалö тарьясöс.

## ПЕРВОЙ СТАНЦИЯСА НАЧАЛЬНИК.

(«Комсомольская правда» газетсы.)

Неыджыд тушаа морт петö лöz керка-вагончикысь. Киас сылön гартыштöм виж флажок. Тайö Анатолий Тарасевич, БАМ көрт туй вылын первой станцияса начальник. Сы ки пыр муно став грузыс, кодi локтö татчö мяян странаса быд пельöссиян: рельсыяс, шпальяс, машинаяс, тракторьяс, бульдозерьяс, ломтас, сёян-юан да мукод колана груз, кодос колö примитны да мөдöдны көрт туй стрöитысьяслы.

Анатолий Тарасевич абу на пöрысь, но дзор нин. И абу дивö, öд сылön олöмыс вöли зэв сьöкыд. Дас кык арöссиян колис батытöг-мамтöг, найос виисны фашистьяс. Детинка муно вөрö партизаньяс дорö да повтöг тышкасьö врагкөд: то танкьяслысь лыд тöдмалö, то посьяс взрываетö. Весиг ранитчöм бöрын сылы удайтчö пышйыны враг тылысь да локны колана сведениеясөн партизаньяс дорö. Дас кык арöса детинкаос наградитöны «За отвагу», «За боевые заслуги» медальясөн, а бöрынджык и орденьясөн. Война помланьыс сылön вöли нин öкмыс боевöй награда.

Война бöрын Тарасевич стрöитис уна карьяс да посёлкьяс. Сийö некор эз повлы сьöкыдлунысь и öни уджалö медся кывкутана удж вылас, стрöитö Байкало-Амурскöй магистраль.

**Заданиеяс.** I. Гижöй висьтысь сложнöй существительнöйяс, объяснитöй налысь артманногсö да гижанногсö.

II. Лöсьöдöй план да гижöй изложение.

### П л а н.

1. Виж флажока морт.
2. Колана грузьяс.
3. Тарасевичлön олан туй.

## ЯРОВ ГЕЛИЙ.

(Ю. Васютов серти.)

Яров Гелий армияысь воём бöрын кольччис рöднöй сиктö. Сылы тшöктисны котыртны картофель быдтöм кузя механизированнöй звено. Окота лои пыр жö кутчысьны уджö.

Уджавсис кокниа, кыпыда. Картопель коръясыс, кодъяс костод муніс трактор, быттьо чуксалісны мунны водзö и водзö. Со нин шонді гöгыльтчис вөр сайö, а Геля эз и казавлы. Лунын кодъ югыд.

— Со öд кутшöм мян войвылыд! Вой шöр, а югыд. Көн ещö татшöм мичлуныс? Кöні ещö татшöм гажа да шуда муыс?— думайтис Геля.

И сöмын кор аддзис му помысь сулалысь нывбабаöс, Гелий сувтöдіс тракторсö да котöртис сы дорö.

— Мамö, эз-ö мыйкö ло?

— Вой шöр öд, пиукöй. А тэ сөйтöм и узьтöм.

— Мунам мамö, мыйкö ме и збыль тшыгъялі.

**Заданиеяс.** I. Индöй вопросительнöй да восклицательнöй предложенияс. Правильнöй лыддöй найöс.

II. Объяснитöй гижанногсö кывбöра существительнöйяслысь.

III. Лöсьöдöй план да гижöй неыджыд висьт «Картопель идра-лигөн» тема вылö.

## КОМСОМОЛЕЦ МАТРОСОВЛÖН ПОДВИГ.

Войбыд батальон муніс вөр пышти. Колö вöлі пöртны олöмö боевöй приказ — босьтны Чернушка сикт. Автоматчикъяс водзын мунö Саша Матросов. Чернушка сиктöдз зэв нин матын, колö сöмын вуджыштны неыджыд кушин. Но кутісны лыйсыны враглөн пулемётъяс. Выліас, керöс йылас, немецъяслөн дзот. Кушинö петны оз позь. Немецъяс лыйлісны дугдывтöг.

Миян автоматчикъяс заводитлісны писькөдчыны веськыдвысянь. Но мыйөн петісны кушинö, бара мөдіс стрöчитны враглөн пулемёт. Öти боец пöгибнитис, кыкөн ранитчисны. Мукөдъяс заводитлісны кыссыны шуйгавывсянь. Но сідз жö öти бöрся мөд усины вражескöй пуля помысь.

И вот сэки автоматчикъяс аддзисны, кыдзи Саша Матросов сувтис, котөрөн уськөдчис дзотлань да тупкис амбразурасö аслас морöсөн. Пуляяс розьöдлісны геройлысь морöссö.

Автоматчикъяс сувтисны да уськөдчисны водзö. Неприятельлысь дзот вöлі босьтöма приступөн. А сы бöрын босьтисны и Чернушка сикт.

Тадзи пöгибнитис Рöдина вöсна тышкасигөн комсомолец Александр Матросов. Пöгибнитöм бöрас нин сылы

присвоитісны Сѳветскѳй Союзса Геройлысь ним. Миян народ некор оз вунѳд сылысь подвигсѳ. Сійѳ ассыс том олѳмсѳ сетіс миян шуд вѳсна.

**Задание.** Текст серти лѳсьѳдѳй план.

### П л а н.

1. Кутшѳм боевѳй задание пѳлучитісны автоматчикъяс?
2. Мый вѳсна автоматчикъяс эз вермыны матыстчыны сикт дорѳ?
3. Кутшѳм геройскѳй поступок вѳчнс Саша Матросов?
4. Кызди страна донъяліс Матросовлысь подвигсѳ?

К ы в ѳ я с: *дзот, амбразура, босѳтѳма приступѳн, Чернушка сикт.*

### ТѳДМАСЬѳМ.

(Я. Рочев серти.)

Ёртъясыс серти Геня Дуркин сёрмыштіс школаѳ пырны. Первой висис скарлатинаѳн, а сэсса дойдіс коксѳ да квайт вежон эз чеччыв вольпасысь. Прѳста воши кык во. Мукѳдъяс лѳсьѳдчисны нин вуджны коймѳд классѳ, а сійѳ мѳвпаліс велѳдчыны заводитѳм йылысь. Лун и вой юрас бергалісны школа йылысь думъяс. Вот и талун садъмѳмкѳд тшѳтш шоньд шебрас улын мѳвпаліс та йылысь жѳ.

«Вот и ар воис. Регьд муна школаѳ. Мам вурас выль дѳрѳм. Сетасны выль книгаяс, тетрадьяс».

Эз на удит Геня мѳвпъяссѳ помавны, дзуркнитіс керка ѳдзѳс, пѳдѳнчаѳн пырис идрасян паськѳма мамыс да тшѳктіс Генялы колльѳдны Серукѳс йирсыны.

Геня чеччис. Таз вылын тэрмасьѳмѳн мыськис чужѳмсѳ, гѳрд вѳньѳн вѳнялыштіс дѳмасѳсь визя ситеч дѳрѳмсѳ, кудрна еджьд юрси вылас пунктіс батыслысь вѳралан шапкасѳ да муніс Серукѳс колльѳдны.

Кузь му дорын Серук ѳтувтчис мукѳд мѳсьяскѳд да мѳдѳдчис потшѳсьяс пѳлѳн видз вылѳ. Геня бергѳдчис гортлань.

Син улѳ уси шорын келалысь виж тѳбѳка детинка. Геня сувтіс. Гыррдза помнас пыксис пос перилѳѳ да мѳдіс видзѳдны, кызди ляпкыдик гудыр шор пѳлѳн котралѳ тѳдтѳм детинка да вѳсни кузь беддѳн повзьѳдлѳ ваын уялысь ёсьясѳс.

Дыр видзодіс Геня. Сэсся пос помод лэччис шор гурано да матыстчис детинка дорө.

«Мый тэ вочан?»— нем виччысьтөг юалис Геня. Төдтөм детинка дрөгнитіс, лэптис юрсө да мөдіс видзөдны Геня вылө.

Детинкаяс, кыв ни джын шутөг, дыр видзөдісны өтамөд вылас. Төдтөм детинка висьтасис Васяөн. Сійө локтома тундраысь Макла сиктө велөдчыны.

Геня да Вася төдмасисны и, кызди бур төдсаяс, сёрнигтырйи кутісны вольславны кыр йывті.

**Заданиеяс.** I. Висьталөй, кызди ті гөгөрвоанныд дзуркнитіс кывлысь да юрас бергалісны думьяс предложеннелысь вежөртасьяссө.

II. Вопросьяс вылө гижөй өответьяс:

1. Мыйла Геня сёрн пырис велөдчыны?

2. Кытчө ытис Геняөс мамыс?

3. Кодөс аддзис детинка шор дорысь?

4. Кызди төдмасисны Геня да Вася?

III. Коми литература учебникысь (5-өд класс) Я. Рочевлөн «Геня да Вася» отрывок серти гижөй дженьыдик изложение.

Кывъяс: *пөдөнча, ёсъяс, Макла сикт, төбөка детинка.*

## СМЕЛ ЗОН.

(И. Коданёв серти.)

Рытнас сёрн посёлокын друг кыліс горзөм шы. Анна котөртис өшинь дорас. Көнкө неылын, посёлок шөрас, кайис би сюръя. Туй кузя дугдывтөг котралісны йөз. Анна тэрыба пасьтасис, кватитіс ведраяс, уськөдчис йөз бөрся.

Билөн кузь кывъясыс азыма нюлісны съөд сынөдсө, би киньяс бобувьяс моз лэбалісны керкаяс весьтті. Ылісянь на кылісны кусөдчысьяслөн горзөмьяс.

«Ой! Старикөй сотчө. Мездөй, бур войтыр!»— лёкгоршөн горзіс лёзь юрсиа нывбаба.

Ким нима томиник зон сеталіс индөдьяс, медым видзисны сотчөмысь орчча керкаяссө. Сэсся ас вылас кисьтіс ведра ва, уськөдчис тшын пытшкө.

Кузьбөсь кажитчисны минутьясыс. «Коді бара татшөм смелыс, коді?»— некымынысь ассьыс юалис Анна да синьяссө эз вештыв өдзөс вылысь, кытысь дугдывтөг пуркйис съөд тшын.

И со Ким мыччысис. Чужо́мыс сылөн съодасьома, паськөмсьыс пуркйö ру. Моздорас петкөдіс старикöс. Öти здукөн кытшалісны зонмöс. Лёзь юрсиа нывбаба кутчысис юрас, көсйис горөдны, но эбöсыс эз тырмы, уси муö.

Грыпкысис-пöри пач труба. Пöжарнöй машина көть уна ва кояліс, но би некыз эз көсйи сетчыны. Бур, мый мукөд керкаяссö видзисны öзйöмысь. Вой шөр гөгөр нин разөдчисны йöзыс.

Дыр на эз вермы унмовсьыны Анна. Сылөн син водзас сулаліс ыджыд тушаа зон, коді повтөг шыбитчис би пытшкö.

**Заданиеяс. I. Лöсьөдöй план.**

**П л а н.**

1. Сиктын пöжар.
2. Томиник зон уськөдчис тшын пытшкö.
3. Кузьöсь кажитчисны минутьяс.
4. Ким петкөдіс старикöс.
5. Пöжар лои кусөдöма.

II. Вöчöй вывод, кызди ті донъяланнуд Кимлысь поступоксö.

## **БУР ОБЫЧАЙЯС.**

(В. Балибасов серти.)

Войвывса олысьяс важысянь торъялісны асланыс бур съөлөмөн. Найö век тöждысьлісны йöз вöсна. Вöліны да-сьöсь сетны съökыд кадö отсөг. Босьтам көть нин вöра-лысьясöс. Некор найö оз игнавлыны вöралан керканысö. Вөр керкаö локтысь морт аддзас кос пес, истөг, сёянтор. Ветлысь-мунысь тані вермас шойччыны, нуръясьыштны, юны пöсь чай, а лёк поводдя дырйи виччысьны поводдя-лысь вежсьөмсö.

Вөр керкаысь мунігөн ставсö бөр пукталасны аслас местаö. Керкасö пелькөдасны. Быттьö некод эз и волы. Татшөм бур обычайясыс войвывса йöзлөн артмылісны уна вояс чöжөн.

Сыня ю дорын сулалö зэв лöсьыдіник вөр керка. Сы-көд орччөн стрөйтöма пывсян. Татчöс вөр-ваыс вывті озыр. Ывла вылыс зэв мича.

Керкаас абу иган ни томан. Көсьян кө, пыр шойччы. Джаджйын куйлöны сөстөм доздук, пöрт, ведраяс. Пö-төлök бердас, медым эз пакөститчыны шыръяс, öшөдöма сёян тыра ыджыд куд. Пач дорын заптöма кос пес, сю-

мод. Эм чай и сакар. Пöльзуйтчы. Но мунігад эн вунöd кoльыштны мыйсюрö аслад запассыд. Пызан вылын куйлысь тетрадысь аддзан сöмын аттьöалана кывъяс керкасö да пывсянсö стрöитысьяслы.

Заданиеяс. I. Лöсьödöй план.

### П л а н.

1. Вөр керкаын.
2. Сыня ю дорын.
3. Йöз аттьöалöны керка стрöитысьясöс.

II. Гижöй дженъидик висът Сыня юдорса вөр керка йылысь.

III. Висьталöй, ветлывланнуд-ö экскурсияөн вөрö. Объяснитöй артманносö лöсьыдiник, дженъидик, векнъидик, косiник прилага- тельнöйяслысь да лöсьödöй наөн предложениеяс.

Кы в ъ я с: *обычайяс, доздук, пакöститчыны, Сыня ю, мыйсюрö.*

### ОГ КÖСИЫ ПОВНЫ.

(И. Кожедуб серти.)

Челядь дырйи меным зэв окота вöли лоны смелөн. Ме вöли зэв полысь. Но тайö полöмсö унаысь эз удайтчыв венны.

Вöли мян люкасысь мöс. Торйөн нин сійö эз радейт- лы посни челядьöс. Кор вöли аддзас менö, öшöдас юрсö, чургöдас ёсь сюръяссö да веськыда кынöмö метитö. Ме сыысь век вöли пышъя ылöджык, кая забор вылö. Та бö- рын сійö сулалыштас неуна, повзьödöм ради пыркöдыш- тас юрнас, а сэсся дышöдас да надзöникөн бөр мунас.

Отчыд ме эг казав, кыдзи сійö матыстчöма ме дiнö. Кыпöдi юрöс, а сійö сулалö мясянь дзик матын. Ме горö- дi. Кöсийи забор вылö кайны, но эг вермы. Вот-вот топö- дас менö забор бердö. Видзöдлi гөгөр да аддзи забор до- рысь бедьяс. Кватитi öти бедь да мый вынысь кучки мöслы бокас. Мöс чеччыштiс бокö да мунiс.

Сійö кадсянныс ме дугдi повны мöскысь.

Вöли ещё и татшöмтор.

Кор меным вöли ар квайт, решитi велöдчыны варччы- ны. Ыджыдджык детинкаяс вöли зэв бура кужöны варч- чыны, ме думыштi тшöтш велöдчыны. Пыри öтчыд тыö, но эг на удит дасысь воськовтны, юр вывтi тюпкыси ку-

тшөмкө гурано. Садьо вои берегын нин. Спаситис мено орча керкаысь детинка. Гортын мено таысь ена видисны. Но тайо жо гожомнас велали и варччыны.

**Заданиеяс. I.** Лосьодой план да гижой изложение коймод морт нимсянь.

### П л а н.

1. Окота лоны смелон.
2. Люкасысь мос.
3. Став полмыс быри.
4. Варччыны велодчом.

II. Гижой неыджыд висеть, кыззи ти велодчинныд варччыны.

### ВӨР.

(А. Поганова.)

Вөр. Мыйыс сәни сөмын абу. Мыйсө сөмын миянлы оз сет. Сийо вердо и юктало, комодо и пасьтодо. Быд ловья лолыслы сето медся коланасо — кислород. Вөрын олоны быдсяма лэбачыс, зверь-пөткаыс.

Со сук понольяс сайысь петис мича сюръяса йөра. Видзодлис отаро-модаро да руныгис водзо. Отилаысь чепосийис көч. Модлаысь мыччысылис визяорда. Пашкыр божсө чургөдомон звиркнитис кыз пожом сайо ур.

Төв шорнад вөрыд мойдын кодь мича. Шондиа луно пожомъяс дзирдалоны асланыс зарни кырсыяснас. Есь йыла веськыд козьяс төв и гожом веж шушунаось. Гашкө, та вөсна и радейтоны йозыс медся ена тайо пусо, и быд выль волы паныд вайоны гортас томиник козьяссө.

Но овло на сидз, кор ковтөг керыштасны некымын коз да шыбитасны. Черто лэптытодз колө эськө думыштылыны, колө-ө керыштны тайо пусо.

Вөр — миян озырлун. Колө сийос видзны-дөзьөритны быд мортлы.

**Заданиеяс. I.** Лосьодой план.

### П л а н.

1. Мыйсө сөмын оз сет миянлы вөр.
2. Медся мича пу.
3. Вөр — миян озырлун.

II. Гижой сочинение «Төвся вөр» либо «Зверь-пөткалон төвийом» темаяс выло.

(В. Ширяев серти.)

Миша Вале́й — сьӧд сэтӧр синъяса ичӧтик детинка. Сійӧ олӧ бать-мамыскӧд ёсь йыла чумын, кодӧс сӧмын вежон кежлӧ сувтӧдлӧны ӧти местаӧ, а сӧсса разьӧны, сӧвтӧны джуджыд подъяса кузь дадыяс вылӧ да нуӧны выльлаӧ. Кодарӧ вешйӧ кӧр стада, сыланьӧ вешйӧ и чум.

Уна местаясӧ волӧны кӧр видзсыяс, унатор аддзылӧны. Гырысыяс велалӧмаӧсь нин ветлыны, та вӧсна быдтор налы кажитчӧ веськодӧн. А Мишалы ставсӧ на колӧ тӧдмавны. Сійӧ оз тӧд, мыйла тундраын оз быдмыны пуяс, кытчӧ воштысьлӧны тӧв кежлӧ дзодзӧгъяс да уткаяс. Но Миша ӧтмоза радейтӧ тӧвсӧ и гожӧмсӧ. Тӧвнас сійӧ лыжиӧн ислалӧ, небыд лым пытшкын туплясьӧ да ворсӧ. Немтор, кӧть и кӧдзыд: маличаасяс, пимиасяс, да медся лэчyd тӧлыс оз мӧрччы.

А гожӧмнас Миша пӧшти оз пыравлы чумӧ. Тыясын уялысь юсыяс вылӧ видзӧдӧ, еджыд луньяслысь позъяс корсьӧ, руд гӧна кыньясӧс кыйӧдӧ.

Гырысьджык челядь гожӧм кежлӧ каникул вылӧ локтӧны тундраӧ. Миша виччысьӧ Вася вокыслысь воӧмсӧ. И сэки сійӧ петкӧдлас Васялы кӧч кодъ еджыд кӧрпиӧс, кодӧ чужис тулыснас. Вася вокыслы дас арӧс. Сійӧ кык во нин велӧдчӧ школаын.

Мишалы зӧв жӧ окота велӧдчыны. Детинка быд лун юасьӧ батыслысь да мамыслысь, кор воас Вася да нуӧдас сійӧс аскӧдыс школаӧ.

**Заданиеяс.** I. Висьтысь индӧй прилагательнӧйяс да думыштӧй паныд вежӧртаса прилагательнӧйяс (сьӧд, кузь, ичӧтик, лӧсьыд, ёсь, лэчyd).

II. Лӧсьӧдӧй план.

#### П л а н.

1. Миша Вале́й — сьӧд сэтӧр кодъ синъяса детинка.
2. Уна местаӧ волӧны кӧр видзсыяс.
3. Миша ӧтмоза радейтӧ тӧвсӧ и гожӧмсӧ.
4. Миша виччысьӧ вокыслысь воӧмсӧ.

Кы в ъ я с: *чум, малича, пими, лунь, кынь.*

(Г. Юшков серти.)

Кыз пу вылын чөв пукалісны кык сквореч. Найо корсьоны поз. Олег сулалө кильчө дорас да жалитөмпырысь видзөдө на вылө. Төрыт эськө заводитліс вөчны позсө, но нинөм эз артмы: то пөлөсөн пөвйыс пилитяс, то потө кыткө тувъялігас. Эновтчыны лои. Забеднө, но мый вөчан кужтөгыд.

Сиктын уна пу вылын позйид эм. Но и скворечьясыс эз этшаон воны. Тайо кыкыс со позтөмөсь кольөмаөсь. Пукалөны кыз пу вылын да шогсьоны. Олег эськө ставсьөлөмсяныыс отсалас скворечьяслы да оз сяммы. Шапкасө од оз катөд кыддзас. Сэтчө скворечьясыд оз позъявны: зэр инмө дай ракаяс вермасны пиянсө гусявны.

Пукалісны мыйкө дыра скворечьяс дай лэбисны карта сайлань. Друг Олеглы төд вылас уси важ туис. Пыдөсыс туисыслөн ичөтика письтіс, и мамыс дугдіс сійөн вөдитчыны. Сысы бурджыктор поз вылад өдвакө сюрас!

Олег корсис туиссө, босьтіс пурт, пуксис да топөдіс пидзөсьяс костас. Сэсся ньөжйөникөн, мед сямөдыс оз пот, писькөдіс розь. Пыранін артмис. Ещө вөчис ичөтик розь, ёсьтіс весьт джын кузя тас да сюис сэтчө. Сквореч поз лои дась! Олег кавшасис кыддзө да медвылыс вожас көрталіс туиссө сутугаон.

Рөмдытөдзыс виччысис скворечьясөс, но найо эз петкөдчыны. «Весьшөрө өмөй нө вөчи?»

Но асывнас унзільпырыс на Олег кыліс төдса шыяс. Туис вевт вылын пукаліс сквореч да сыліс. А поз розьянь гонькъяліс мөд сквореч.

Заданиеяс. I. Лөсьөдөй план.

П л а н.

1. Кыз пу вылын чөла пукалісны кык сквореч.
2. Олеглы төд вылас уси важ туис.
3. Артмис зөв лөсьыд поз.
4. Скворечьяс овмөдчисны.

II. Текстесь гижөй кывбөра существительнойяс, объяснитөй налыс гижанногсө.

III. Висьталөй, кызди ті төждысянныд лэбачьяс вөсна.

(Г. Фёдоров серти.)

Тайо вöлі 1930-öд воясö, колхозъяс котыртчан пер-  
войя кадö.

Пионеръяс волісны колхоз правлениеö да корисны  
председательлысь, медым найöс лэдзис колхозлысь нянь  
дöзьöритны. Бөръя кадö кодъяскö заводитісны колхоз-  
нöй муяс вылысь гусявлыны нянь. Эмöсь эськö колхознöй  
стөрöжъяс, да öд муясыд паськыдöсь, а арся войясыд пе-  
мыдöсь. Председатель ошкис челядьлысь водзмöстчöмсö.

Рытнас Игорь, Сеня да Саня петісны дозорö. Сеня ас-  
кöдыс тшöтш босьтіс и нель кока другö, Вьюнöс.

Паськыдöсь колхознöй муяс. Öшйöма на вылö войся  
лөнныс. Тöдчыштöны визьөн-визьөн сулалысь чумалияс.  
Войся ыркыдыс ю вывсянь кайö берегö да гөгөрбок пась-  
калö, пуксьö кыз лысваён.

Куим пионер да Вьюн разöдчыласны, кытшовтасны да  
бара öтлаасьöны. Со пуксьылісны чумалияс дорö, сёрни-  
тыштісны да бара чеччисны. Сеня Вьюнкöд муніс Катша  
мыльклань, а Игорь да Саня мөдöдчисны ва дор пöлөн.

Шарöдчö кок улын кöдзыд лысва, йиджтысьö Сенялы  
көм пырыс. Друг Вьюн сувтіс. Тадзсö сійö сувтлö, кор ка-  
зялас кутшöмкö зверöс либö мыйкö лёктор. Вьюнлөн бö-  
жыс дугдіс легны, пельясыс торгöдчисны. Сеня кийн көв-  
йыс элаліс. Вьюн лöсьöдчис чепöсйыны. Сеня корсис  
синъяснас, мый чуймөдіс понйöс. Понлөн пельыс оз ылöд,  
синмыс оз пөръяв. Мыйкö эм, но пемыдсьыс нинöм оз ты-  
дав Сенялы. Катша мыльк ылын на. Сеня тöдö: тані ма-  
тын эм сён. А сён саяс кук йөръяс, сэсся сикт.

Сеня кокныдика вөрзьöдіс көвсö. Вьюн зумыда сув-  
тіс да, кокъяссö вылö лэпталöмөн, смела мөдöдчис водзö.  
Зэлалом көв серти, понлөн кыйöдчöмөн мунöмыс серти  
Сеня гөгөрвоис, мый Вьюн абу ылалöма. Кодöскö сійö  
збыль кылö, но кодöс?

И друг тыдовтчисны кык морт вуджөр. Кыкнанныс-  
лөн мышканыс гөрб не гөрб, а мыйкö эм. Мыйөн найö  
казялісны понйöс, заводитісны пышйыны. Сеня лэдзис  
көвсö, и пон уськөдчис гусясьысьяс вылö.

Заданиеяс. I. Висьталöй, кутшöм кад йылысь петкөдлысьсö  
висьтас.

II. Лöсьöдöй план.

1. Председатель ошкө челядыльсь водзмөстчөмсө.
2. Пионеръяс петöны дозорö.
3. Паськыдöсь колхозной муяс.
4. Вьюн кодöскö аддзис.
5. Гусясысыясöс кутисны.

## СМЕЛ РАЗВЕДЧИКЪЯС.

(С. Попов серти.)

Командованиелөн приказ серти разведчикъяслы колö вöли пемыд арся войö вуджны Днепр юшöрса не-  
ыджыд дi вылö да тöдмавны вражеской вынъяс. Тайö  
могсö олöмö пöртны вöли индöма сержант Семён Серди-  
товлы.

Кöдзыд арся ва сялькöдчис пыж дорышö. Некемын  
пелыс öти кадö вöйлисны ва пытшкö да бöр кыптылисны.  
Эз кыв некутшöм сёрни. Муыс и ваыс, кажитчö, узис сьö-  
кыд унмөн. Но эз бура асьсö чувствуйт враг. Сылөн до-  
зорнойяс тшöкыда лэдзалисны ракетаяс. Разведчикъясöс  
казялисны сэк, кор пыж сутшис лыаö. Трассируйтысь  
пуляяслөн шер кучкис берег пöлөн. Шыасис пулемёт. Се-  
мён медводз чеччыштіс ваö. Сы бöрся чеччалисны развед-  
чикъяс. Лыйлём серти Сердитов гөгөрвоис, мый враг на-  
сянь неылын, шуйгавылын. Колö кодйысьны муö.

Немецъяс первойсö эз гөгөрвоны, кутшöм вынъяс вер-  
мисны вуджны Днепр. Югдытöдз нуöдисны чорыд би,  
а асывнас уськöдчисны атакаö. Но муртса кыпöдчисны  
окопъясысь, первойя радъяссö ытшыштісны развед-  
чикъяслөн автоматной очередьяс. Фашистьяс мöдысь кы-  
пöдчисны атакаö, но разведчикъяслөн дружной би лич-  
кис найöс му бердö.

Мöдар берегсянь локтіс нин разведчикъяслы отсөг.  
Сэк жö враг квайтöдысь кыпöдчис атакаö, кöсийс бырöд-  
ны первой разведчикъясöс, а сэсся кучкыны локтысьяс  
кузя. Немецъяс котöртисны нин, лыйлисны, горзисны. Со  
тыдалöны нин фашистьяслөн чужöмъясыс. И сэки враг-  
лы паныд кыпöдчис Семён Сердитов, дугдывтөг лыйліс  
автоматсыс. Тövзисны разведчикъяслөн гранатаяс.

Враг эз виччысь татшöм смеллунсö, заводитіс пыш-  
йыны. Окопъяс дорö вотöдз на разведчикъяс суöдисны  
найöс. Семён чеччыштіс вражеской траншеяö да виис  
дас кык фашистöс. Тадзи жö пелька лыйсисны мукöдыс.

Друг кӧнкӧ сярӧбтис крупнокалиберной пулемёт. Семён казяліс сійӧс, шыбитис граната.

Кор ді вылӧ воис отсӧг, діыс вӧлі разведчикъяс кыиннин.

Заданиеяс. I. Висьтысь индӧй переносной значеннеа кывъяс (шыясис пулемёт, шер кучкис, ытшкыштисны, тӧвзисны).

II. Лӧсьӧдӧй план.

#### П л а н.

1. Командованиелӧн приказ.
2. Враг казялӧ разведчикъясӧс.
3. Враглӧн квайтӧд атака.
4. Діыс разведчикъяс кыин.

Кы в ъ я с: *дозорнойяс, трасируйтись пуля.*

### ОЛЕКО ДУНДИЧ.

(В. Богомоллов серти.)

Ӧти хуторын белогвардеецъяс вӧчисны засада. Сэтчӧ веськаліс краснойяслӧн разведка. Та йылысь тӧдмаліс Дундич. Неуджыд отрядӧн сійӧ скачитис ёртъяссӧ мездыны, тышӧн пырис белякъяслӧн кытш пытшкӧ.

Гӧрд френч сертиыс белякъяс сразу тӧдісны Дундичӧс. Найӧ решитисны босьтны пленӧ збой командирӧс. Кымынкӧ верзьӧма заводитис торйӧдны Дундичӧс мукӧд боецъясысь.

Командир гӧгӧрвоис тайӧс да заводитис пыр ылӧджык торйӧдны вражеской всадникъясӧс аслас боецъясысь, медым сетны позянлун петны кытшысь. И со петан туй восьса. Миян боецъяс веськӧдчисны паськыд степлянь.

Тайӧс аддзис Дундич да тӧв ныр моз лэбыштис суӧдны ёртъяссӧ. Мышкын кылісны лыйсьӧмъяс. Олеко нюжӧдчис вӧв мыш вылӧ: аслас тушаӧн кӧсийс тупкыны пуляысь ассыс верной другсӧ. Зэв нин матын вӧлі вӧр діӧдз. Но самӧй вӧр ді дорас вӧлыс усис, Дундич лэбис вӧв юр вомӧн. Сувтис кок йылас — кias чегӧм сабля. Вӧв заводитліс чеччыны, но эз вермы. Пуля инмӧма вӧвлы водз кокас.

Хуторсянь лэбисны белӧйяс, степсянь — краснойяс.

Белоказакъяс пыр матысмисны. Друг кылісны лыйсьӧмъяс. Тайӧ тэрмасисны командирлы отсӧг вылӧ миян боецъяс.

Казакъяс повзисны да бӧрыньтчисны.

Заданиея. I. Висьтсö разберитöй вoпрoсъяс серти.

II. Лöсьöдöй план да гижöй изложение.

### П л а н.

1. Разведчикъяс белöйяс кытшын.
2. Командирлөн находчивость.
3. Отсöг вoнс ас кадö.

Кы в ъ я с: *белоказакъяс, хутор, всадникъяс, позялун.*

## ЛЕТЧИК.

(Б. Полевой серти.)

Вöрыс шочмис. Лым вылын тыдалисны төвся туйяс-лөн визьяс. Алексей Мересьев эз нин думайт сы йылысь, удайтчас-ö сылы локны ас йöз динöдз. Но сийö тöдис, мый кутас кыссыны, быгыльтчыны, кытчöдз тушаыс сылөн мöдас вöрны.

Садь бырöмсö сылысь пальöдис бокöвöй шы, застави-тис пуксыны да видзöдлыны гөгөр. Сийö воöма вөр пөрö-данинö. Тайö паськыд эрд вылас пасьталаыс куйлисны пö-рöдöм пуяс, керъяс да пес чипасъяс.

Ратшмунис ув, и Алексейлы кажитчис, мый сук пожö-маиннын кодъяскö шöпкöдчöны. Сийö кватитис питшөгсьыс сёмöм пистолетсö да, вынъяссö зэвтöмөн, кыкнан кинас лэптис куруксö. Қор курук гольснитис, пожöмъяс пöвстын быттьöкö кодкö бöрынтьчыштис. «Мый тайö? Зверь али морт?»— думыштис Алексей.

Кустьяс пöвстысь кылис рочөн сёрнитöм, и сылы лои сэтшöм нимкодь, мый чеччыштис кок йылас, став туша-нас чепöсйис водзлань, гөлöс шылань, но ойöстöмөн сэт-чö жö бөр уси, быттьö кодкö сийöс керыштис. Пистолетыс уси лымйö.

Кустьясянянь кылис челядь гөлöс: «Эй, тэ кодi? Не-меч?» «А тi кодъяс?»— шыасис Алексей да ланьтис. Алексей гөгөрвоис, мый кустьяс сайын асланым, сöвет-скöй йöз. Но найö оз веритны сылы. Алексей висьталис, мый сийö ас морт, роч, лётчик. И тшöктис отсавны.

Кустьяс сайын мöдисны шöпкöдчыны гораджыка. Алексей öни бура кылис. Челядь тшöктисны лётчиклы шы-битны нагансö.

Кустьяс пиысь петисны кык детинка да тшöктисны Мересьевлы петкöдлыны документъяс.

Звездаа командирскöй книжка чуймöдис челядьöс.

П л а н.

1. Алексей Мересьев пискьодчө ас йөз динө.
2. Сук пожоманнын кодъяскө шөпкөдчөны.
3. Мересьев питшөгсьыс перйө пистолет.
4. Кустьяс сайыс петöны кык детинка.

СТЕПА.

(Н. Попов серти.)

Пöрысь дед кыскө даддьөн чой паныд ва тыра пельса. Мир туй кузя мунöны Стёпа да Ваня.

«Стёпа, вай отсыштам дедыслы»,— шуис Ваня. Но Стёпа пыркнитчис. «Чой паныдсө коть катöдны отсыштам»,— эз лэдзчысь Ваня. Ваня котöртис да кутчысис дадь көвйө. Кыкнад öдйө воисны чой йылө, сувтовкерисны. Дед сьөлөмсяныыс аттьöалис Ваняөс, но детинка гортöдзыс отсалис кыскыны ва тыра пельса. Стёпалы быттöэ эз ло лосьыд, но вöтчыны на бöрся эз кут, руньгис-мунис гортас.

А төвнас школаын чукöртисны пионерьяслысь слёт. Сэтчө локтисны тшöтш пöрысь йөз висьтавны асланыс важ да öнйя олөм йылысь. Стёпа, дерт, тшöтш локтис слёт вылө.

Пионервожатöй сетис кыв Григорий Дмитриевич Кочановлы. Пызан дорö локтис пöрысь морт. Морöсас öшалисны орденьяс, синьясыс нюмьялöны. Стёпа пыр и тöдис пöрысь дедöс, кодлы Ваня отсалис кыскыны ва тыра пельса. Детинка яндзимысла эз тöд кытчö воштысьны, йöжгыльтчис, но сылы кажитчис, мый дедрөн синьясыс видзöдöны сöмын сы вылө. Тöдис эз Григорий Дмитриевич Стёпаөс, сьökыд шуны. Пионерьяс лов шы кутöмөн кывзисны вöвлөм майорлысь висьталөмсö сы йылысь, кыдзи воуйтлөма Великой Отечественнойöй война вылын. Стёпа зилис жö кывзыны, но син водзсьыс аддзис, кыдзи пöрысь морт катöдö чой паныд даддьөн ва тыра пельса, кыдзи сылы отсалис Ваня да кыдзи ачыс, Стёпа, шутьялигтырйи руньгис гортас.

Слёт помасьöм бöрын пöрысь воин мунис пионерьяслөн топыд кытшын гажаа варовитигтырйи. Стёпа вöли сэни жö. Сöмын эз лысьт петкөдчыны дед син улө. Сылы öни вöли зэв яндзим коркөясыс.

П л а н.

1. Дед кыскö ва тыра пельса.
2. Ваня отсалö дедлы.
3. Пионерьяслөн слёт.
4. Пöрысь воинлөн висьт.
5. Стёпалы яндзим.

II. Гижой нейджыд висьт, кызди тиян отряд отсасьö пöрысь йöзлы.

ЮННАТЪЯС.

(В. Ширяев серти.)

Серёжа Подоров гижсис юннатскöй кружокö. Тöв-нас найö велöдисны быдмөгьяслысь строениесö, велöдчисны дözьоритны найös, судзöдалисны разной культураяслысь кöйдысьяс. Та могысь вöли ыстöма письмöяс весиг мукöд областьясö.

Посёлочка пионерьяслөн корём эз вош весьшөрö. Ставропольсянь воис ветвистöй шобди. Украинасянь ыстисны кукуруза, Сыктывкарянь мөдöдисны помидор да öгурцы кöйдысьяс.

Ботаника кузя велöдысь Елена Кузьминична нуöдис интересной занятияяс. Урокьяс бöрын детинкаяс да нывкаяс кольччывлисны школаö, сюся кывзисны сылысь висьталöмьяссö.

Школалөн эз вöv весиг ки пыдös пасьта прамöй му. Но челядь думыштисны лэптыны эжа да бура сийös вынсьодны. Налы отсалисны бать-мам да лесопунктса коммунистьяс.

Лым сылём бöрын лесопункт сетис бульдозер. Прөст кадö бать-мам бертисны школабердса эрд вылысь мырьяс. Тракторён гöрисны да агсалисны, ваялисны торфф. Мукöд уджьяссö юннатьяс вöчисны асьныс. Öни челядь асывсянь рытöдз мошкоритчисны школабердса му вылын. Быдөн босьтчис вöдитны сэтшөм культура, кутшөм сылы медся ёна воö сьölөм вылас.

Серёжа Подоров веськөдлис звеноөн и вöли пионерскöй дружинаын председательөн. Талун сийö локтис гортас зэв рад, висьталис мамыслы, мый став пуктасьяс мыччисны дружня.

**Заданиеяс.** I. Лыддöй текстсö, висьталöй, кутшöм уджъяс нуöдсöны тiян школьнöй участок вылын, кутшöм культураяс быд-танныд, кутшöм опытъяс нуöданныд.

II. Тайö висьтсö используйтöмön гижöй сочинение «Миян шко-ладорса участок» тема вылö.

## МИЯН ДРУГЪЯС.

Тувсов каникулъяс дырйи Вова да Толя кыскалісны колхознöй конюшняысь куйöд, чукöртісны пöим. Сюрліс кад и ворсöм да ислалöм вылö. Прöст кадö найö масте-ритісны скворечникъяс.

Кöдзыд тöвлы быть лои бöрынътчыны збоя матыст-чысь тулысысь. Шондi зарни югöръяссö лышкыда койис лым эшкын вылö. Шочиника буситыштiс нин шоньд зэр. Тöвся туйяс вочасөн оръяисны, нййтчисны. Сэсся сяль-гыны кутісны ичöтик шоръяс.

Школьнöй пионерскöй дружина лöсьöдчис нуöдны «Лэбачьяслысь лун». Урокъяс помасьöм бöрын челядь ыджыд стройөн прöйдитісны туй кузя. Ставныслөн киан-ныс вöліны скворечникъяс, кодъясöс вöчöмаöсь пöвйысь, фанераысь, весиг туисысь.

Лунвывса лэбачьясöс виччысисны гöстьясöс моз, дасьтiсны налы квартираяс. «Кымын сквореч кутас сьывны миян сиктын, мыйта ковтöм гагьясöс бырöдасны зiль лэбачьяс!»— радлісны челядь.

Бөрö коли ещö некымын лун. Пөльдiсны льöм пу гаръяс, лöсьöдчисны паськавны.

Вова да Толя быд лун некымынысь видлалісны скво-речникъяссö. Öти асылö Вова видзöдліс öшиньöдыс и льöм пу вывсьыс аддзис сьöд лэбачьясöс.

«Скворечьяс! Скворечьяс!»— Вова лэбыштiс другыс ордö. Сiйö висьталіс Толялы, мый воöмаöсь скворечьяс, пукалöны льöм пу вылын.

Зонкаяс тöвзыштiсны ывла вылö. Льöм пу увъяс вы-лын сярвидзисны сьöд шом кодь лэбачьяс. Кöть скво-речьяс прöйдитісны зэв кузь туй, но мудзöм эз тöдны. Разöдчалісны водзвыв лöсьöдöм позьясö да заводитісны поздысьны.

Любö видзöдны, кыдзи сьöд лэбачьяс жбыръялöны да ваялöны сёян энь лэбачьяслы.

**Заданиеяс.** I. Лöсьöдöй план.

## П л а н.

1. Вова да Толя мастеритісны скворечникъяс.
2. Школаын «Лэбачьяслөн лун».
3. Льом пу вылын скворечьяс.
4. Небыд поэясö овмөдчисны съд лэбачьяс.

II. Гижой сочинение «Миян школаын «Лэбачьяслөн лун» тема вылө.

## ТУЛЫСЛӨН ЛОВ ШЫ.

(И. Коданёв серти.)

Тулыс! Мыйта радлуныс да мичлуныс тайö дженъы-дик кывъяс. Помасис март. Лунъясыс лоины ёна кузьöс нин. Пыдöстөм лöz енэжыс сöстөм, бытьö ваөн мыссьö-ма. Водз садьмө мам кодь мелі шонді. Сявкнитас ассьыс лышкыд югөръяссö вөр-ва пасьта да тэрмасьтөг заводитас шывгыны тöдса туйöд. Быдлаö инмывлö сылөн пöсь кывйыс: то нюлыштас вöсньыдик коркаөн вевттьысьöм лымсö, то небыдика малыштас пуяслысь вожьяссö, сарөгöсь кокьяссö.

Керка вевтяяс вылысь исковтис нин лым. Важөн сьодасисны туйяс. Шоньдджык лунъясö туйяс вывті писькөдчöны шоръяс, визувтöны полігтырйи, оз на вермыны петкөдлыны ассьыныс вынсö.

Сиктса садьясö воисны нин шсныд муысь медводдза гөстьяс — съд ракаяс. Ылөдз кылö налөн горзöмыс. Съд ракаяс пыр жö босьтчöны удж бердö. Дзоньталöны ассьыныс поэяс. Кодлөн оз шогмы важ поэйыс, заводитöны стрöитны выльöс, бурджыкöс. Овлö и сэтшөмтор, мый горшдджык да мудерджык лэбач овмөдчас йöz поэйö. Сэки кыптивлө ыджыд шум да зык.

Радейтöны ракаяс медясö джуджыд кызьяс, топольяс. Мукөд пуас стрöитасны-тэчасны нель-ö-вит поэйöдз. Отясöс вылөджык, мөдьясöс — улөджык. Но быдөн төдöны ассьыныс керка, некор оз сорсыны ни ылавны.

Ывлаын лымъя на, а пышкай пукалö нин аслас поэйын. Сылы öд гожöмын колö быдтысьны кыкысь, куимысь. Шондіа лунъясö долыда ворсөдчö ичотик пыста, сылігтырйи чеччалö пуысь пуö да корсьö сёян. Луннас сійö бырөдö уна сё гаг, мортлы вöчö зэв ыджыд буртор. Шонді сотö пыр ёнджыка. Вочасөн сылө-исковтö лым. Заводитöны уджавны шоръяс. Луннас найö ызгöны-сьылöны вом тырөн, а войяснас вашкөдчöны-мойдöны надзöникөн.

Заданиеяс. I. Коллективнӧй лӧсьӧдӧй план.

П л а н.

1. Помасис март тӧлысь.
2. Медводдза гӧстьяс — съӧд ракаяс.
3. Пышкой аслас позйын.
4. Визув пыста корсьӧ сӧян.
5. Вочасӧн сылӧ-исковтӧ лым.

II. Ас бӧрйӧм серти гижӧй сочинение татшӧм темаяс вылӧ:

1. Миян сиктын тулыс.
2. Совхозын тувсов уджъяс.
3. Тувсовъя гӧстьяс.

III. Текстусь индӧй эпитетъяс, сравненияяс. Аддзӧм сравнение-ясӧн да эпитетъясӧн гижӧй выль предложенияс.

## Квайтӧд класс.

### УЛьяновъяс семьяын.

(В. Сидоров серти.)

Рытнас Ульяновъяс керкаын шума да гажа. Челядь важӧн нин локтисны школаысь, велӧдисны урокъяс. Ӧнӧ позьӧ и шойччыштны, ворсыштны шахматӧн. Ульяновъяс семьяын радейтӧны ворсны шахматӧн. Медъёна радейтӧны Володя, Саша да батысь, Илья Николаевич. Мукӧд дырйи найӧ вӧчлӧны шахматнӧй турнир.

Торъя гажа овлӧ субӧта рытьясӧ. Сэки найӧ лэдзӧны журнал. Главнӧй редакторыс — Саша. Отсасьӧны сылы став чой-вокыс.

Володя велӧдчис первой классын, но сийӧ эз кӧсйы кольчыныгырысьяс, гижаліс висетьяс гимназия йылысь, аслас ёртъяс йылысь.

И вот журнал гӧтов. Ставныс чукӧртчӧны столӧвӧйӧ, лыддьӧны журналсӧ первой лист боксянысь медбӧръяӧдзис. Журнал ветлӧ кысь киӧ. Ставӧн зэв гажаа сералӧны Сашаӧн рисуйтӧм карикатураяс вылӧ.

Рытьяснас Мария Александровна, налӧн мамыс, пуксьӧ рояль сайӧ. Володя радейтліс сывны гажа сыланкывъяс.

Гожӧмнас Ульяновъяс ветлывлісны Кокушкино сиктӧ. Сикт гӧгӧрысгырысь оврагъяс. Оврагъяс пӧлӧн быдмӧны крыжовник, ӧмидз да сэтӧр кустъяс. Сиктсаянь матын вӧр, кытчӧ Ульяновъяс ветлывлісны вотчыны. Вӧрын гажа. Челядь ворсӧны, котралӧны, гораа лыддьӧны кывбуръяс.

Заданиеяс. I. Лӧсьӧдӧй предложениеяс шойччыштны, ворсыштны, гижыштны, велӧдыштны кывъяс пыртӧмӧн.

II. Лӧсьӧдӧй план.

П л а н.

1. Школа бӧрын.
2. Субӧта рытьясӧ.
3. Кокушкино сиктын.

(А. Кононов серти.)

Владимир Ильич бөр воис ссылкаысь. Царскöй властьяс эз лэдзны сійöс овны столицаын да сэтшöм карьясын, көні вöліны уна заводьяс да фабрикаяс. Тайö сы могысь, медым видзны Ленинöс рабочöйясынь ылынджык.

Владимир Ильич бөрйис Псков кар. Тайö карыс сылы кажитчис сійöн, мый тасянь көрт туй кузя эз вöв ылын Петербургдз.

Псковö Ленин воис 1900 вося февраль 26-öд лунö. Разнöй местаясысь волевлісны татчö Ленин дінö партийнöй ёртъясыс советъясла да индöдьясла. Тасянь Ильич ветывліс Ригаö, Петербургö. Сійö водзö нуöдіс удж, медым лöсьöдны рабочöй класслысь революционнöй партия.

Петербургö Владимир Ильич муніс öти ёрткөд. Ни вокзалын, ни вагонын нинöм подозрительнöйсö Ленин эз казав: быттьö сы бөрся эз и следитны. Но туяс нин решитіс вуджны мөд поездö, медым воны сійö вокзалö, көні полицейскöйяс эз виччысьны сійöс.

Ставыс лои лючки-ладнö. Владимир Ильич муніс узыны аслас важ другыс ордö. А кор асывнас водз петіс улица вылö, мышсянныс сійöс друг кватитісны кык полицейскöй: öтныс öшöдчис веськыд киас, мөдыс шуйгаас. Найö полісны, медым Владимир Ильич эз удит бырöдны кутшöмкö гуся бумага, код вöсна бара позис эськö ыстыны сійöс Сибирö.

Вайöдісны Ильичöс полицияö. Сэні шобисны, надейтчисны аддзыны кутшöмкö секретнöй документ. А татшöм документыс буретш и вöлі зептас. Ортсыянныс тайö вöлі магазинысь пöлучитöм обыкновеннöй счёт. А сэтчö букваяс да цифраяс костас особöй чернилаөн вöлі гижалöма гусяторьяс, кодьясöс тöдмалöм бöрын позьö вöлі ыстыны Ленинöс ылі Сибирö уна вояс кежлö. Со кутшöм опасность грöзитіс Ленинлы. Полицейскöйяс кө эськö гөгөрвоисны кутыштны лампа весьтын счётсö, кодöс найö аддзисны Ленин зептысь, гуся гижөдсö эськö зэв бура вермисны лыддыны. Но полицейскöйяс эз гөгөрвоны. Ленинöс дас лунысь дырджык кутöм вылö помкаяс налөн эз вöвны. А дас луныс пöлагайтчис сыысь, мый сійö локтіс столицаö разрешениетөг. Прöйдитіс тайö срокыс, и Ленин петіс арестысь вöля вылö выль опасностьясы паныд, выль тыш вылö.

Заданиеяс. I. Индöй собственнöй нима существительнöйясöс, думыштöй наöн предложенияяс.

II. Лöсьöдöй план.

### П л а н.

1. Ленин овмöдчö Псковын.
2. Петербургö мунöм.
3. Ленинöс арестуйтöны.

К ы в ъ я с: вокзал, счёт.

## УЛЬЯНОВ ВОКЪЯС.

(Ю. Яковлев серти.)

Володя Ульяновлөн вöлі ыджыдджык вок, Саша. Володя вöлі визув, эз вермывлы дыр пукавны öти местаын, радейтліс серавны да шутитны, а Саша мöдарö: лöнь да видзчысьысь. Володялы быдтор воис сьöлöм вылас ыджыд вокыслөн: сёрнитöмыс, книга радейтöмыс, и быдторйөн көсйис лоны сы кодьөн жö.

Вокъяс олісны вылыс судтаас, ичöтик комнатаын. Сэні вöлі кык крöвать да ичöтик пызан. Найö некор эз мешайтны öта-мöдныслы, пукалісны часъясөн, лыддысисны. Прöст кадъясö ворсісны шахматөн либö ветлісны Волга ю дорö.

Кöть кык вок торъялісны характернас, но унаторйөн вöліны öткодьöсь. Кыкнанныс эз радейтны пöръясьöм, частö кыкөн сёрнитісны уджалысь йöзлөн сьöкыд олөм йылысь.

— Колö дейсвуйтны, колö тышкасьны!— шуліс Саша.

Саша помаліс гимназия да муніс велöдчыны Петербургö. Öні вокъяс аддзысьлісны сöмын каникулъяс дырйи, но важ моз дружитісны.

Александр Ульянов, ас кодь жö повтöм ёртъяскöд гөтöвитіс царь вылö покушение. Но царös вины эз удайтчы. Том революционеръясöс пуксьöдісны тюрьмаö. Володялы окота вöлі отсавны вокыслы, но мый вермас вöчны дас сизим арöса детинка?

Александр Ульяновös казнитісны. Бөръя минутöдыс сійö кутчысис кыз герой, эз вузав асьыс ёртъяссö.

Володя сетіс кыв, мый сійö кутас тышкасьны правда

вѳсна, но не ѳтнасѳн, а революционеръяскѳд ѳтлаын, уджалысь йѳзлѳн шудлун вѳсна, сійѳ делѳ вѳснаыс, мый ради сетіс олѳмсѳ сылѳн вокыс.

**Задание.** Висьтѳ разберитѳй план серти да гижѳй изложение.

#### П л а н.

1. Кык вок.
2. Царь вылѳ покушение.
3. Сашаѳс казнитѳны.
4. Володя сетѳ кыв.

### МЕТЕЛИЦА.

(А. Фадеев серти.)

Метелица воис ас садяс пемыд сарайын. Сійѳ куйліс куш му вылын. Пырысь-пыр дум вылас уси ставыс, мый сыкѳд лоис. Кучкалѳмъяссыс пыр на шувгис юрыс, вир сора юрсиыс кормѳма.

Первойя мѳвп, коді воис юрас, вѳлі сы йылысь, оз-ѳ позь татысь кызкѳ пышйыны. Кытшовтіс сарайсѳ, видлаліс став розьяссѳ, заводитліс весиг жугѳдны ѳдзѳссѳ. Но быдлаын зурасьліс кѳдзыд пуѳ, а щельясыс вѳліны сѳтшѳм ичѳтѳсь, мый муртса пискѳдчис арся асывлѳн чусыд югѳрыс.

Эз на удит Метелица бурджыка видзѳдавны сарайсѳ, кызди ѳдзѳс сайын кыліс ноксьѳм, гольснитіс иган. И рудов асья югѳркѳд тшѳтш пырисны сарайѳ оружиеа кык казак. Метелица, кокъяссѳ паськѳдѳмѳн, синъяссѳ читкыртыштѳмѳн, видзѳдіс на вылѳ.

«Мунам, землячок»,— медбѳрын шуис ѳтиыс. Недыр мысти сійѳ сулаліс нин съѳд папахаа, буркаа тѳдса морт водзын.

Метелицаѳс вайѳдісны сійѳ комнатаас, кытчѳ видзѳдіс войнас поп садсянь. Креслѳѳ нюжѳдчѳмѳн, Метелица вылѳ чуймѳмпырысь видзѳдігтыр, пукаліс мича ѳн офицер, кодѳс тѳрыт рытнас Метелица чайтіс эскадронса начальникѳн. ѳні сійѳ гѳгѳрвоис, мый начальныкыс вѳлѳма абу тайѳ кыз офицерыс, а мѳдыс — буркааыс.

«Мый тѳ тѳрыт вѳчин садъяс?»— юаліс Метелицалысь начальник. Метелица чѳв оліс, серам сорѳн видзѳдіс начальник вылѳ да аслас став виднас петкѳдліс, мый сійѳ нинѳм оз висьтав.

Начальник кыскис кобурасыыс револьверсö да матыстис Метелицалы ныр улас. Көть кутшöма эз повзёдлыны сийöс револьверöн, көть кутшöма эз тшöктыны висьтавы ставсö, сийö эз шу ни öти кыв. Висьтасыс кө, көсйысысны лэдзны, но сийö весиг эз видзöдлы юасысысыс вылö.

Метелицаöс нуöдисны вичкодорса площадь вылö, көни жуисны йöз, кодъясöс вöли кытшалöмаöсь верзёма казакъяс.

**Заданиеяс.** I. Сетöм деепричастиеясöн да наречиеясöн лöсьöдöй выль предложенияс: **читкыртыштöмөн, нюжöдчöмөн, видзöдигтыр, повзёдлöмөн; медбöрын, чуймөппырысь, тöрыт рытнас, быдлаын, сэни.**

II. Лöсьöдöй цитатнöй план.

#### П л а н.

1. Метелица вонс ас садяс пемыд сарайын.
2. Первойя мөвп: оз-ö позь татысь кызкö пышйыны.
3. Метелицаöс вайöдисны сийö комнатаас, кытчö видзöдис войнас поп садсянь.
4. Метелицаöс нуöдисны вичкодорса площадь вылö.

### МИЯН ЧЕЛЯДЬЛЫ.

Сыктывкарсянь вит-ö-квайт километр ылнаын, Вильгорт сиктсыянь асыв-лунвывланын, джуджыд пожöмъяса гажа вöрын, кыптис выль пионерскöй городок.

Сыктывкарса строительяс вöчисны ставсö, медым школаын занятияс помасьöм бöрын челядь вермисны бура шойччыны, ёнмöдны ассыныс здоровье, чöжны вынъяс выль велöдчан во кежлö.

Со нюжöдчöма асфальтируйтöм туй. Шуйга да веськывылас сэтшöм жö тротуаръяс. Туй пöлөн мича радъясöн быдмöны пашкыр кызьяс, пелысыс да веськыд ствольяса пожöмъяс. А на костöд тыдалöны челядьлы олан керкаяс, вильöсь, мичаöсь, гырысь öшиньясаöсь.

Югид комнатаясын быд мортлы крöвать, тумбочка, öшиньясын мича занавесьяс. А ылынджык, главнöй аллея помын, зымвидзö-сулалö выль ыджыд клуб. Стрöйтöма и торъя столöвöй. Пыраламöй татчö. Танi сулалöны алюминийысь да пластмассаысь вöчöм кокныдик пызанъяс да улöсыс. Куимсё кызь морт вермасны öтпырйö пуксыны öбедайтны. Абу вунöдöмаöсь строительяс и на

йылысь, кодъяс кутасны пуны да пöжавны чöскыд сёян-юан. Кухняын эмöсь электроплиткаяс, духовкаяс, тестомешалкаяс, мясорубкаяс, электромойка да парöвöй душ.

Выль пионерскöй лагерсянь неылын, пöшти ськöд орччöн, паськыд ю пöлөн лöсьöдöма челядьлы пляж.

**Заданиеяс.** I. Текстö используйтöй литература урокъяс вылын описаниён тöдмасигöн. Гижöй неыджыд висьт «Миян сикт», «Миян школа», «Пионерскöй лагерынь» темаяс пиись öти вылö.

II. Сетöм прилагательнöйяслысь индöй суффиксъяс: **пожöмъяс, гажа, гожся, мича, паськыд, мичаник.**

Кы въяс: *алюминий, пластмасса, электроплитка, духовка, тестомешалка, электромойка, парöвöй душ.*

## МЫЙÖН ЛОНЫ.

Володя Дубинин частö думайтис, мыйöн сылы лоны, кор быдмас. Мечтайтис унатор йылысь. Öти кадö, кызди и сылөн став ёртъясыс, решитис лоны полярникöн. Окота вöли ветлöдлыны гöрд флаг улын полярнöй мореясöд, кыз йняс пöвстöд. Та бöрын недыр мысти решитис лоны пограничникöн. Вот сийö Дальнöй Востокуын, тышкасьö самурайяслы паныд. Сэся пондис думайтны сы йылысь, кызди краснокрылöй самолётөн вöчас рекорднöй беспосадочнöй перелёт. Но кор Володя квайтöдысь видзöдис Чапаев йылысь кинокартина, пондис лöсьöдчыны лоны военнöйöн. Пуксяс вöли бедь вылö, босьтас пу шашка да пондас гöняйтны, öвтчыны öтарö-мöдарö. Ни öти йөн юр оз коль, ставсö керавлас. И сэки чайтсис Володялы, мый ни öти юр враглөн, кодi петас сылы паныд, оз коль пельпом вылас.

Мурманскын батыскöд сийö веськалис ыджыд корабль вылö. Öни Володя думайтис сöмын морякөн лоём йылысь. И лоны не прöстö морякөн, а непременно машинистөн «Леонид Красин» кодь ыджыд теплоход вылын.

Арнас батыс мунис плаваниеö, а Володя мамыскöд, Евдокия Тимофеевнакöд, мунисны Керчь карö. Володялы тырис сизим арöс. Недель мысти колö вöли мунны школаö.

И вот Володя аслас олöмын первойысь школаын. А тöлысь мысти нин Володя чорыда решитис, мый олöмын медся интереснöйыс — лоны учительөн. Со тэ журналөн пыран классö, пыртан глобус либö кутшöмкö лэбачлысь

чучела. Классо пыригөн став челядьыс сувтоны да здоровайтчоны. Сэсся тэ зэв важнөя пуксян пызан сайо, стено либо доска выло ошодан мича картина. И тэ быдтор тодан, тэно быдон уважайтоны. Весиг неуна полыштоны. И верман лыддыны ставсо, мый гижома журнало, верман видзодлыны любой отметка. Володя они дзикодз нин решитис, мый сийо лоо учительон, кутас велодны посни челядьос.

Заданиеяс. I. Лосьодой план.

#### П л а н.

1. Окота ветлодлыны горд флаг улын полярной морясод.
2. Решитис лоны пограничникон.
3. «Чапаев» кинокартина видзодом бoryн.
4. Мурманскын.
5. Первойысь школаын.
6. Медся интереснойыс — лоны учительон.

II. Гижой сочинение «Мыйон ме кося лоны» тема выло.

### ТРАКТОР ВЫЛЫН.

(Г. Юшков серти.)

Ыб вылын муркодчис-горис трактор. Федя мододчис сэтчо. Егор дядь казалис Федяос, сувтодис тракторсо да пуксьодис аскодыс орччон.

— Косьян веськодлыштны?— друг юалис тракторист.

— Косья!— радпырысь ышловзис Федя, пыр жо кутчысис рычагьясо.

Трактор ньожмодыштитс одсо, сэсся бор оддзодчис.

Федя шойвошис, мыш кузаяс котортис йирмог. Мый вынсыс чабыртис рычагьяссө. Ыб помын тыдалис ва тыра гуран.

— Асланыд кыкышт! Веськылдорса рычагсө асланыд!— городис Егор дядь. Федя повзьомысла кыкыштитс асланыс шуйгаладорса рычагсө. Трактор сыркмуни, ырьянитысь вов моз шыбитчис шуйгавыв. Сийо жо здукас Егор дядь кутчысис рычаго да веськодис тракторсө.

— Токотьо ко и пышйис миян тракторным,— серам сорон шуис Егор дядь.

— Сорасси ме,— яндзим лои Федялы.

— Абу дивö! Он öд ме моз кызь во уджав. Но тэысь бур механизатор лоас!— шуис Егор дядь.

Заданиеяс. I. Висьтысь торйöдöй диалога сёрни. Объяснитöй пунктуация знакъяс.

II. Лöсьбöдöй план.

П л а н.

1. Федя трактор вылын.
2. Тököтьö эз пыр ва гуранö.
3. Федяысь артмас бур механизатор.

### ВОТЧӨМ.

(В. Юхнин серти.)

Илья да Вера мунісны ыбъяс вывті вөрлань. Кыкнанныс еджыд шабураöсь, кыкнанныслөн мыш саяс сюмөд пестер, а кианыс наберушкаяс.

Неыджыд яг нöрысын, кытчö Илья вайöдіс Вераöс, пувйыс вöлі збыльысь воттөм на, көть зырийөн зырт.

Вотчысыяс öшöдісны пестеръяссö вужля бокö да зіля мөдісны вотчыны. Пужъявлөм бöрад пув кажитчис торъя нин чöскыдөн да небыдөн. Та вöсна окота вöлі вотны сійöс кызд поэьö унджык.

Илья муніс яг нöрыс помлань. Друг көнкө неылын кратшнитіс ув. Илья видзöдліс сылань. Колодаяс сайын вуджөртіс сьöдтор. Тайö вöлі ош.

Ош кыпöдчыштіс колода вылö, исыштіс сынöдсö да бара мөдіс сёйны пув. Сы дінын бергаліс ошпи.

Илья воськовтіс вужля бокö да, сы сайö сайöдчигмоз, локтіс Вера дінö да вашнитіс: «Эн повзы, Вера. Эстöні пьяна ош. Сійö локтö таланьö». Вераöс босьтіс дрöж.

Илья вөркань моз котөртіліс пестеръяс дорö, кватитіс чер да локтіс бөр Вера дінö.

Йöзöс аддзөм бöрын ош гораа равöстіс. Илья горөдіс жö вөр тырнас: «Ок тэ, вöрса!»

Зверь сувтыштіліс кыккокйыв, уськөдчыліс пиыс дінö, кучкис сылы лапанас, мед сійö котөртас нюрлань. Сэсся бара мөдөдчис Ильялы воча. Илья ырыштічис ошлы черөн, но эз судз.

Ош чеччыштіс пу сайö да сьöлыштіс Ильялы.

«А-а! Полан!»— горөдіс Илья. Но равöстіс и ош, йök-

тіс Илья водзын, сьоласис, мисьтöма горзіс. Друг ош повзьöмөн видзöдліс боквыв, гораа вишнитіс да эновтіс Ильяöс. Илья первойсö эз гөгөрво, мыйла ош эновтіс сійöс. Вöлөмкө, ошкөс повзьöдöма Вералөн алöй лентасы. Илья горзігтырйи уськөдчис вöтчыны ош бөрся.

**Заданиеяс. I.** Сетöм наречиеяслы бөрйöй синонимъяс, наөн лөсьöдöй предложенияяс: **нылын, сэтысь, гораа, водзö, мисьтöма, ньöжйö.**

II. Лөсьöдöй план.

П л а н.

1. Ыбъяс вывті вөрлань.
2. Вера да Илья зіля вöтчöны.
3. Пняна ош.
4. Вералөн алöй лента.

## КОРЧАГИН МЕЗДÖ ЖУХРАЙÖС.

(Н. Островский серти.)

Удж бöрын Павел мөдөдчис гортас. Велькыдвылө кежигөн друг казяліс: сылы паныд локтöны кыкөн. Кокъясыс быттьö кынмисны места вылас. Первойяыс вöлі **Жухрай.**

Жухрай пыр матыстчис. Павеллөн сьөлöмыс кутіс зэв ёна тіпкыны. Мөвпъясыс котөртісны öти бөрся мөд. Сöмын öтитор вöлі гөгөрвоана: Жухрайлы воис пом.

Павел видзөдліс локтысьяс вылө да шöйöвоши сійöс кытшаласы мөвпъяс пөвстас: «Мый вöчны?»

Медбөръя минутнас дум вылас уси, мый зептас эм револьвер. Сы дінті мунігөн лыны сылы, винтовкааыслы, и Фёдорöс лө мездöма.

Павел кежис шоссе бокö. Жухрай казяліс Корчагинöс, кор сійö вöлі сысянь кымынкö воськов сайын.

Жухрай кутіс восьлавны гырысьджыка. Сійö мыйкө көсйис шуны Павеллы, но, быттьö чолөмалөм могысь, öвтыштіс кинас.

Павеллы юрас воис повзьöдана мөвп: лыяс кө да озинмы, пуляыс вермас велькавны Жухрайлы. Но дыр думайтны вöлі некор, сы вöсна мый петлюровец вöлі орччөннин.

Корчагин друг уськөдчис сы вылө, кватитіс винтовкасö да, лөкысь чашнитöмөн, личкис му бердö.

Петлюровец эз виччысь уськөдчөмсö да здук кежлö падмыліс, но пыр жö нетшыштіс винтовкасö асланьыс. Кыліс лыійом шы.

Лыйом шысьыс Жухрай шыбитчис боклань да видзöдліс бөрвыв. Конвоир лёкысь нетшкис Павел кийсь винтовкасö. Но мöдыс эз лэдз сійöс. Скöрмөм петлюровец уськөдіс Павелöс муö. Аскöдыс тшöтш Павел кыскис и конвоирöс.

Кыкысь чеччыштöмөн Жухрай лои Павелкөд орччөн. Кöрт кулакыс сылөн вöчис ыджыд кытш да лэччис петлюровецлы юр вылас. Здук мысти Жухрай ещö кыкысь кучкис петлюровецлы, и сійö сьöкыд мешöк моз шнёпкысис канаваö. Жухрайлөн вына киясыс кыпöдісны Павелöс да сувтöдісны кок йылö.

**Заданиеяс. I. Мешöк моз, юр вылö, сы дінö, места вылö кыв-бöра существительнойясөн лöсьöдöй предложениеяс.**

II. Лöсьöдöй план.

П л а н.

1. Павел аддзö Жухрайöс.
2. Петлюровецкөд венласьöм.
3. Жухрайöс лои мездöма.

Кы в ъ я с: *петлюровец, конвоир.*

## ИСАКОВ НИМА УЛИЧА.

(А. Берников серти.)

Быдмö Айкино сикт. Кыптöны уна виль керкаяс да мукöд стрöйбаяс. Чужис некымын виль улича. На пиысь öти — Исаков нима улича, кодi йитö улыс Айкино вылыс Айкинокöд, важ сиктыскöд. Улича öтар-мöдар бокас сулалöны кызь нель квартираа олан керкаяс.

Айкиноса олысьяс помнитöны на коммунист Александр Иванович Исаковöс. Сійö чужліс гöль крестьянин семьяын, тöдліс тшыглун, сьöкыд удж. Кызьöд нэм заводитчигөн служитіс царскöй армияын, участвуйтіс 1905 вося медводдза роч революцияын. Первой мирöвöй войнадз уджалö Архангельскса вөр пилитан заводын, Сэс-ся первой империалистическöй война, окопьяс.

Великöй Октябрь бöрын А. И. Исаков воö чужан сиктас, отсасьö лöсьöдны Сöветскöй власть. 1918 воын Иса-

ковѳс примитѳны партияѳ. Бѳрынджык бѳрийѳны Айкинскѳй волисполкомса председательѳн.

Вѳлѳстѳса партийнѳй организация унатор вѳчис сѳветѳясѳс ѳнмѳдѳм могуьс, корсяліс кулакѳясѳн дзебла-лѳм нянь.

1919 вося октябрын Айкиноѳ нем виччысьтѳг пырис капитан Орловлѳн белогвардейскѳй банда. Исаков буретш вѳлі волисполкомын. Сѳні и арестуйтисны сійѳс.

Белогвардеецѳяс да ачыс капитан Орлов дыр мучитисны коммунистѳс, юасисны, кодѳяс вѳліны медводдза партийнѳй ячейкаын. Но Исаков чѳв оліс. Сідзи, немтор тѳдмавтѳг, ноябрь кыкѳд лунѳ белогвардеецѳяс лѳччѳдисны А. И. Исаковѳс Нѳмыд ю дорѳ да лыйлісны.

Тадзи орис олѳмыс коммунистлѳн, но йѳзыс эз вунѳдны сійѳс. Коммунистлысь ним сетѳма райцентрса выльѳн чужѳм уличалы.

Заданиеяс. I. Лѳсьбѳдѳй план.

#### П л а н.

1. Пѳрысь йѳз помнитѳны А. И. Исаковѳс.
2. А. И. Исаков — волисполкомса председатель.
3. Айкиноын белѳйяс.
4. Исаков нима улича.

II. Тѳдмалѳй ас сиктса пѳрысь коммунистѳяс олѳм йылысь да гижѳй неыджыд висѳт.

### ТѳЖДЫСЬЫСЬ МАМ.

(И. Коданѳв серти.)

Лесник Петрович ѳтчыд тулыснас кытшовтис асьыс ыджыд участоксѳ. Радейтѳ сійѳ ветлыны подѳн. Мунигад кымын пѳлѳс думѳяс воласны юрад, зѳв унатор аддзылан да кывлан.

Неыджыд шор вуджѳм бѳрын воис кос ягѳ. Друг вужля бокысь кыпѳдчис сера дозмѳр, лѳбзыштитис неылѳ да бѳр воши ляпкыдик пуяс костѳ.

«О-о, дозмѳр поз вылѳ, тыдалѳ веськалі», — шочиник тошсѳ малыштитис Петрович да матыстчис вужля дорѳ.

Пѳрѳм пу улын, кос турунысь вѳчѳм позйын, тыдаліс сизим кольк. Петрович весиг кинас эз инмѳдчыв поз дѳнѳ, видзѳдѳс ылісянь да нимкодясис.

Лесник ветлөдліс рытөдзыс. Поводдяыс вөлі лөнь, шоньд. Сынөдыс сөстөм, лунтыр лолалан — он пөт. Местаясыс зэв мичаось. Тані весиг арся зэръяс бөрын кос. Небыд яла вылын быдмөны вөсныдик пожөмьяс. Нырад өвтө сир дук. Яг шөрөдыс лун и вой тельгө-визувтө ичөтик варов шор. Ваыс көдзыд-көдзыд, тувччан кө көмтөг, сотыштас кокъястө.

Торъя нин гажа Эжва дорын. Сувтан джуджыд кыркөтш дорө, и син водзад воссясны уна пөлөс серпасьяс. Ылөдз тыдалө паськыд ота ю. Паськыд и гажа вөр-ваыс.

Петрович мөдөдчис гортас бара сійө жө туйөдыс, кыті кайис асывнас. Матыстчис төдса вужля дорө, сувтіс, видзөдліс позійө, а сійө вөлі тыртөм. Дарөм тай дозмөрыд китөм. Кыдзкө путьмөма колькьяссө новлыны мөд местаө, дзебны найөс.

Со өд кутшөм мам сьөлөмыд, быдөн төждысьөны ассыныс челядсьө быдтөм вөсна.

Заданиеяс. I. Лөсьөдөй план.

#### П л а н.

1. Петрович кытшовтө ассыс участоксө.
2. Вужля бокин дозмөр поз.
3. Мичаось местаясыс, торъя нин гажа Эжва дорын.
4. Дозмөрлөн позийыс тыртөм.

II. Лөсьөдөй предложениеяс оз, кос, пу, пөжас, сир, ю, кор, шы кывъясөн-омонимъясөн.

Пример в ы л ө: Дзольгө-визувтө ичөтик ю.  
Кыз нө сэтысь васө он ю.  
Кос турун зорөдө лыбб.  
Кос мудзөм Ваня оз кыв.

#### СЫЛЫСЬ ЛЭБАЧ.

(Ю. Ермолаев серти.)

Тайө гожөмнас Андрюша эз мун пионерскөй лагерө, овмөдчис тетья Клава дачаын, коді-сулаліс посёлок помын. Сы сайын туй мөдарас кыпаліс пожөма яг. Тайө вөрсө став йөзыс шулісны сьылысьөн, сы вөсна мый сэні некор эз лөньлы лэбачьяслөн сьылөм.

А тетья Клава садйын лэбачьяс пөшти эз вөвны, пышкайяс кындзи, кодьяс катшаяс моз дугдывтөг чирксьоны.

Кызкө өтчид Андрюша да Костик, тетья Клавалөн

пыс, локтісны ю дорысь гортаныс да аддзисны: пукалѡ жовпу куст вылын пышкой, сэтшѡм омѡлик, весиг нырыс нюжалѡма да лоѡма Буратинолѡн кодь.

«Дѡзмѡдісны менѡ тайѡ чирксысьяс. Часлы ме вѡт-ла сійѡс»,— шуис Костик да босьтіс му комѡк.

Но пышкой паськѡдіс вомсѡ да сэтшѡм лѡсьыда ку-тіс сьывны-тшолкѡдлыны, мый Костиклѡн кисьыс му комѡкыс уси.

«Тайѡ жѡ колипкай!»— шѡпнитіс Андрюша.

Колипкай дугдіс сьылѡмсьыс да, бордьяснас шпорѡд-чигтыр, саяліс кустьяс сайѡ.

Недыр мысти Андрюша видзѡдліс жовпу вылѡ да тув-кис Костиклы бокас. Колипкай пукаліс сійѡ жѡ пу вож вылас да вомас кутіс турун сі. Сэсся пунктіс турунсѡ ув вожаланінас да лѡбзис выльла. Поз, тыдалѡ, вѡчѡ. Детинкаяс решитісны отсавны лѡбачлы. Андрюша чукѡртіс некымын кос турун сі да пунктіс пу вож вылѡ.

Первойсѡ колипкай нинѡм эз казав. Важ мозыс лѡба-ліс турун сіясла вѡрѡ, а сэсся друг пунктіс сійѡ пу вож вы-лас, кѡні куйліс Андрюшаѡн пунктѡм туруныс, да тешко-дя бергѡдлыштіс ѡтарѡ-мѡдарѡ нырнас, быттѡ дивитіс асьсѡ: «Со ѡд, йѡйыд, лѡбала сы ылнаѡдз, а стрѡитчан ма-териалыд борд улын и вѡлѡма.» Заводитіс новлыны ту-рунсѡ позьяс. Детинкаяс нимкодъысла дасьѡсь вѡліны чеччавны.

Позсѡ эштѡдѡм бѡрын колипкай бара лѡбзис, но здук мысти бѡр воис. И эз ѡтнасѡн, а аслас энъ пѡлыскѡд.

**Заданиеяс. I.** Висьтысь индѡй сравнительнѡй кыв сочетаниеяс да лѡсьѡдѡй наѡн предложениеяс (катшаяс моз, Буратино кодь).

II. Коллективнѡй лѡсьѡдѡй план.

П л а н.

1. Тѡтя Клава дачаын.
2. Куст вылын колипкай.
3. Детинкаяс отсалѡны лѡбачлы.
4. Детинкаяслы нимкодь.

## ЫДЖЫД СЬѡЛѡМА АНЬ.

(Н. Попов серти.)

Дарья Кочанова чужис Керчомья сиктын, гѡль семья-ын. Ичѡтысянь ковмис кулакьяс ордын кага видзны да слугаавны. Дас квайт арѡс тырѡм бѡрын муніс Кер-

чомъяысь. Тубыртис чышъян пиö няньтор да кымынкö гривенник и петис ыли туйö корсьны нажötка да шуд. Дыр мысти кывсис, мый сийö воöма Кронштатдö. Сэни Дарья велалис сёрнитны рочөн, лыддысьны да гижны.

Кык во мысти Дарья бөр локтис Керчомъяö.

Октябрьскöй революция йылысь юөр воис Керчомъя-öдз. Власть вöсна ён тыш кыптис озыръяс да голь крестьяна костын. Уна коммунистöс виисны кулакъяс тайö тышас. Дарья отсасьö корсявны кулакъясөн дзевлалом нянь, юклыны сийöс тшыгъялысь крестьяналы.

Ёна скöралисны озыръяс том ныв вылö, грöзитчылисны вины сийöс.

Нинöмысь эз повззы Дарья. Мунис доброволецөн краснöй отрядö, Печораö, пырис Коммунистическöй партия радъясö, тышкасис уна бойясын.

1919-öд вося гожöмын Дарья бөр воис гортас. А арнас Керчомъяö локтисны белöйяс. Дарья эз удит мунны сиктысь, и сийöс арестуйтисны. Дыр мучитöм бöрын лыйлисны.

Повтöг олис да повтöг и кулис Дарья Кочанова.

Задание. Коллективнöя лöсьöдöй план.

#### П л а н.

1. Дарья Кочанова Кронштадтын.
2. Дарья бөр локтö рöднöй сиктас.
3. Октябрьскöй революция йылысь юөр.
4. Дарья белöйяс кыны.
5. Повтöг олис да повтöг и кулис Дарья.

#### ТОМ ПАРТИЗАН.

Тульскöй областъя Черниговскöй районын да Смоленщинаса Козельскöй районын Сöветскöй Армия вотöдз дейстуйтис партизанскöй отряд. Сэни первойсö вöли дас морт.

Партизанъяс пöвстын медтомөн вöли Александр Чекалин, школьник, неважөнся пионер. Сылы вöли дас квайт арöс. Война заводитчытöдз велöдчис кöкъямысöд классын. Эз куш киясөн лок Шура партизанъяс дорö, сьöрсые вайис оружие. Отрядыскöд тшöтш лэдзалис чой горув поездъяс, участуйтис уна опаснöй да дерзкöй операцияын. Ветлывлис и разведкаö, ваявлис отрядлы оружие.

Но лои сідз, мый Шура висьмис. Командир прикажитіс мунны сылы сиктö бабыс ордö, куйлыштны, лечитчыны. Сійö сöгласитчис мунны сиктö сöмын сэк, кор пöлучитіс задание.

Фашистскöй бандитъяс кыйöдісны том патриотлысь быд воськов, кытшалісны керкасö, кытчö сувтіс том партизан. Дас кыкөн öтилы паныд. Но Шура эз думайт сетчыны, фашистъяс чукөрö шыбитіс граната. Но граната эз взорвитчы. Партизанöс кутісны да нуöдісны штабö. Зэв ёна пытайтöм бöрын лыйлісны.

Александр Чекалин пöгибнитіс. Кулöм бöрас нин сылы присвоитісны Сöветскöй Союза Геройлысь ним. Куслытöм слава сы йылысь кутас овны уна миллион йöз сёлöмъясын.

Задание. Текстсысь индöй числительнöйяс, гижöй цифраессö (10, 5, 300, 100—150, 70, 16, 12, 1) кывъясөн, объяснитöй налысь гижанногö.

## ГЕНЯЛЫ ЫДЖЫД ПОРУЧЕНИЕ.

(Я. Рочев серти.)

Семьякöд торъялöм бöрын Невольский ещö ёнджыка мöдіс радейтны Геняöс. Прöст кадъясö быдса часъясөн пукавлывліс детинкакöд. Аслас беседаясын зіліс паськöдны Генялысь вежöрсö, кыпöдны тöдöмлунсö, висьтавліс аслас велöдчöм йылысь, гырысь каръяс йылысь. Сетывліс лыддыны книгаяс, а сэсся юасьліс лыддöмтор йывсыс, объясняйтліс, мыйла му вылас öтилаын век гожöм, а мöдлаын оз сывлы лымйыс. И Геня тöдлытöг велаліс сы дорö. Корсюрö Невольский ордö воывлісны и орчча сиктъясын олысь политссылнöйяс.

Öти рытö Генялы Невольский висьталіс; мый аски сылы ковмас выполнитны öти поручение. Детинка вöлі дась тайö мортыс вöсна, кыз шуласны, көть биö, көть ваö.

Асывнас водз сійö локтіс Невольский ордö. Öтлаын юисны чай, сёрнитісны öтитор-мöдтор йылысь. Сэсся Невольский сетіс Генялы пакет да тшöктіс нуны Батур сиктö, сетны Нейманлы.

Нейманкöд Геня вöлі тöдса нин. Нейман частö воывліс Невольский ордö, быд волігөн вайліс газетъяс, книгаяс, корсюрö листовкаяс.

И вот Геня восьмалё няйт туй кузя Батур сиктö да думайтö быдтор йылысь. Унатор на сылы эз вöв гөгөрвоана. Сійö эз тöд, мый сэтшöмыс революция, кодъяс лооны большевикъясöн. Геня первойысь кыліс Ленин йылысь.

Нейман эз вöв гортас, Генялы дыркодъ лон сійöс виччысьны. Нейман лыддис Невольскийöн ыстöм гижöдсö, сэсся мыйкö унакодъ гижис розövöй бумага вылö, суйис конвертö, клеитіс да сетіс Генялы, тшöктіс нуны Невольскийлы.

Пемыднас нин Геня бөр локтіс Невольский ордö, мыччис письмö. Сьöлöмыс радліс, мый сійö вöчис колана удж.

**Заданиеяс.** I. Вопросъяс вылö гижöй öтветъяс:

1. Мый йылысь сёрнитлісны рытясын Невольский да Геня?
2. Кутшöм поручение сетö Генялы Невольский?
3. Батур сиктö мунигöн Генялöн думъяс.
4. Мыйысь радліс Генялöн сьöлöмыс?

II. Текстысь индöй наречиеяс, объяснитöй налысь артманногсö, лöсöдöй наён выль предложениеяс.

## ЛЁТЧИК-ИСПЫТАТЕЛЬ.

(А. Некрасов серти.)

Збойöн да ёнöн некод оз чуж. А вот лоны збойöн да ёнöн позьö. Но тайö абу зэв кокни.

Жора Мосолов челядь дырсянь думайтис лоны лётчикöн. Эз прöстö думайт, кызди мукöд челядь, а вöчис ставсö, медым думъясыс сылөн збыльмисны. Лётчикъяс да самолётъяс йылысь лыддис уна книга. И школаын велöдчис сöмын отлично вылö.

Быд асыв вöчис зарядка, киськасис кöдзыд ваён, велöдіс асьсö нинöмысь не повны. Сійö гөгөрвоис, мый лётчиклы колö уна тöдны. Вот Жора и закаляйтчис да заптысис тöдöмлунъясöн челядь дырсянныс. И дас квайт арөссянь кужис нин веськöдлыны самолётöн, заводитис лэбавны.

Сэки мунис Великой Отчественной война. Дерт, Жоралы зэв окота вöлі пуксыны учебной самолётсянь боевой самолёт-истребитель вылö да тышкасьны фашистьяскөд. Но фронт вылö сійöс эз босьтны: вöлі вывті на том. А кор быдмис, и войнаыс помасис.

И вот сійо лётчик-испытатель. Тайо уджыс зэв сьокыд, зэв опасной, но зэв колана. Конструкторьяс вочоны выль самолёт, и быд татшом выль самолёт колө прөверитны сынодын. А сэни быдторйыс вермас лоны.

Георгий Константинович Мосолов лэбаліс уна, кужомон, отважноя. Кыпөдліс сынөдө выльысь-выль машинаяс и лоис мян странаын медбур лётчик-испытательяс пиысь өтиөн.

Заданиеяс. I. Индөй приложениеа предложениеяс, пыртөй на-йөс изложениеад.

II. Лөсьөдөй план да гижөй изложение.

#### П л а н.

1. Жора Мосолов закаляйтчө.
2. Лётчик-испытатель — колана профессия.
3. Георгий Мосолов — лётчик-испытатель.

#### ДОНА ИЗ.

(Л. Палкин.)

Вашка ю бердын, Сир керка дорын эм изья места. Быд сикас изйыс паныдасьлө: сьод и еджыд, лөз и виж, гырысь и посни. Ме частө воывлі сэтчө да любуйтчывлі наөн.

Челядь весиг эльтчылісны, из чукөртисьөн шулісны. Ме таысь эг дөзмыв. Веськодь. Но өтчыд лоис сэтшөмтор, мый челядь асьныс заводитісны чукөртны изьяссө.

А делөыс вөлі тадзи. Ме некор эг босьтывлы рудовтурунвиж рөма изьяс, кодьяс туплясисны Сир керка дорын. Найө кажитчисны мисьтөмөн, некытчө туйтөмөн. Збыльысь, найөс вывсяныыс быттьө вөлі киськалөмаөсь пөймөн.

И вот өтчыд татшөм изсө көсйи шыбитны бокө, но сійө, вөлөмкө, абу мукөдьяс кодь, а сьокыд, вывті сьокыд, свинеч кодь. Поткөді изсө да чуйми: пытшкөсас ярьюгыда дзирдыштисны кольквиж рөма чутьяс. Ми, челядь, эгө төдөй, мый татшөмыс да ыстим өти из тор Воркутаө, геологьяслы.

Истынысө ыстим, а меным эз терпитсьы, думышти вочны опыт. Сюйи өти из көрт пачө, веськыда өгыр вылас, мед зарнийыс сылас. Но ме зэв ёна повзи. Сө дивө тайө! Менам изйыд ыпнитіс да кутіс сотчыны лөз биөн.

Одйоджык бөр лои кыскыны пачысь. А кыски да ачым эг ло рад: сэтшөма заводитіс менө кызөдны да несйөдлыны, синва петтөдз. Керка пытшкөсным тыри лёк дукөн. Пырис мамө да пөттөдзыс пиняліс менө.

Недыр мысти Воркутаысь воис өтвет. Менө, ичөтик детинкаөс, весиг ним вичөн ыдждөдлөмаөсь. Тайө письмөсө пыр на видза. Быд кыв меным сэтысь муса да дона, казтылө менсьым из чукөртан кадөс.

Письмөас вөлі гижөма, мый тайө изйыс шусьө мелкозернистой пиритөн, кытысь вөчөны сернистой газ. Сернистой газысь вөчөны серной кислота. Со, вөлөмкө, мистөм изйыд кутшөм колана.

**Задание.** Лөсьөдөй план да коймөд морт нимсянь гижөй изложене.

### П л а н.

1. Вашка ю бердын.
2. Рудовтурунвиж рөма из.
3. Воркутаө пөсылка.
4. Опыт.
5. Воркутасянь письмө.

### СЬӨКЫД ТУИ.

(И. Коданёв.)

Ошкашор нима охотбазасянь юөртисны, мый сьөкыда висьмөма вөралысь. И Валентина Сергеевна, больница заведующой, вөлі дась петны туйө.

Самолёт лэбис йиөн дорөм векныдик ю пөлөн. Другрытыввывсянь небесаыс кутіс дзикөдз сьөдөдны. Кыз кымөръяс сьөкыда өшйисны му бердө. Вочасөн содысь лэчыд төв шыблаліс самолётсө то увлань, то вывлань. Поводдя дзикөдз торксис. Дугдывтөг шлапкис-усис улым, и самолётлы быть ковмис пуксьыны кутшөмкө сикт дорө. Охотбазаөдз тасянь вөлі ветымын километр.

Сельсөветса стөрөж Опонь дед көсйысис нуөдны врачөс охотбазаөдз. Лыжияс вылын найө петісны ылі туйө.

Сикт коли ылө нин. Төвся лун кутіс катовтны ритлань. Важ мозыс омляліс төв. Врач да Опонь дед узьмөдчисны вөр керкаө. Водз асывнас бара петісны туйө. Ывлаын төрытыя моз жө бушуйтіс турөб. Паськөмъяс көтасисны, кокъяс да кияс кывзысисны омөля, мунны лои ещө на сьөкыджык. Сөрөн нин воисны местаөдз.

Валентина Сергеевна оліс тані куим лун, висьсысьо сувтөдіс кок йылө. Бөрсө найө лэбисны самолётон.

**Заданиеяс.** I. Нераспространённөй предложениеясысь артмөдөй распространённөйясөс, индөй главнөй членьяссө (небесаыс кутіс сьбөдөны; врач да лётчик мунісны; лун кутіс катовтны).

II. Лөсьөдөй план.

П л а н.

1. Охотбазасянь юөр.
2. Самолёт кыпөдчө сынөдө.
3. Самолётлы быть лөө пуксыны.
4. Лыжияс вылын петөны туйө.
5. Висьсысьо спаситөма.

## МИАН ЧКАЛОВ.

Уна выльтор пыртіс Валерий Чкалов авиационнөй мирө. Со сійө медводз вөчис мёртвөй петля сө метр вылнаын, первой нуөдіс машинасө, сідз шусяна, бреющөй полётон, испытайтис выль самолёт. Со сійө вывті лөсьыда качөдіс машинасө муысь, минут мысти саяліс син водзысь, сэсса бара тыдовтчис аэродром весьтын. Думайтисны, мый самолёт пуксьө. Но мый нө тайө? Кыксө метр вылнаын машина друг гатшасис да мөдіс лэччыны муө вывлань көлесаон. Со сійө дзик нин му бердын. Кажитчө, прөйдитас ещө секунд, и лоас катастрофа. Но лётчик плавнөя кымыньөдіс машинасө да бура пуксьөдіс сійөс.

Өтчыд вывті өдйө жургис-лэбис тшөтшyd ныра мазі кодь машина. Сійө лэбис рытиввывлань, быттьөкө суөдіс пуксысь шондісө. Друг машина качмуни. Сійөс шыбитис увлань, сэсса вывлань, сэсса бара увлань. Йөз уськөдчисны машина усянінө. Куетьяс пөвстын пасьвидзис тшөтшyd ныра лэбач. Орчөн му вылын куйліс морт, бялябөжсьыс ылькйис вир. Чкаловөс спаситис мастерствоыс.

А со Валерий Павлович аслас бать ордын. Ыджыд пызан сайын став профессияя йөзсыс: лётчикьяс, шофёрьяс, учителяс, колхозникьяс. А мамыс Валерийлөн пызан вылө ваяліс руалысь пельменяс. Чкалов ошкө мамсө, гажаа сералө.

Чкалов — Сөветскөй Союза Герой, лэбзылыс Удд ді вылө, Войвыв полюс пыр Америкаө, мечтайтис лэбзыны. Му шар гөгөр.

Заданиеяс. I. Коллективнöя лöсьдöй план.

### П л а н.

1. Лётчик-испытатель Валерий Чкалов.
2. Кустьяс пöвстын пасьвидзис тшöтшyd ныра самолёт.
3. Чкалов — Сöветскöй Союза Герой.

II. Сетöм наречияслысь объяснитöй артманногсö, найöс пыр-тöмөн лöсьдöй предложенияс: зумыда, медводз, неважөн, лöсьыда, выльысь, плавнöя, бура, топыда, гажаа.

Кы въяс: мёртвöй петля, бреющöй полёт, катастрофа, лётчик-испытатель, Удд ди.

## СЕНЯ ВЕЛОДО ДРУГО.

(В. Юхнин серти.)

Оти шойччан лунö Сеня да Митя кыа петигөн мөдöдчисны вöравны. Но ыбъяс кузя мунигөн кыаыс паськалис да джудждаммис. Налөн кок улын няжгис важ кор да ляк бадь, шарöдчис вөрзёдём леторос, чегъясисны увъяс.

Буско, дыр кытшлалём бöрын, заводитис увтны дзор козийö. Сидзкö, кодöскö аддзис.

Сеня тшöктис Митяöс тышкалыштны козсö, а сэсся вежсисны местанас. Сенялы окота вöли, медым тайö урсö лыяс Митя. Найö таöдз кыйисны нин кык ур.

Туй вылö петигөн найö аддзисны ловушкаö шедём көчöс. Митя радпырысь уськөдчис босьтны көчсö, но чурка да краж костö веськалём көч некыдз эз шед. Сеня видзöдлис Митя вылö шензёмөн, быттьö эз көйы эскыны аслас синъяслы. Но кор Митя видзöдлис другыс вылö, аддзис ёртыслысь дивитана чужём.

«Эк тэ, а ещö Сергей Тюленинöс ворсин!»— пинь пырыс сöдзöдис Сеня.

Митялөн чужöмыс первой ыпнитлис-гөрдöдлис, сэсся зэв ёна бледöдис. Көчыс мынис кисыс, уси муö. Но эз гө-гөрво, мыйөн сийö мыжа.

И Сеня висьталис другыслы, мый сийö тöдö вöралысь-яслысь закон, мый ловушкаö шедём зверь-пöтка вөрзёдны оз позь, а мөдарö, колö видзны, мед эз травитчы. Тайö кыйсьысьыс, гашкö, вежон чöж нин ветлөдлис вөрöд, надейтчö кыйны көч. Локтас и аддзас, мый волёмаöсь татчö лёк йöз, гусясьысьяс.

Митя вѳлисти гѳгѳрвоис ассыс мыжсѳ, и сылы сѳтшѳм лои ѳбиднѳ гусясысысѳн шуѳмысь, мый сѳѳд синтѳ-ясыс мѳдѳсны вазыны. Митя бѳрдѳгтыр висѳталѳс Сеня-лы, мый сѳѳѳ некор на некодлысь нинѳм эз босѳтлы и водзѳ оз кут босѳтны. Сѳсся кѳчсѳ бѳр кѳсѳйс пуктыны местаас, но Сеня тшѳктѳс ѳшѳдны пу йылѳ, мед зверѳяс эз сѳѳны.

**Задание.** Лѳсьѳѳѳй план.

**П л а н.**

1. Том вѳралысыяс мунѳсны вѳрѳ.
2. Буско заводѳтѳс увтны дзор козийѳ.
3. Ловушкаын кѳч.
4. Митя кѳсѳѳ кѳчсѳ босѳтны.
5. Митя гѳгѳрвоѳ ассыс ѳшыбкасѳ.

**К ы в ѳ я с:** *ляк бадѳ, леторос.*

**ВЕЛОДѳС, МАИБЫР.**

*(Е. Рочев серти.)*

Прокоп Закар бѳрѳя кадѳ, кыз шуласны, весиг карта сайѳ ружьетѳг оз петав. Мыйла? А со мыйла.

Тайѳ вѳлѳ кольѳм во чери кыйигѳн. Бипур вылын юква да чай пуѳдѳс. Би вывсыд босѳтѳм сѳяныд пѳсь, мѳвпыштѳс кѳдзѳдны юквасѳ, медым сѳсся азымджыка сѳѳны. Босѳтѳс пѳртсѳ да чайниксѳ бипур вылысь. Ачыс гымга видлыны мунѳс. Регыдѳн чайтѳс бергѳдчыны, весиг пишальсѳ эз босѳт. А ноксыны ковмис дыр. Рѳмдыны нин заводѳтѳс.

Закар тѳрыба шаркѳдѳс тѳдса коз улѳ, кѳнѳ виччысис сѳѳѳс юква. Дерт, бипурыд ѳнѳ кусѳ нин, но ѳд позьѳ вылысь пестыны сѳѳѳс.

Тѳдса коз улѳ воськов нелямын вотѳдз Закар надзмѳдѳс воськовѳяссѳ. Кодкѳ пукалѳс сылѳн юква дорын. Кодѳ нѳ вермис локны татшѳм сѳрнас? Тѳлыс ѳвтѳс Закарлы воча. Та вѳсна, дерт, пукалысыс эз вермы кывны сылысь матыстчѳмсѳ. Закар вѳчис ещѳ некымын воськов да джѳмдѳс. Чѳсмасысыс, вѳлѳмкѳ, гѳна пася. Гожѳмнас нѳ кодѳ гѳна шабурсѳ новлѳ? Вѳрсаыс?

Закар нѳшта матыстчыштѳс. И гѳгѳрвоис, тайѳ ыджыд ош. Со сѳѳѳ водз лапаяснас вом дорас вайѳдѳс пѳртсѳ

да кымыньтіс, пыдөссө нин кураліс. Сэсся пыдыртіс пөртсө шаньга кодьодз да шыбитіс. Закар чуть эз горөд жалысла.

Ош мыш сайын коз бокас сулаліс ружьеыс. Судзөдчыны эськө Закарлы сэтчөдз. Но эз лысыт вөчны ни өти воськов. Код төдас, мый вөчас Михайлөйд. Закар кань, моз шытөг бөрынтьчис. Ыджыд кытш вөчөм бөрын нарошнө зык лэптис, кос увьяс ратшйөдліс, сись вужляяс пасьйис. Ыджыд шумөн матыстчис кусөм бипур дорө .

Михайлө некөн нин эз тыдав. Усйисьома зыкто кылөм бөрын.

Закар дыр сулаліс лямөдөм пөрт дорас, шензис ыджыд вытя гөсть вылө. Юква кындзи став няньсө дай сакарсө Михайлөйд сөйөма. Ковмис быть лэччыны гортас. Сэтысянь Закар оз нин торйөдчыв пищальыскөд. Көть здук кежлө бадь костө пыралас, пыр сьорас вөдитө. Велөдіс Михайлөйд.

Заданиеяс. I. Индөй частицаяс, обьяснитөй налысь вежөртассө.

II. Лөсьөдөй план да гижөй изложение.

#### П л а н.

1. Закар муніс гымга видлыны.
2. Юква дорын кодкө пукалө.
3. Велөдіс Михайлөйд.

## ГЕОРГИЙ ТИМУШЕВЛӨН ПОДВИГ.

(С. Тимушев серти.)

Миян частьяс наступайтісны. Бөрө колины Харьков, Киев, вуджөма Днепр, Днестр, Буг, а водзын — Серет ю. Сійөс вуджасны, и миян армия пырас Румынияө.

Но кызди сійөс вуджны? Паническөя бөрынтьчись немецьяс сотісны-жуглісны ставсө, взрывайтисны посьяс. Көть мый, а колө босьтны Серет ю вомөн пос. Босьтны, сідзкө, панйыны немецьясөс, воны татчө наысь водзджык. Тайө зэв колана боевөй заданиесө командование поручитіс Георгий Тимушевлы. А задание вөлі сьөкыд. Колө босьтны пос, разминируйтны, видзны сійөс отсөг вотөдз.

Асьядор Тимушевлөн танкөвөй десант матыстчис цель дорө, сувтіс километр сайө.

Қор отважнөй сапөръяс чеччалісны танкьясысь, бө-

рын, кылö, пансис нин бой. Тайö мян частьяс зилсны задержитны врагöс. Быд здук дона. Тэрмасьöмөн, но шумтöг, быд куст да мыльк сайö сайласьöмөн, матыст-чисны сапёръяс пос дорö. Со и пос, вылö лэптысьöма сы-лөн көрт гөрбыс. Кор немецкöй патруль бергöдчис налы мышкөн, Тимушев пелька чеччыштис пос вылö.

Меткöя лыйöм, и немецкöй часöвöй идзас кольта моз чеги. Водзö, водзö пос шөрланы! Со и кабель, орöдис сийöс пуртөн. Абу-ö ещö көнкö мөд провод? Минаяс обез-вредитöма, но мөдар берегсянь казялисны нин. Колö вуджны сэтчö, не лэдзны противникöс пос вылö. «Рöдина вöсна!»— горöдис лейтенант Тимушев. И сы бөрся са-пёръяс лыйсигтырйи уськөдчисны вражескöй береглянь.

«Ни öти воськов бөрö!»— командуйтис Тимушев ас-лас ёртъясыслы, и сэк жö кылис асладор берегсянь вына «ура».

Мян ударнöй частьяс пырисны пос вылö. Лейтенант аддзис пос вывтi вуджысь гөрд звездаа танкьяс, котөр-тысь боецьясöс. А асыввывсянь кыпöдчис мичаысь-мича шондi.

Тимушевлысь героическöй подвигсö вылö донъялис мян правительство, сетис сылы Сöветскöй Союза Геройлысь ним.

**Заданиеяс.** I. Текстсы индöй кывбöра суэществительнöйяс, лöсьöдöй наөн выль предложенияс: километр сайö, мыльк сайö, пос дорö, пос вылö, кольта моз.

II. Лöсьöдöй план.

#### П л а н.

1. Мян частьяс наступайтöны.
2. Быд здук дона.
3. Ни öти воськов бөрö.
4. Георгий Тимушев — Сöветскöй Союза Герой.

#### КЫДЗ.

(И. Коданёв серти.)

Öшинь улын быдмис кыз пу. Быдмис сийö зэв нин дыр. Весиг ачыс Öксинь тьöt вунöдис, кор садитлис тайö еджыд кока пашкыр пусö. Унаысь волис тулыс да ар, төв да гожöм. Сотлис яр шондi да усьлис пух кодь лым. Кыз

пу век сѡвмис да нюжаліс, а Ӧксинь пѡч век ѡтарѡ пѡ-  
рысьмис. Пѡчлѡн кос чужѡм вылас содісны чукуръяс, а  
быдтасыслѡн петісны пыр унджык и унджык выль вожъ-  
яс, сійѡ пыр мичаммис и мичаммис.

Ӧксинь ѳна радейтіс аслас киясѡн садитѡм кызд пуѡс.  
Гажа тувсов рытъясѡ частѡ петавліс сы дорѡ. Пуксяс  
ляпкыдик джек вылѡ, шойчѡдыштас мудзѡм лы-сѡмсѡ,  
казытштас ныв-пиянсѡ, кодъяс радейтлісны жѡ пукав-  
лыны тайѡ пу улас. Ӧні найѡ разѡдчисны лѡбачьяс моз  
чужан позйысь.

Дивъя ѳні Ӧксинь тѡтлы шойччыны. Челядыс быд-  
мисны. Почталъон быд тѡлысь вайѡ гортѡдзыс пенсия.  
Кургѡ-олѡ пѡч. Да и посѡлокса том йѡз вольвлѡны татчѡ,  
радейтѡны гажѡдчыны кызд пу улын. Мукѡд дырйи вой  
шѡрѡдз пукаласны, сьыласны да гажѡдчасны. Пѡрысь  
морт оз дѡзмы. Ачыс ѡд коркѡ вѡлі том.

Со и талун пѡч петіс шойччыны пу улѡ. Но мый тайѡ?  
Кыззлысь чорыд кучиксѡ кодкѡ вундалѡма, розьѡдлѡма.  
Пѡч уськѡдчис пу дінѡ, тупкис кинас ранасѡ. Сьѡлѡмыс  
тыри ыджыд скѡрлунѡн.

Бѡрдіс кызд. Кыз синваѡн бѡрдіс и Ӧксинь тѡт. Эз,  
нинѡмѡн эз вермы отсавны пулы пѡч. Сійѡ весиг эз тѡд,  
коді ѡти лунѡн вѡчис кык дой: чѡла сулалысь кыззлы да  
пѡрысь Ӧксинь тѡт сьѡлѡмлы.

Эмѡсь на тай свет вылад сѡтшѡм йѡз, кодъяс оз донъ-  
явны ывлавывса мичлунсѡ, оз тѡждысьны вѡчны морт-  
лысь олѡмсѡ мичаѡн, шудаѡн.

Заданиеяс, I. Текстсь индѡй эпитетъяс, сравнениеяс да пыр-  
тѡй асланыд изложениеѡ либѡ сочинениеѡ.

II. Лѡсьѡдѡй план.

#### П л а н.

1. Ӧшинь улын кызд пу.
2. Ӧксинь тѡт.
3. Пу сьѡлѡмысь визувтѡ синва.
4. Лѡк морт ѡти лунѡ вѡчис кык дой.

III. Гижѡй сочинение «Ывлавывса мичлун гажѡдѡ мортлысь  
олѡмсѡ» тема вылѡ.

#### РАЗВЕДКАЫН.

(Г. Фѡдоров серти.)

Разведчикъяс юѡртѡм серти, белѡйяс эз кѡсийны бу-  
рѡн сетчыны да энѡвтны Нѡбдін.

Краснӱяслӱн штаб шуис кытшавны противникӱс кумладорсянь да, оз кӱ сетчыны, пасьвартны.

Лыжнӱй отрядлы, кӱнӱ тшӱтш вӱлӱ Проня Юркин, командование тшӱктӱс войнас гусьӱн пырны белӱйяс тылӱ, воӱдчыны Нӱбдӱн сикт мӱдар помӱдз да не лӱдзны противниклы петны кытшысь.

Лыжнӱй отряд вӱрзӱӱдчис рӱмдӱгӱн. Медводзын мунисны разведчикъяс. Ывлаын дзик лӱнь. Сӱмын кылыштӱ лым вывтӱ лызьясӱн чушкӱм да лызь улӱ веськалӱм увлӱн тратшмунӱм. Оз сӱрнитны, некод весиг оз кызӱктышт гораджыка.

Асьядорыс разведчикъяс воисны вӱлӱсть помӱ. Мунисны гоз-мӱд керка кост, сӱсся друг син водзаныс сувтӱс кык судта ыджыд керка. Ӑшиньясыс биаӱсь, сӱдзкӱ, кодъя-яскӱ эмӱсь сӱнӱ.

Кильчӱ дорысь казялисны часӱвӱйӱс, шытӱг бырӱдисны сӱйӱс.

Керка пытшкӱ туй лон восьса, и найӱ уськӱдчисны посводзӱ, гув восьтӱсны керка ӱдзӱс, ружьяяс чургӱдӱмӱн пырисны улыс судтаас. Сӱтысь аддзисны еджыд юрсиа старикӱс, кодӱ буретш вӱлӱ пузӱӱдӱ самӱвар.

«Дедӱ, кодъяс керкаад эмӱсь?— негораа, но стрӱга юалис Проня.— Сӱмын ылӱдчытӱг, веськыда висьтав».

Старик падмыштлӱс, повзӱӱмысла муртса эз уськӱдкисыс самӱвар трубаӱс, кинас вывланӱӱ индӱгмоз, шуис сибдыштӱм гӱлӱсӱн: «Вевдор судтаас апичеръяс да телепонистьяс».

Вылӱ судтаын пыдӱ вежӱс ӱдзӱс вӱлӱ пӱдса. Разведчикъяс пиысь старшӱйӱс восьтӱс ӱдзӱсӱс да горӱдис: «Лӱптыны кияс! Керкасӱ кытшалӱма, водзсасыны сӱрнин!»

Рыжӱй уска кузь поручик уськӱдчис телефон дорӱ, котӱртігмозыс кӱсйис кыскыны кобурасыс револьверсӱ, но стӱча ыстӱм пуля суӱдис сӱйӱс. Поручик сунгысис джоджӱ. Мукӱдъяс повзисны, лӱпталӱсны киясӱс. Белӱйяслӱн штаб сдایتчис.

Заданиеяс. I. Индӱй образнӱй выражениеяс да лӱсьӱдӱй наӱн предложениеяс.

II. Коллективнӱя лӱсьӱдӱй план.

### П л а н.

1. Нӱбдӱнын белӱйяс.
2. Лыжнӱй отрядлы задание.
3. Белӱйяслӱн штаб сдایتчис.

## ВИТЯ ВУГРАСИС.

Витя рытъявылыс нин муніс вуграсыны. Дыркодь вуграсис сійö. Чери сёйис зэв бура. Вочасөн шонді мөдіс увтасмыны, и Витя муніс вөр діö, пестіс бипур да кутіс пöжавны картофель. Недыр мысти сы дорö матыстчис кузь тушаа ён мужичöй. Тайö вöлі найö жö сиктысь, сöмын катыд помсьыс, Илья дядь. Пукалыштисны кыкөн бипур дорын, Илья дядь висьтасис, мый сійö локтöма пу костъясысь ытшкыштанвы турунтор. Печенча сёйöм бöрын Илья дядь водіс узыны. Витя дыр на пукаліс гажа би дорын, сэсся эз и тöдлы, кыдзи унмовсис. Кор садьмис, Илья дядь эз нин вöв.

Детинка котöртіс берег дорö, вöйталіс донкаяссö выль самöн. И друг казяліс таладор береглань матыстчысь пыжаöс. Пыжа сувтіс вуграсян местасянь вель ылö. Пыжсьыс чеччис дядьö, кыскыштіс пыжсö берегас, гөгөр видзöдліс, лэптіс мыш вылас мешöк да öдйö мөдöдчис вөрлань. Витя матыстчис пыж дорас. Пыж шöрас кымыньтöма саран. Бöжас чукөрөн куйлö зэв уна пробкаа сюрöс. Витя пырис пыжас, лэптыштіс сарансö да чуймис: мыйта чериыс! Стерлядыс весиг кыйöма! Витя бөр пуктіс сарансö, петіс пыжысь да муніс бокöджык.

Недыр мысти вөр дорсянь локтіс мужичöй. Тайö вöлі Илья дядь.

«Со кутшöм турун сійö, вöлөм, ытшкö»,— дум вылас уси Витялы войся сёрниыс. Илья, вöлөм, кыйсьö самоловөн. Витя кöсйис матыстчыны пыж дорас, но Илья дядь скöрысь вöтліс сійöс пыж дорсьыс.

Эз ло лöсьыд Витялы. Быттьö тшöтш ачыс мыжа лон. Рытнас Витя висьталіс та йылысь рыбинспекторы.

А асывнас кывсис, мый Илья дядьöс войнас кутöма инспектор.

Задание. Лöсьöдöй план.

### П л а н.

1. Витя вуграсьö.
2. Бипур дорын.
3. Витя адзö пыжаöс.
4. Илья дядьöс кутö рыбинспектор.

## СОДЕРЖАНИЕ

Водзкыв . . . . .	3
Нельёд класс . . . . .	5
Витёд класс . . . . .	40
Квайтёд класс . . . . .	70

ИБ № 456

Екатерина Александровна Кузиванова,  
Василиса Алексеевна Шучалина

### СБОРНИК ИЗЛОЖЕНИЙ ПО КОМИ ЯЗЫКУ

для 4—6 классов

Редактор А. П. Морозова. Художественный редактор А. В. Мошев.  
Технический редактор А. Н. Вишнева. Корректоры Э. С. Грегер,  
В. М. Витязева.

Сдано в набор 8.04.1980. Подписано к печати 3.07.1980. Формат 84×108<sup>1</sup>/<sub>32</sub>. Бумага № 1. Гарнитура «Литературная». Печать высокая. Усл. печ. л. 5,04. Уч.-изд. л. 4. Тираж 1000. Заказ № 4193. Цена 15 коп. Коми книжное издательство. 167610. Сыктывкар, Дом печати. Республиканская типография Государственного комитета Коми АССР по делам издательств, полиграфии и книжной торговли, 167610, г. Сыктывкар, ул. Коммунистическая, 20а.



15 коп.

Коми книжной издательство

1980